


or. 24.789

Mal. 16.186



01. 24. 789

Buku masurāt Ākṣara Bali :

D r u w é n : Ni Kětut Taman, Lingk. Susuan, Karangasēm.
Sané nędunin : Ni Ayu Parwati, Br. Balépunduk Kělod, Déśa
Tėgalinggah, Kęc/Kab. Karangasēm.
Tanggal ngėtik : 5 Marėt 2000.

GAGURITAN PAÑJI SĚMIRANG, KARANGASĚM. 1

17 ŌNG Awighnam-astu.

PUH SINOM

Isėng-isėngan mañurāt,
nadakang mbahan mañilih,
kitab Malayu cap-capan,
dikala rung kapatik,
ngawi mabasā Bali,
nurah tėmbang sinom Badung,
dėning kapisėmang pisan,
dadi dēmėn tityang ngawi,
ampurayang,
tityang Jurusuāt maja.

(1)

Mangkin wėntėn kacarita,
para ratu ptang diri,
masēmėton tunggal biyang,
tatlu lanang marabhunin,
nėpilih alit ĩstri,
warñnanė kaliwat hayu,
taruni ngambėk kadharman,
Putri Bėko Gaṇḍha Sari,
paparabė,
di gunung nulis matapa.

(2)

Nėnė pinih duwur pisan,
di Koripan ñakra wrėthi,
sanė kaping ro di Daha,
di Gagėlang kaping trini,
jagatė ramya maka sami,
sarwwa mudah gemah landuh,

ban kothaman sang anātha,
ngėtisin pañjakė sahi,
kraṇna kukuh,
kagunganė jėjěr pisan.

(3)

Kawitin buwin hucapang,
Putri Bėko Gaṇḍha Sari,
awinan ida matapa,
di gunung nulis malinggih,
wirėh lintang ida tiling,
twara ngėlah ñėt atėpung,
mėndra tėkėn anak lanang,
pacang ngalih guru laki,
pangiṣṭinė,
patapa ngėṣṭiyang raga.

(4)

Yan akudang rāja-rāja,
nari pacang nganggon prami,
twara pisan kalinguwang,
mula patitisė bėsik,
di gunung magėhang kėrthi,
pėtėng lėmah nabdab ilmu,
awinanā kasuwėcchan,
antuk Ida Sanghyang Widhi,
bėtėl tinghal,
śakti nė tan bina-bina.

(5)

Watėk tapanė samiyang,
nė nongos di gunung wilis,

édalam padha makějang,
těkén Bėko Gaṇḍha Sari,
dėning kalintang śa kti,
kaswėcan bahan Hyang di gunung,
dharmma tuhuning dharmma,
Putri Bėko Gaṇḍha Sari,
Bhuta bgutinė
twara ya bani mėtangah.

(6)

Kalih lyu mahiringan,
hinang pangasuh ngayahin,
di gunung milu matapa,
indranė padha mari,
makějang padha astithi,
pangayahė nė aukud,
madan Ubun-Ubun inang,
pinih bisa mangañcangin,
Putri Bėko,
Gaṇḍha Sari di patapan.

(7)

Buwin walinin tuturang,
Sang prabhu Kuripan jani,
suba lami mangambėl jagat,
maputra lanang istri,
bagus warṇnanė tan sipi,
di jagatė lintang kasub,
kapėsėngin ban ajinda,
Radėn Inu Kėrtapati,
talėr di jagatė,
paparabė kahucapang.

(8)

Radėn asėmaraning ěrāt,
akėto paparab sujati,
papėsonė manis samya,
kėmikan lambėnė bangkit,
pantės ngulanin hati,
anakė luh lyu buduh,
bagusė tan kabhinawa,

kalingkė anakė istri,
anak bagus,
masih makějang muduhang.

(9)

Sang Prabhu dhahat ngėman,
Radėn Inu Krėtha Pati,
sapiunas kadagingan,
ñabran dina kahajahin,
watėk ilmu kasaktyan,
gagėlaran anak agung,
muwah kahicchėn parėkan,
liyun ñanė pėtang diri,
ñabė Prabhu,
panak tumėnggung makějang.

(10)

Madan I Jrodėh I Punta,
I Karthala kahadanin, -/-
[2] makadiña I Prėsanta,
maka patpat trėṣṇa bhakti,
Radėn Inu Krėtha Pati,
ngėman parėkanė muput,
twara ada biša bėlas,
bryak-bryuk cucud sami,
mangėringwang,
Rahadėn Asėmaraning rāt.

(11)

Ngalėdangin pakayunan,
Radėn Inu Krėtha Pati,
parėkanė maka patpat,
padha bawud-bawud sami,
mangigėl tur magėgėndhing,
pantės anggon pañalimur,
mañalimurang i manah,
biša ngalap trėṣṇan guṣti,
manglėdangin,
kahyun ida sang makějang.

(12)

Malih Sang Prabhu Gagĕlang,
masih maputra abĕsik,
lanang tur pĕsĕngan ida,
wyakti Radĕn Singha Mantri,
kasayangang bahan aji,
wirĕh maputra ahukud,
liyu kahicchĕn parĕkan,
ngiring Radĕn Singha Mantri,
sayan duwur,
nanghing ngandang ngañjuh nabran.

(13)

Sagĕt buka anak hĕdan,
solah Radĕn Singha Mantri,
magrĕnĕng-grĕnĕng mapayas,
sarwwa sŭtra murub sami,
mabungkung pakĕnit-nĕit,
socan nanĕ nomĕr satu,
dĕning putran sang anĕtha,
anak agung liwat sugih,
Radĕn Singha
Mantri buka nĕm-ĕnĕman.

(14)

Hiringanĕ kadawuhan,
apang makĕjang nŭlŭngling,
yaning ada maricĕda,
kalangsĕg tur ya katigtig,
nghing yan ada nĕ mamuji,
ngasubang nabatang bagus,
sing ngitung bungkung mĕrah,
kahĕmbus anggon ngupahin,
upah ngajum,
sahi masalin bhŭṣaṇa.

(15)

Rĕh cincin sahi brarakang,
twara ngitung songkĕt Prañcis,
mĕwah sŭtra kakĕmbangan,
cĕlosang anggon ngupahin,

asing mangasubang bĕcik,
kĕto nĕ mungguh di' buku,
baya saking maragragan,
solah Radĕn Singha Mantri,
manĕtĕpang,
kadi nĕ mungguh ring kitab.

(16)

Ida Sang Prabhu ring Daha,
maputra istri kakalih,
pangarĕp nĕnĕ duhuran,
mijil saking Pramĕṣwari,
nĕ halitan panahuring,
okanĕ paduka Liku,
rabhi panawingan sayang,
nĕ ngampihang Pramĕṣwari,
kalih mahĕ
Dĕwi nĕ tan pasĕntana.

(17)

Twan Galuh Cindra Karaṇa,
mijil saking Pramĕṣwari,
Galuh Ajĕng nĕ halitan,
wijilan rabhi panawing,
hati madhu nĕ tan sipi,
maparab Paduka Liku,
kraṇa Galuh Ajĕng nabran,
masadu tĕkĕning bibi,
mamiriyang,
rakanĕ Cindra Karaṇa.

(18)

Twan Putri Cindra Kirana,
jĕgĕgĕ tan sipi-sipi,
kudyang ja ratayang sambat,
kahayon Ida Twan Putri,
kĕh ngawĕ kĕnĕhĕ kĕri,
cĕndĕt sing tingkahang patut,
tong ada ya pacang cĕda,
Pramĕṣwari ngĕman gati,

Tuwan Putri,
Cindra Kirañna ngandikā.

(19)

Liyu mangĕlah pangĕmban,
Tuwan Putri maka kalih,
mangĕmban Cindra Kirañna,
néné dadwa to kahadanin,
Ni Kĕn Bayan lan Ni Sanghit,
barĕng padha briyak-briyuk,
Twan Putri maka dadwa,
liyu pangĕmbané ngiring,
Galuh Ajĕng,
lan Galuh Cindra Kirañna, -/-

(20)

[3] Sawirĕh padha liyunan,
hinang pangasuhé ngiring,
Tuwan Putri Cindra Kirañna,
macanda-canda di puti,
Radĕn Galuh Ajĕng iri,
tĕkĕn bibiné masadu,
nāduwang twara karĕnga,
tĕkĕn pangĕmbané sami,
lawut masawut,
paduka Liku ngandikā.

(21)

Hĕda idĕwa miriyang,
wirĕh mémé janma tani,
dadi rabin ida Sang Nātha,
idĕwa awanan jani,
ring Sang Nātha twara hĕling,
kudiyang nagih pang patuh,
kĕn Galuh Cindra Kirañna,
dĕning okan Pramĕśwari,
kĕto muñin,
Paduka Liku macipta.

(22)

Hinang pangasuh kabatbat,
mĭwah pangĕmban katigtig,
Paduka Liku manĕmah,
bahan mabhinayan gati,
abĕt ngiring Tuwan Putri,
awanan Paduka Liku,
buka mangiriyang pisan,
miri tĕkĕn Pramĕśwari,
yaning siddha,
Pramĕśwari mangda budal.

(23)

Jani sĕdĕk dina mĕlah,
Tuwan Putri maka kalih,
pacang lungha malañcaran,
ka taman Bañjaran Śari,
kahyun sang putri kalih,
ngalap sĕkar néné harūm,
disubanĕ padha mapayas,
masabuk ban śutra kuning,
lintang ayu,
warñnanĕ Cindra Kirañna.

(24)

Galuh Ajĕng lut mapayas,
mapĕpĕkĕk śutra tangi,
bahan mara kacingakan,
papĕkĕk rakanĕ bĕcik,
śutra kuning lawut piri,
Galuh Ajĕng gĕlis matur,
masadu ring ajin ida,
manangkil sambil manangis,
bahan bina,
sabukĕ twara ja padha.

(25)

Sang Nātha lawut ngĕnggalang,
ngandikayang mangantinin,
kakĕdĕng ban kĕdalĕman,
tĕkĕn rabhinĕ panawing,

Sang Prabhu lintang ajĕrih,
ring rabhi paduka Liku,
hawanan dadi kasayang,
Galuh Ajĕng tan sinipi,
ban kakĕdĕng,
Paduka Liku rĕh sayang.

(26)

Disubanĕ papatuhan,
masabuk ban sĕtra kuning,
Galuh Ajĕng lintang liyang,
patuh kĕn rakanĕ jani,
mangango lawut mamarggi,
ka taman miringan liyu,
Śrĭ Pramĕśwari lungha,
Mahā Liku Mahā Dĕwi,
abriyukan,
padha ngiring dĕ Sang Nātha.

(27)

Sarawuhĕ maring taman,
Tuan Galuh maka kalih,
mahilĕhan maring taman,
ngalap bunga sarwwa mihik,
kahiring ban Bayan Sanggit,
Galuh Ajĕng lintang sisu,
ngalap bunga sing kahalap,
bahan rakanĕ maluwin,
kasusupan,
bahan bibinĕ drowaka.

(28)

Tuan Galuh Cindra Kiranna,
ngalahang raga kahiring,
ring Bayan Sanggit mangalap,
sarwwa bunga sisañ pilih,
Galuh Ajĕng ngalangkungin,
dadi mbahan bunga liyu,
jani suba rajĕg sĕryya, -/-
4 kĕbus bahang padha ngĕtis,

mahayuban,
di batan puñan rajasa.

(29)

Sagĕt ada pakši tĕka,
kĕdis kacyal manĕsĕkin,
Galuh Ajĕng lawut nĕmak,
pakšinĕ makĕbur gĕlis,
pangĕmban maburu sami,
pakšinĕ pacang kahĕjuk,
nanghing twara ada bakat,
gĕlis Ni Bayan lan Sanggit,
ngiring ida,
Tuan Putri Cindra Kiranna.

(30)

Narugtug kĕdisĕ ngĕnggalang,
i kĕdis kacyal nĕ jani,
tuhun mangĕncĕgin tangan,
Cindra Kiranna agĕlis,
ngambil pakši nĕ nĕkanin,
Galuh Ajĕng lintang marungus,
mahatur ring rakan ida,
mbok ayu inggih hicĕnin,
mangkin tityang,
pakši kacyal nĕ punika.

(31)

Rĕh tityang antuk alitan,
mbok ayu duhuran mangkin,
patut picchayang ring tityang,
Cindra Kiranna nĕawurin,
ngudyang adi yayu nagih,
rĕh mbok makatang ngĕjuk,
lawut padha nguringang,
tingkahĕ mabahan kĕdis,
Galuh Ajĕng,
piri matur ring ajinda.

(32)

Tityang akĕh polih sĕkar,

mbok ayu polih pakši,
punika pamitang tityang,
tan wĕntĕn tityang kicĕnin,
haturé saka dulur tangis,
Sang Prabhu ngandika halus,
hĕda pĕsan mañĕbĕtang,
awak padha mapikolih,
mabahan pakši,
adi liyu mbahan bunga.

(33)

Kĕto pangandikan ida,
Sang Prabhu ñangkol ngasihin,
Galuh Ajĕng lintang liyang,
ngararis ring bibiné mangkin,
ngaduwang saparihindik,
Paduka Liku masahurin,
apa ké pacang saduwang,
ngudyang twara biša nagih,
malih matur,
Galuh Ajĕng midarthayang.

(34)

Sampun polih tunas tityang,
mbok ayu nĕntĕn ngicĕnin,
mbok ayu ñimpĕdin tityang,
tur tityang katungi-tungi,
Mahā Liku mañawurin,
tuwah idĕwa mula lacur,
kĕnkĕnang manggih sayangan,
tĕkĕn Ida Pramĕśwari,
pati kacuh,
Paduka Liku masipta.

(35)

Dĕning ati madhu pisan,
ring Ida Śrī Pramĕśwari,
ngunggulang bahané sayang,
Mahā Liku kadalĕmin,
antuk Śrī Bhupati,
sakahyun Paduka Liku,

kadagingan ring Sang Nātha,
awan an mawuwuh banggi,
Mahā Liku,
sayangé ngĕbĕkiñ jagat.

(36)

Timbalang buwin hucapang,
Sang Prabhu Koripan jani,
nanĕng bĕngong-bĕngong sawat,
malinggih ida masanding,
sarĕng ring Paramĕśwari,
ngandikā Ida Sang Prabhu,
ring Paramĕśwari banban,
kĕnĕn bahan makĕnĕh jani,
apang lawut,
kagungané ñak madapa.

(37)

Pramĕśwari matur sĕmbah,
tityang pitĕlas mangiring,
ngaryyanin mangdĕné siddha,
rahayu jagaté mangkin,
rĕh sampun lintang lami,
linggih bĕli ñĕnĕng prabhu,
tĕhĕr jagat mangda trĕṣṇa,
kĕngin wĕntĕn mangobĕtin,
inggih ndikayang,
Sang Prabhu raris ngandikā.

(38)

Druwaning sinah ada hortha,
rĕh sumĕkĕn buka jani,
Ida Sang Prabhu Daha,
ngĕlah panak hĕluh lĕwih,
hokané Sang Śrī Pramĕśwari,
warṇnané kalintang hayu,
Kĕnĕh bĕli pacang nglamar, -/-
5 ngĕlamarang anaké cĕrik,
Radĕn Inu,
Krĕtha Pati katagonang.

(39)

Sampun puput babawosan,
Sang prabhu lantas ngěsěngin,
para Mantri Pañca punggawa,
abriyukan parěk nangkil,
suratě mahamplot pasti,
panglamarě sampun puput,
muñin surat ada nambat,
sampun srěgěp maka sami,
briyuk nambah,
hutusaně laut majalan.

(40)

Tan kocapan ring awan,
sagět suba napak jani,
di Daha laut ngapuryan,
Sang Prabhu sěděk malinggih,
nguntuk matur ngubhakti,
suratě sampun kahatur,
Sang Prabhu Daha nanggap,
sampun puput kapawosin,
mingis-mingis,
Sang Prabhu Daha ngandika.

(41)

Twara ira matur lantang,
těkěning Ida i běli,
ně jani kěto haturang,
Ira pitělas mangiring,
buka pangarsan I Běli,
twan Putri Cindra Kirana,
katuring Ida I Běli,
buka daging
surat Sang Prabhu Koripan.

(42)

Kalingkě Cindra Kirana,
wyadin jagatěně dini,
I Běli masih adruwěnang,
saking sinah mula jati,
kěněh hiraně hěning,
twara lětěh twah mulus,

Twan Putri Cindra Kirana,
těkěn Raděn Kěrta Pati,
kapatagon,
Hira nukušmayang pisan.

(43)

Lědang Sang Prabhu miněhang,
utusaně maka sami,
kahipuka malěgan-lěgan,
di Daha kudang way,
Mantri Punggawa sami,
matur sěmbah ya mabriyuk,
pacang mapamit budal,
ka Kahuripan bwin mawali,
lut majalan
sarawuhě ring Koripan.

(44)

Raris parěk nguningayang,
ka puri nartayang sami,
kadi daging pangandika,
Sang Prabhu Dahaně sami,
tlas kahuningayang mangkin,
Sang Prabhu lědang ring kahyun,
kumara kapiěnggang,
kadi hatur Pañca Mantri,
satulakě,
saking ka utus ka Daha.

(45)

Sang Prabhu lintangin lědang,
Raděn Inu Kěrta Pati,
kěsěngan antuk ajinda,
tumuli parěk ngubhakti,
Sang Prabhu ngandika aris,
ndartayang indikě sampun,
tělas sampun kapidarta,
makadi ring Prami swarě,
sami lědang
ně jani lut kacritayang.

(46)

Ida Sang prabhu ring Daha,
ngandika ring Prami Śawarī,
midarta kadi panglamar,
makadi ring mahā Déwi,
salédang ring Mahā Déwi,
né jani paduka liku,
subha mamiréngang horta,
okané Śrī Prami Śwarī,
tuwan galuh,
Cindra Karaṇa kalamar.

(47)

Né jani mawuwuh murkka,
Mahā liku lintang piri,
angkarané bas kaliwat,
kéné paminéh di hati,
kénkén dayané jani,
mangdé nané siddha buhung,
twan Putri Cindra Kirana,
dadi tatgon tuwan mantri,
Radén Inu
Kërta Pati ring Koripan.

(48)

Sang Hyang Widdhi manuduhang,
paduka likuné jani,
mëntik pitungané sasar,
hiri hatiné mamurtti,
těkéning parama Śwarī,
ngaé tapé misi racun,
kawadahin piring sutra,
tur tatakané pasti,
bokor ěmas,
parékan kabéh mangaba.

(49)

Kahutus saréng tatiga,
mamarék Śrī Pramé Śwarī,
ngaturang tapé punika,
utusané kasēsédin,
ngaturang parami Śwarī,

haturan paduka liku,
tumuli laut majalan,
parék ring Śrī prami Śwarī,
di pamrēman -/-
67 ngaturang tapé punika.

(50)

Prami Śwarī manarima,
sampun kasalinang gělis,
i parékan nambah budal,
tulak nguningayang mangkin,
tumuli mahatur raris,
ring paduka maha liku,
tapéné wus kahaturang,
ring Ida Parami Śwarī,
mahā liku,
lédang kahyuné minéhang.

(51)

Kéné kakětik ring manah,
mahā liku jroning rědi,
jani ganti mañidayang,
buka hiděpé maisi,
yan Ida Parami Śwarī,
ngajěngang tapéné bahu,
pědas ya majalan pějah,
rusak Ida Prami Śwarī,
jani salah tunggal,
twan Galu Cindra Kirana.

(52)

Yaning suba siddha rusak,
panak gělahé ngěntinin,
kapatagon ka Kahoripan,
těkén Ida Radén Mantri,
Radén Inu Kërta Pati,
kéto pangrawos ring kahyun,
Mahā Liku wus yatna,
nambakin pang da sisip,
disubané,
Parami Śwarī siddha rusak.

(53)

Paduka Liku ngénggalang,
ngēséngin rakané gĕlis,
samĕtoné nĕné lanang,
paparabé Jakša Mantri,
ajahan sampun ida prapti,
ngandika Paduka Liku,
tulusang ja mañama,
tĕkĕn hĕmbok buka janĕ,
kĕmo luwas,
jani halihang hĕmbok guña.

(54)

Yan dija hada hortha,
baliyan mĭwah tapa śakti,
kĕmo laku ngalih guña,
nunas tulungan né jani,
mangdé nĭdayang misi,
kĕnĕh mboké adi bagus,
mangdé Ida Sang Nātha,
saturut ring ĕmbok jrih,
kadalĕmin
apang ĕmbok kadrĕmanang.

(55)

Jakša mantri sahur sandika,
gagangsaran lut mamarggi,
ngaliwatin gunung alas,
sawat pajalané jani,
ada gunung katĕpukin,
magawok gowané sintru,
cĕngok mangĕrĕsang manah,
lut mangrañjing jakša mantri,
kabatĕkan
pitrĕşņané tĕkĕn nāma.

(56)

Jakša Mantri gĕlu pisan,
katĕpukin anak lingsir,
matungkĕd tur matruyudan,
kocap ĕnto tapa śakti,

matapa huling lami,
yan suba akudang tahun,
lamur bahan kalawasan,
matapa twara mabhukti,
lintang putus,
tapané lawut mangucap.

(57)

Apa pacang kasadyayang,
Jakša Mantri tĕka mahi,
mañagjag nĕşĕkang pisan,
pasawuré Jakša Mantri,
tityang sumadya mariki,
hĕmbok tityangé mangutus,
nawĕgang nunas tulungan,
sampun kapidhartha sami,
kadi daging,
pangarşané né ngutusang.

(58)

Tapané ngĕñjuhang sĕpah,
Jakša Mantri kahĕñjuhin,
hĕné sĕpah kĕma aba,
kaput ban kĕsitan putih,
déning kapituduh Widhi,
şĕkĕn nĭdayang katĕpuk,
kadalĕmin ban ipañjak,
makadi takutin rabi,
kadrĕmanang,
di batan galĕngé pĕjang.

(59)

Jakša Mantri gĕlis nanggap,
ngulahang matulak mulih,
şĕpahé mahilidang pisan, -/-
[7] apang twara anak huning,
sampun ya rawuh di puri,
şĕpahé sampun kahatur,
I Liku ya manarima,
gĕlis mantuk Jakša Mantri,

buka n̄ilib,
apang twara katangĕngahan.

(60)

Mahā Liku lédang pisan,
ngĕrisakin rāga prajani,
sĕpahé suba mapĕjang,
di batĕn galĕngé pasti,
makaput kĕsitan putih,
napakin buka manguduh,
anaké mbahang sĕpah,
lĕgan hidĕpé tan sipi,
Mahā Liku,
di pamrĕmané ngaraga.

(61)

Akéto laut timbalang,
caritayang prami śwari,
wus mĕdal saking pamrĕman,
di ambĕné Ida malinggih,
hinang pangasuh sami,
di bĕtĕnan nĕgak manguntuk,
nangkilin parami śwarya,
dadi mĕling prami śwari,
ring haturan,
paḍuka Liku punika.

(62)

Tapĕné nikayang nĕmak,
kahaturin pĕrami śwari,
mahayunang ya akediksan,
parĕkan ĕluh mangambil,
wus Ida ngayunin ragi,
tondĕn ada apah tĕlu,
ĕnggalan marasa usak,
pakayunan parami śwari,
dadi kantu,
twara mĕling maring angga.

(63)

Parĕkané padha héwa,

huyut tur ada mangĕling,
mahā déwi gĕlis n̄ajag,
mañundang Śrī Prami śwari,
huyut ngĕling lan manangis,
Sang Prabhu agĕlis rawuh,
kagyat Ida mañingak,
pĕrami śwari twara hĕling,
saget rawuh,
Twan Putri Cindra Kirana.

(64)

Nĕrit nangis manguyayang,
cokor biyangé kaguyangin,
Sang Prabhu lintang ngĕmĕngan,
macapcap pĕsu yĕh akṣi,
yan akudang mantra siddhi,
dadi sungkané mawuwuh,
anggané ngĕtor makĕjang,
yan akudang balyan śakti,
twara mĕlutang,
makadi blyan pañdhita.

(65)

Makĕjang padha ngangśĕhang,
ngaé patawar magilir,
masih twara mañidayang,
sayan hahĕs parami śwari,
kakĕdĕng bahan ganti,
kudiyang mañambung tuwuh,
prami śwari masurupan,
Cindra Kirana manangis,
kadi kĕrug,
rasan puriné di Daha.

(66)

Twan Putri Cindra Kirana,
layon biyangé pulisahin,
ngatĕkul managih séda,
mamĕlanin pĕrami śwari,
bahan trĕḅané mabibi,
Sang Prabhu ngambil kapangku,

Twan Putri Cindra Kirana,
twara pĕgat-pĕgat nangis,
dipangkonan,
ajinda nangis sisigan.

(67)

Sang Prabhu sĕrĕt ngandika,
mĕnĕng dĕwa suhud ngĕling,
titah Widdhi manuduhang,
krana tĕpuk buka jani,
sang prabhu ndawuhang glis,
mangdĕ puspane kasurung,
mantuk ka pemrĕman,
sampun ring pamĕrĕman mangkin,
kakĕrĕbĕ
makĕjang sarwwaning sutra.

(68)

Sang prabhu raris nakenang,
ring parĕkanĕ luh sami,
kĕnkĕn si kawit kaḅhanĕa,
kraḅa kĕnĕ buka jani,
pĕrami sĕwarĭ mangĕmasin,
kĕto patakĕn sang prabhu,
parĕkanĕ takut pisan,
jĕjĕh ngĕtor maka sami,
ada matur, -/-

87 nginingayang parĕkan Ida.

(69)

Sami sampun kahuningayang,
indik Ida Pramĕ Sĕwarĭ,
ngayunang tapĕ punika,
hawanana kantu prĕmangkin,
mayunang bahu akidik,
aturan paduka liku,
sang prabhu raris karodha,
kaharsĕn tapĕnĕ kari,
raris katur,
matatakan bokor ĕmas,

(70)

Bokorĕ laut kadanggĕlang,
bĕlah piringĕ mlĕkĕtik,
tapĕnĕ mabĕrarakan,
dinatahĕ kajajĕgin,
kahamah bahan I cicing,
syapĕ nokĕok ngarĕbut,
asing ngamah pajalĕmpang,
di natahĕ padha mati,
dĕngah - dĕnguh,
sang prabhu krodha dagda.

(71)

Sang Prabhu mangambil pĕdang,
trus mangunus bahag bihing,
prarahi bahagnĕ maga,
mahā dĕwi gĕlis ngambil,
kĕwalonĕ twan putrĭ,
Cindra Kirana mapangku,
Sang Prabhu ngucap banggras,
jadi gantĭn nĕnĕ mati, Mahā Liku
mangkĕ mapunggal ban pĕdang

(72)

Maka bris Ida Sang Nĕtha,
mangadĕg glisang mamarggi,
mamarggi manadtad pĕdang,
ngulĕlam muḅukĕ lungid,
tumuk raris ngungsi,
kappamĕrĕman Mahā Liku,
Mahā Liku manĕgak,
di obag korinĕ gĕlis,
kapĕmĕrĕman,
Mahā Liku mangantĕnang.

(73)

Sang Prabhu manadtad pĕdang,
ngulĕlam waluya tatit,
raris ngojog ka pamĕrĕman,
di duhur kasurĕ mihik,
papĕjanganĕ mapinti,
maka ngalĕndahang susu,

Sang Nātha raris mantukan,
banĕn mara kacingakin,
Mahā Liku,
macĕpol pĕdangĕ ngalĕtak.

(74)

Jĕg Sang Prabhu kabungĕngan,
krodhanĕ sirĕna prĕjani,
satsat api mangabar-abar,
biyokin toya apasih,
syĕp hĕndihanĕ dadi,
ba n jĕgĕgĕ Mahā Liku,
kacingak ban Sang Nātha,
twara ngitung apa duwĕn,
lut magĕbyug,
Sang Prabhu bah pingsan.

(75)

Di pamrĕman lawut ngaras,
Mahā Liku katumpahin,
sambil macanda-candayan,
lĕdang rarasmĕn ngulurin,
Mahā liku ngamañing,
Sang Prabhu ngandikā lus,
Galuh Ajĕng ya kija,
Mahā Liku matur haris,
nawi mlali,
yĕn kija pa kagĕnahan.

(76)

Tan dumadĕ lawut prapta,
Galuh Ajĕng huli malali,
Sang Nātha nāwup ngĕlisang,
Galuh Ajĕng lut kahabin,
sayan-sayan nguwuhin,
sayang Galuh Ajĕng muput,
wirĕh bibinĕ kadĕrmman,
okanĕ sayang makĕtig,
kĕto pisan,
nĕ jani Ida Sang Nātha.

(77)

Mapinĕh di jroning angga,
kĕnĕ paminĕhĕ jani,
nĕ mati dĕpang suba,
mula gantin nānĕ mati, -/-
[9] nĕ hidup ja puponin,
cĕcĕndĕtĕ Mahā Liku,
pagantyan subahanā,
tuwuh nānĕ Pramĕśwari,
kĕto pisan,
kakĕtĕk bahan Sang Nātha.

(78)

Sang Prabhu raris mĕdal,
ndawuhang ring Mañca Mantri,
Punggawa lan Hulubañang,
mangdĕ mĕndĕm Pramĕśwari,
ajahan to rawuh sami,
ūpacara sampun puput,
layon sampun kasĕtra,
majĕjawan mamas bĕdil,
muwah kĕndhang tambur,
di malu kobĕrĕ kĕmbar.

(79)

Payung agung kuning kĕmbar,
payung puşpanĕ makadi,
karĕmbat ban Para Mĕnak,
Punggawa lan Para Mantri,
ajahan sampun ya prapti,
ring sĕtra mapĕndĕm sampun,
tulak sangha mangiringang,
makĕjang matungtung sĕdih,
ngangĕn ida,
Twan Putri Cindra Kirañna.

(80)

Sang Prabhu twara ja lungha,
kasĕtranĕ mañarĕngin,
paragat ban mañca punggawa,
Twan Putri ucapang jani,
Cindra Kirañna ida sdih,

pĕtĕng lĕmah sahi bĕkut,
sĕdih mangangĕn biyang,
katinggalan kari alit,
Mahā Déwi,
ngajak waluya mahoka.

(81)

Mahā Liku sayan lédang,
sasampuné Pramésuari,
néwati mawuwuh bangga,
Mahā liku sayan hĕngging,
Galuh Ajĕng ngalédangin,
makadinna Mahā Liku,
gĕmĕs tĕkĕn pañĕrowan,
kikit-kikit muntag-mantig,
Mahā Liku,
anggara makĕjang nambat.

(82)

PUH PANGKUR

Ida Sang Prabhu Koripan,
néné jani mampirĕng horthi,
indik Pramésuari sampun,
linĕring jagatdhita,
mahawanan déwa tiban Mahā
Liku,
sinah pisan kapiĕngan,
sa kandha-kandhané sami.

(1)

Sungsut sang prabhu Koripan,
di ambéne malinggih lan pĕrami
tuwah kangĕn Ida ring kahyun,
ngangĕn Cindra Kirana,
Radén Inu Kĕrta pati masih ditu,
malinggih nangkil ajinda,
sang prabhu mangucap sĕdih.

(2)

Né jani apa puarana,
tuwan putri Cindra Kirana nu cĕrik,
katinggalan biyang ubuh,
nĕn pacang nulingayang,
manungkulang,
apanga ya twara ibuk,
kudyang twara kasidayang,
katinggalan pĕrami swarĭ.

(3)

Yĕning di jagat Koripan,
ada anak luh juwari kĕto dini,
mambĕk buka Mahā Liku,
agĕt yan tuwara marusak,
bas kalintang hya jadi
nĕngkĕlĕm manguntuk,
Mahā Liku kahangkaran,
manitahang guru laki.

(4)

Jani kĕnkĕn ban madaya,
mangda anggon pañalimur hati,
apang da bas liwat ibuk,
Tuwan Putri Cindra Kirana,
nah gaĕnang panak-panakan ahukud,
togog Kĕcana bahan ĕmas,
tundĕn ngabayang di gĕlis.

(5)

Pañca punggawa ka Daha,
kĕto puput wacanan dé rapati, -/-
pĕrami swarĭ liwat sungsut,
Radén Inu Kĕrtapati kĕskĕs nguntuk,
kalusu-lusu mañĕmbah,
mapamit ring aji bibi,

(6)

Mantuk ka jro pakarang,

sarawuhé ring puri mangě -
séngin,
parěkané daduwa sampun,
I Jěrudéh lan I Punta,
prěnamya di payunan mēpēs
manguntuk,
gělís ngandika ndawuhang,
Radén Inu Krětha Pati.

(7)

Ngěséngin pañca punggawa,
pacang kahutus ka Dēha néné
jani,
ban togogé sampun puput,
pakaryyan ida ngaraga,
Radén Inu Krětha Pati sampun
putus,
prajñan turmani kéděpan,
togog ya twah kakalih.

(8)

Né aběsik bahan ěmas,
masasoca běrlyan hintěn
masangling,
soroh néné nomor satu,
togogé waluya janma,
lut mahulěs antuk sělēm cina
lěkung,
pacang ring Cindra Kirañna,
tatagoné Radén Mantri.

(9)

Né bėsikan ban sělaka,
masoca ban bėlahan muté
pasti,
mahulěs déwangga halus,
tur madaging sasulaman,
sasampuné Sang Prabhū lédang
ring kahyun,
né pacang kahutus ngaba,

mañca punggawané sami.

(10)

Sampun napak ring puryan,
mabriyuk nēmbah tumuli ma -
marggi,
togogé mapayung agung,
matututan gambėlan,
tan dumadi sagėtan di Daha
sampun,
ada parěkan ngokasang,
badawuhan mangda ngraris.

(11)

Raris ngapuryyang sinamyan,
sarawuhé trus nambah maka
sami,
né jani suba kahatur,
togogé wus katanggap,
dėning suba sinah karaša
ring kahyun,
iriman saking Koripan,
sang Prabhu tur mingis-mingis.

(12)

Mahā Liku maněsėkang,
mīwah Galuh Ajěng sampun
manangkil,
Sang Prabhu matěruh-těruh,
kén né pilih ayuk juwang,
Galuh Ajěng mangambil néné
makaput,

bahan déwangga masulam,
sisan pilih néné jani,

(13)

Parěkan hěluh mangaba,
ngaturang ring Cindra Kirañna
né jani,
kahatur ring Twan Galuh,

Ulěs n̄aně makělěsang,
kantĕn tĕndas togog
ěmasě mungil luhung,
socan n̄aně intĕn ngrañab,
lědang kahyuně Twan Putri,

(14)

Galuh Ajĕng mangělěsang,
pangaputan togogě kantĕn
běcik,
putih n̄ampauh tĕka halus,
togogě bahan salaka,
lintang girang lědang
pakahyunan muput,
togogě kĕjor-kĕjorang,
galuh ajĕng dangkrak-
dingkrik,

(15)

Mañca Punggawa Koripan,
wus mapamit matur ring
Śrĭ Bhupati,
nĕrĕg pĕti Mahā Liku,
nĕmak batik śutra mulya,
kadadarin utusaně ukud-
ukud,
yaning aji kudang liar,
utusaně lawut mamarggi.

(16)

Padha tulak gagangsaran,
satĕkĕdě di Koripan
kapihuning,
mangkin ring Ida sang ngutus,
sami huwus kapidartta,
caritayang ně di Daha jani
lawut,
para mantrině maka dadwa,-/-
[11] padha ngĕlah togog luwih.

(17)

Twan Putri Cindra Kirañna,
twara bělas tĕkĕn togogě syang
latri,
sahi ya hukut-ukut,
togogě kaharas-aras,
kacangkriman di pamrĕman
hiyung-hiyung,
pinaka hoka-okayan,
lědang Mahā Dĕwi ngakṣi.

(18)

Nĕně jani padha mĕdal,
Galuh Ajĕng Cindra Kirañna
ñangkil,
togogě padha makudung,
śutra kacyal masulam,
kahiringang antuk pangayahě
liyu,
Ni Sanggit mĭwah Ni Baya n,
Galuh Ajĕng lut mangakṣi.

(19)

Togog rakaně bahan mās,
dadi piri mrungusang mĕcuk
halis,
Galuh Ajĕng raris matur,
ring Putri Cindra Kirañna,
nggih hicĕnin tityang ngĕnto-
sin mbok ayu,
togog hĕmasě punika,
puniki hĕmbok mangambil.

(20)

Masawur Cindra Kirañna,
ngudyang kĕto bahan adi yayu
jani,
miriyang mbok ně lacur,
togog hĕmbokě mĕlědang,
adi hayu suba milihini to malu,

sisan pilih mbok makatang,
mĕtu jani adi managih.

(21)

Mbok ngamindahang pisan,
yadin ngambul ban adi nga -
lĕmĕsin,
kadung ajak hĕmbok lacur,
anggon mbok panak-panakan,
masih kĕdĕh Galuh Ajĕng mĕnang
rungkuk,
kĕtĕb-kĕtĕb mamĕntosang,
masih twara kahicvĕnin.

(22)

Galuh Ajĕng mangĕnggalang,
ring bibinĕ masadu saha
tangis,
lut sigsigan sĕgu-sĕgu,
Mahā Liku mangandikā,
nĕn nganu idĕwa awanan ma-
ngulun,
Galuh Ajĕng midarthayang,
togog rakanĕ kaharṣa iki.

(23)

Bahan mās liwat mĕlah,
to hawanan manangis muntag-
mantig,
gĕrung-gĕrung jangka bĕngul,
lawut togogĕ kadaglang,
kapiřĕngang bahan ajinda
Sang Prabhu,
mangandika ihh kanapa,
anakĕ cĕrik mangĕling.

(24)

Sang Prabhu sisu mañĕmak,
Galuh Ajĕng kahabin kapasihin,
hĕnu nangis hulun-ulun,

Galuh Ajĕng ya ngarab,
Mahā Liku ngatĕmĕl midartta
sampun,
nguningayang ring Sang Nātha,
nĕ ngranayang dadi tangis.

(25)

Dĕning sangĕt kadĕrmmanang,
Galuh Ajĕng kahĕman buka jani,
antuk palinggih Sang Prabhu,
kabatĕk bibinĕ sayang,
kadagingan samanahĕ Mahā Liku
iku,
Sang Prabhu kalintang krodha,
tumuli mangambil gunting.

(26)

Ngojog putranĕ duhuran,
Twan Putri Cindra Kiranna nĕ
jani,
Sang Prabhu mĕnggah kadurus,
pangandikanĕ to bangras,
hih nĕ nahi Cindra Kiranna
da pĕngkung,
tuhutang pamuñin bapa,
togogĕ bahang nilurin.

(27)

Togog adinĕ nahi nuwang,
nĕ bahang adin nahi pang da
ngĕling,
Cindra Kiranna masawur,
mañumbuh busan - busan,
manĕgtogin buhpada Ida Sang
Prabhu,
tĕtyang ngamindahang pisan,
togog tityangĕ puniki.

(28)

Sang Prabhu raris mangĕrak,

yan pitĕhĕr nahi pacang
mucingin,
tan pariwangdĕ nahi lacur,
nahi pacang gunĕing bapā,
matur sĕmbah Cindra Kirañna
manguntuk,
tityang manawĕgang pisan,
yan palungguh bapā kari.

(29)

Samatra mĕling ring tityang,
nganggĕn tityang parĕkan kadi
mangkin, -/-

12 kalih tityang sampun ubuh,
katinggal antuk biyang,
yan suwĕccha pisanan puputang
sampun,
iriki padhĕmang tityang,
mangda ngiring Pramĕswari.

(30)

Sang Prabhu sayan nangĕtang,
pamĕnggahĕ Cindra Kirañna
kagunting,
rambutĕ mamburan sampun,
Sang Prabhu raris budal,
Twan Putri Cindra Kirañna
macĕbug,
kantu di hambĕnĕ hĕnggal,
rawuh Mahā Dĕwi ngambil.

(31)

Hinang pangasuh makĕjang,
sakañcanĕ Ni Bayan lan Ni
Sanggit,
makĕjang ya padha ngĕrung,
ngĕling sigsigan mangĕnang,
gustin nanĕ lacur pasaja
Twan Galuh,
kamĕnggahan ban ajinda,
tuting rambutĕ magunting.

(32)

Mahā Dĕwi kabhinawa,
kasĕbĕtang kahyunĕ sĕdih king-
king,
sangĕt ngangĕn Tuwan Galuh,
waluya buka ma hoka,
Tuwan Galuh Cindra Kirañna
manguntuk,
di pangkonĕ Mahā Dĕwya,
madowosang wahu mĕling.

(33)

Manangis masasambatan,
sinah pisan Sang Prabhu suba
lali,
krañna kakĕnĕ katĕpuk,
duhkita lan maha bara,
biyang sari lalu lalis ninghal
lampus,
boya cingak tityang biyang,
sapuniki mangĕmasin.

(34)

Biyang mandĕwati lasya,
biyang nĕntĕm manggih sakadi
mangkin,
tityang nĕ hurip mamangguh,
sangsara sakit manah,
gĕlis-gĕlis ambil tityang
mangda lampus,
kĕni ngiring lungguh byang,
mangdĕ wusan manandangin.

(35)

Kĕbus manah kĕrang-hĕrang,
Mahā Dĕwi ngandika sambil
nangis,
lilayang dĕwa di kahyun,
mĕmĕ tuwara ñalahang,
ñandang pisan ban idĕwa jani

ngambul,
mémé nututin i déwa,
apang milu kawon bĕcik.

(36)

Mahā Déwi manuduhang,
né masambuwaran gĕtĕpan
rambut Twan Putri,
kahambil sampun mapunduh,
samahe kabinawa,
magĕlohan mangasorang gulĕm
timur,
rambuté lingtangi samah,
gawok asing mangiwasin.

(37)

Tan carita suba sañja,
sayan pĕtĕng-pĕtĕng kahyun
twan putri,
sungsuté mawuwuh, wuwuh,
kahyun mangalalwang jiwa,
mapakahyun ngumbara tibaning laku,
ñusup katĕngahing alas,
budal saking jroning puri.

(38)

Suba né kéto paragat,
paminĕhé né jani suba
wĕngi,
gĕlis né mangkin kadawuh,
Bayan Sanggit majalan,
gagésonan kautus ring Twan
Galuh,
ka jaba mulah ulahan,
ngalih watĕk pañca mantri.

(39)

Mañca mantri sampun napak,
sarĕng patpat mangkin sampun

ka puri,
ngandika Ida Twan Galuh,
tututin tyang pacang luwas,
mangambara satiba - tibaning
laku,
mungpung pĕtĕng suhung pisan,
mangkin ngiring Mahā Déwi.

(40)

Mañca mantri twara pañjang,
daging hatur mabriyuk sami
ngiring, -/-
[13] kabatĕk subhakti nulus,
madalĕm Cindra Kirana,
kasangsaran di jroning puri
nandang sungsut,
suba puput ūpakara,
tumuli raris mamarggi.

(41)

Pamargginé ka gañcangan,
Mahā Déwi matuntun lan tuwan
Déwi,
ngaliwatin alas gunung,
tan kocapa di jalan,
sayan sawat pasĕmangan sagĕt
sampun,
tĕkĕd di tĕngahing alas,
malang tĕngah gati-gati.

(42)

Sĕlagan Koripan lan Daha,
manawuhang Cindra Kirana ring
glis,
pangandika lintang halus,
ring mañca mantri pat-pat,
ngandikayang mangda ditu ma-
ngawangun,
pasanggrahan apalĕbahan,
ngarĕgĕpang puput né mangkin.

(43)

Twan Putri Cindra Kiranna,
 mangandika banban ring mañca
 mantri,
 déning mangkin sampun puput,
 bahan bapa ngawénang tityang,
 mapahĕmbanan aplĕbahan sampun
 cukup,
 driki tityang pacang mumah,
 n̄aru mangĕmpi dĕriki.

(44)

Nanghing tityang gĕnti adan,
 makadin̄a tiyang mapanganggo
 mwani,
 mangdĕné manadi saru,
 mahadan Pañji SĚmirang,
 samarané ĕnto apang bapā
 tahu,
 kĕntĕn mangkin adan tityang,
 pinunas tiyang né mangkin.

(45)

Tĕkĕn bapā jak makĕjang,
 mangdĕ bapā nutup mañigmang
 gati,
 apang twarā da né tahu,
 tĕkĕning rahasyan tityang
 kadi mangkin marika bapā
 padha mantuk,
 matulak ka jagat Daha,
 Mañca Mantri sawur bhakti.

(46)

Haturé tityang sandika,
 lut majalan Mañca Mantriné
 sami,
 pajalané padha sisu,
 n̄ilib majalan hénggal,
 sagĕt napak di nagara Daha
 sampun,
 ngungsi humah sowang-sowang,

Twara hada anak huning.

(47)

Nĕné jani kacarita,
 Twan Putri Cindra Kiranna
 ring glis,
 mangrangasuk bhuṣaṇa sampun,
 panganggo kadi lanang,
 Mahā Déwi kaprĕnah tumin
 Twan Galuh,
 kagyat bu mara mañingak,
 kwaloné manganggo mwani.

(48)

Mahā Déwi lintang lédang,
 ban prajñan Twan Putri
 n̄ilibang diri,
 apang twara ada tahu,
 rahasyané Cindra Kiranna,
 tatingkahan waluya lanang
 tur hanut,
 maparab Pañji SĚmirang,
 asĕmaran taka né kapuji.

(49)

Nĕné jani Pañji SĚmirang,
 lawut matur ring Ida Mahā
 Déwi,
 tityang mamanan mañaru,
 mangdĕ tan kaséngĕhan,
 déwĕk tityang ring anaké
 tityang hĕluh,
 kéwala panglungsur tityang,
 sigĕmang sakadi mangkin.

(50)

Pañji SĚmirang Smarantaka,
 déning ngĕlah parĕkan sayang
 kakalih,
 Ni Bayan Ni Sanggit sampun,
 padha kicchĕn papayasan,

mapanganggo cara mwani
padha pangus,
masih masalinin adan,
adan nané bĕsik-bĕsik.

(51)

Ni Bayan Kuda Prĕwira,
mwah Ni Sanggit Kuda Prĕ-
pañca adanin,
dadi hĕnak padha pawut,
tingkahé tĕkĕn adan,
bagus-bagus waluya san
mwani tuhu,
yan sang tiga nabran dina,
tong tahĕn ngĕlus kulambi.

(52)

Pañji Sĕmirang hucapang,
katangkilin ban parĕkan
kakalih,
mangandika lintang halus,
tĕkĕn Kuda Prĕwira ika,
mĭwa tĕkĕn I Kuda Prĕpañca
puput,
kĕné daging pawĕcana,
kĕma ida nĕné jani

(53)

Kĕma majaga ajak dadwa,
di bañcingah koriné to
yatnahin,
gagamané apang cukup,
di marggané ya mangawas,
dĕning mula ambah janma
huling malu,
huli Koripan ka Daha,
twara ada hĕlĕnan bwin.

(54)

Yañ janma huli Koripan,

ada ngliwat da pisan ngrawos
bwin,
jag rampas lawutang juk, -/-
/14/ tur barang nané juwang,
nanghing janma huli Daha
hĕda ngĕjuk,
sajawaning huli Daha,
andĕgang hasing mamarggi.

(55)

Yan twara hĕnak andĕgang,
makadiña krĕng makĕnĕh ya bani,
musuhin masyat lawut,
asing bakat bahan mašta,
to hĕnggalang hatĕhang mahi
sing nungkul,
dini pacang anggon rowang,
dumadak dulurin Widhi.

(56)

Suba puput dadawuhan,
padha tragya pacang ngĕbag
di marggi,
sayan lami dadi liyu,
pañjak bahan ngrampas,
padha nungkul asing ngaliwat
kahĕjuk,
kotané mawuwuh ramya,
waluya panugrahan Widhi.

(57)

Sawatĕk dagang padaśan,
nĕné pacang ka pasar Koripan
sami,
karampas sayan mawuwuh,
ngaliyunang ngĕlah pañjak,
tan dumadé sagĕt ada janma
liyu,
ngaliwat ngaba gambĕlan,
saka topĕng mĭwah sampik.

(58)

Makějang uli Koripan,
pacang ngalawang ka Daha
mañagjag glis,
I Kuda Prawira sampun,
miwah I Kuda Prĕmañca,
ngagĕm kĕris matĕk danganan
lawut,
matakĕn muñiné sĕmpyar,
masawut né katakonin.

(59)

Nartayang pacang ngalawang,
bahu mĕra kahandĕgang lawut
nĕngkik,
dĕning ngrasa ajak lyu,
ngamusuhin jadma dadwa,
to hawanan ngambindahang
mabaryuk,
barang ñané kal karampas,
wĕtu masiyatné jani.

(60)

Pasyaté saling ingsak,
mrasa kapĕsan sĕkaha
topĕngé sami,
miwah sĕkaha sampk nungkul,
makějang ya ka hatĕhang,
ngapuryang sagrĕhan iya
mabriyuk,
né jani Pañji Sĕmirang,
lédang kahyuné tan sipi.

(61)

Makějang padha kahicĕn,
pasalinan lĕga pañjaké sami,
ngĕlah gusti bagus mulus,
dana tur lintang prajñan,
dadi ramé pĕtĕng lĕmah
ada ditu,
di puri igĕl-igĕlan,

topĕng makadiña sampik.

(62)

Nuju pĕtĕng caritayang,
sĕdĕk sĕmi janmané pulĕs sami,
Pañji Sĕmirang manglawut,
mĕdal pacang masiram,
kasarĕngin antuk Mahā Déwi
sampun,
pasiraman hĕngĕs pisan,
matĕmbok tĕgĕh makori.

(63)

Sahusané ida masucyan,
kapamrĕman Pañji Sĕmirang
raris,
di Pamrĕman nanang sungsut,
kangĕn tĕkéning raga,
ninggal jagat katinggalin
byang hubuh,
ngĕmpi di tĕngahing alas,
macĕh-cĕh pĕsu yĕh akși.

(64)

Panak-panakané kajĕmak,
pakiriman Radĕn Inu Krĕtha
Pati,
togog hĕmasé luhung,
pindaka putra-putrayan,
sangké laras kĕné sasambaté
lawut,
mapasihin togog hĕmas,
mangandikā rĕmpuh manis.

(65)

Panak byangé déwa ika,
katuduhang dini nandangin
sakit,
buwin pidan pacang tĕpuk,
ajin idĕwa ring biyang,

Radén Inu Kĕrta Pati
apang tahu,
biyang ring ajin idéwa,
kéné di alasé ngĕmpi,

(66)

Kéné sasambatan Ida,
sagét suba liwat tĕngah
wĕngi,
Pañji SĚmirang aturū,
nāngkutin panak-panakan,
pasĕmĕngan matangi lantās
mararaup,
sampun mangrangsuk payas,
mĕdal kaambĕné mangkin.

(67)

I Kuda Prawira énggal,
makadi I Kuda Prĕmañca
mangkin,
mangrangsuk payasé sampun, -/-
15 pasĕmĕngan syaga dané,
di gĕnahé majaga sampun -
sampun,
tan dumadé hada ngaliwat,
janma pangalu luh mwani.

(68)

Huli di jagat Mĕntawan,
ka Gĕgĕlang pacang madagang
sami,
I Kuda Prawira sampun,
mwah I Kuda Prĕmañca,
mañagjagin ngandĕgang dagangé
lawut,
twara hĕnak kahandĕgang,
ban barang nané katagih.

(69)

— Lanĕang twara nānak handĕgang,

pangaluné mwani ngarĕpang
kĕris,
nĕné hĕluh nĕmak tyuk,
krodha I Kuda Prĕwira,
maka mĭwah I Kuda Prĕpañca
kucup,
nrĕjang kanti magulungan,
masyat saling galilingin.

(70)

Makĕjang padha kapĕsan,
pangaluné masyat tan pangun -
dili,
liyu bakatanga ngĕjuk,
lawut kahatĕh ngapuryyang,
ada malahib mĭwah ada né
nungkul,
ada malahib nguningayang,
ring Rāja Mĕntawan gĕlis.

(71)

Krodha Sang Prabhu Mĕntawan,
lawut ngutus Mañca Mantri
Prajurit,
makadi Dĕmang Tumĕnggung,
ngrĕjĕk Pañji SĚmirang,
dĕning sami kapidhartta sampun
kahatur,
bahan pangaluné hiburan,
tingkahé karampas né jani.

(72)

Dijalané gagangsaran,
watĕk yuddha Mĕntawané wus
prapti,
né jani suba matĕmu,
tĕkĕn I Kuda Prĕwira,
saling sĕmp al masyat saling
tusuk,
I Kuda Prĕmañca nĕlag,

ka tĕngah sátruné ngranĵing.

(73)

Ngamuk twara ngitung apa,
pangamuké twara bakat
tambakin,
twara pisan bisa kĕndu,
kéwala padha prayatna,
mamĕrikşain kañcing baju
nané ditu,
sang kalih nĕkĕk-nĕkĕkang,
mangdé twara kahiwasin.

(74)

Rahasyané néné dadwa,
twara lénan nōnōné
kaprikşain,
dĕning iya anak ěluh,
mangango cara lanang,
padha sibĕt nangkis sĕn-
jata i musuh,
tur masyat patunggalan,
I Kuda Prawira jani.

(75)

Masiyat mamusuh dĕmang,
muwah I Kuda Prĕpañca
ngamusuhin,
masyat lawan tumĕnggung,
mudĕran madĕdagan,
lawut kĕna dĕmang
tumĕnggung kasuduk,
lambung nané maka dadwa,
dĕmang tumĕnggung ngĕmasin.

(76)

Rusak gĕtih nané muncrat,
bawu mara mañca mantri
prajurit,
ngantĕnang dĕmang tumĕnggung,

nĕmpang ngĕmasin rusak,
manungkul sisan nané lampus
kaputput,
sampun parĕk ngapuryang,
sami kaicĕn pasalin.

(77)

Lĕga kĕnĕhné kapañjakang,
tĕkĕn Pañji Sĕmirang néné jani,
bagusé manĕrus tuñjung,
tuting kahyuné santosa,
kéto pisan kakĕtĕk nané ma-
nungkul,
angob padha gagawokan,
Pañji Sĕmirang sulingling.

(78)

Wiréh suba liyu pisan,
ngĕlah pañjak Pañji Sĕmirang
né jani,
mangraris masĕlir sampun,
padha kicchĕn payasan,
dadi Dĕmang Punggawa mĕwah
Tumĕnggung,
nangun jro sōwang-sowang,
maka mĕwah Mañca Mantri.

(79)

Néné jani suba pragat,
papilihan sané mrangkat sami,
Punggawa Dĕmang Tumĕnggung,
makĕjang kadawuhang,
dĕning Pañji Sĕmirang pacang
mangĕbug, -/-

16 ngrĕjĕk nagara Mĕntawan,
pasĕmĕngan néné mani,

(80)

Pĕtĕng di puri sami ya,
bali-baliyan topĕng ngigĕl di
puri,

liwat tĕngah lĕmĕng sampun,
Pañji SĚmirang mantukan,
di pamrĕman ditu lawut
nanang sungsut,
lawut mangambil togog mas,
mula panglipur sĕdih.

(81)

Ditu mara pahĕk das lĕmah,
mara mĕrĕm pañji SĚmirang
raris,
tatas lĕmah lawut mahungu,
wusan masiram ngarangsukang,
papayasan di bañcingah sampun
kumpul,
pangiringĕ pacang lungaha,
ka Mĕntawan ngĕndoñ jurit.

(82)

Pañji SĚmirang kajaba,
pangiringĕ sami sampun cumawis,
pamargginĕ sada ndawus,
rĕh manglinggihiñ jaran,
tan carita di jalan sagĕtan
sampun,
pahĕk jajahan Mĕntawan,
sampun rawuh ring panĕpi.

(83)

Buwin sambungin tuturang,
katangkil manandang sĕbĕt
kahyunĕ jani,
kahyun idanĕ lintang sungsut,
raris mangandika banban,
kĕnĕn kraña pajalan Dĕmang
Tumĕnggung,
twara hada harttanĕa,
yĕn kĕnkĕn kapo nĕ jani.

(84)

Jĕnĕng tĕ suba kasoran,
pasya tĕ suba nungkul maka
sami,
hawanane tondĕn rawuh,
tulak huli pasyatan,
sawur sĕmbah para danĕ mantri
manguntuk,
nawi ta sepunika,
hantuk horttinĕ lumidi,

(85)

Pañji SĚmirang punika,
kocap paragayan papadu malih
śakti,
malih ngandika Sang Prabhu,
kĕnĕ jani kĕnĕh nira,
yaning tĕka Pañji SĚmirang
mangĕbug,
mahi ka Jagat Mĕntawan,
jalan nungkul ajak sami.

(86)

Durung puput rarawosan,
Sang Prabhu Mĕntawan gĕlis
prapti,
janma dihis-dihis matur,
janma tĕpin nagara,
Mĕntawanĕ raris mañĕmbah ma-
hatur,
ratu sasuhunan tityang,
wĕntĕn śatru ring panĕpi.

(87)

Pamargginĕ ngamĕrikiyang,
kocap jaga ngĕbug nagaranĕ
mangkin,
kasambat-sambat kasumbang,
maparab Pañji SĚmirang,
mahiringan sikĕp yan akudang
siyu,

kagyat sang prabhu Mantawan,
jĕjĕh kahyuné tan sipi.

(88)

Paling cacingaké rĕngas,
yan sawangang mirib pacang
malaib,
ninggal nagara naluksuk,
ngĕtor anggané tan prah,
kĕsiab-kĕsiab swabhawané
sayan kĕcud,
tumuli makaryya surat,
manungkul mañĕrahang gumi.

(89)

Sampuné puput mañurat,
kaphica tĕkéning para dé
mantri,
mamarggi sané kahutus,
parĕk ring Pañji SĚmirang,
mamĕndakin makadiña Tuwan
Galuh,
putran sang prabhu Mantawan,
lintang ayu maka kalih.

(90)

Maparab Puşpa Juwita,
né alitan pĕséngané Puşpa
Sari,
twan putri pacang katur,
ring Pañji SĚmirang,
masarĕngan pramişwari masih
katur,
cihnan sang prabhu Mantawan,
sampun nungkul ngarihinin.

(91)

Para dané mantri majalan,
ngaba surat ngiring putriné
kalih,
Prami şwari lintang sungsut,

nangis di jalan - jalan,
Twan Putri Puşpa Juwita laut
bĕkut,
nangis twara papĕgatan,
muwah putri Puşpa Sari. -/-

(92)

[17] Kéné kapinĕh di manah,
tuwara karwan anaké tĕrĕh kal
nampi,
sing buhung kaguyu-guyu,
awak gĕlahé mamañjak,
tĕkĕn tukang bĕgal tuwara masal
usul,
yĕn jadmā pangĕnkĕnan,
rĕh sahāsa ngrampas tan sipi.

(93)

Nĕmadan Pañji SĚmirang,
rĕh sahāsa ngarampas mangĕjuk
ĭadmi,
kĕto paminĕh ring kahyun,
sang tiga kasĕdihan,
padha nangis sambilang mamarggi
bĕkut,
pamargginé sayan sawat,
sampun macunduk né mangkin.

(94)

Ring ajĕng Pañji SĚmirang,
nĕgak nĕmplĕg para dané mantri
ngabhakti,
lintang gawok né ring kahyun,
raris ngaturang surat,
kaambilin ring Pañji SĚmirang
sampun,
kapawosin daging surat,
Sang Prabhu Mantawan mangkin.

(95)

Nungkul ring Pañji SĚmirang,

miwah putrané katur
makakalih,
warṇnané kalintang ayu,
miwah sarēng ring byang,
raris kēñēm Pañji Sēmiring
manguntuk,
twan putriné maka dadwa,
twara ja pēgat nulingling.

(96)

Warṇnané Pañji Sēmiring,
bagus nulus kulangunan Twan
Putri,
kéné paminéh di kahyun,
tong ada tongos mañéda,
yaning tawang warṇnané kakéné
bagus,
arah sahud ban marṇnayang,
malah ja hituni sēdih.

(97)

Pañji Sēmiring mañapa,
Pramésuari mwah putriné
kakalih,
girang kahyuné mamuput,
Twan Putri maka daduwa,
pangrasané jani ngēlah somah
bagus,
waluya Sang Hyang Sēmara,
jati hokan anak lēwih.

(98)

Janmané di jalan-jalan,
bēngong gawok nané tan sipi,
ngantēnang warṇnané murub,
cahyané Pañji Sēmira ng,
sarawuhé di kota Mētawan
lawut,
Pañji Sēmiring katuran,
mangraris sampun ka putri.

(99)

Sang Prabhu Mētawan nāg jag,
mangénggalang Pañji Sēmiring
ndēsēkin,
katuran mungghahan sampun,
malinggih Pañji Sēmiring,
Sang Prabhu Mētawan pangucapé
halus,
bapa ngaturang sapisan,
jagat Mētawan né mangkin.

(100)

Mahatur Pañji Sēmiring,
ring Sang Prabhu Mētawan alēp
manis,
sampunang sumlang kahyun,
rarisang palungguh bapā,
ngawi sésa hiriki mañēñēng
Prabhu,
tityang lintang nukṣēmayang,
swécchan bapā néné mangkin.

(101)

Yan suba akudang dina,
di Mētawan Pañji Sēmiring
malinggih,
patamyuné nabran wibuh,
Prabhu Mētawané ngéman,
néné jani Pañji Sēmiring ma-
kahyun,
ka kota baru matulak,
sampun mapamit né mangkin.

(102)

Twan Putri Puṣpa Juwita,
makadinna Twan Putri Puṣpa Sari,
nagih barēng pacang nutug,
twara dadi kabalikang,
Pañji Smiring manis pangucapé
rēmpuh,
aduh adi maka dadwa,
ngudyang nagih nutug bēli.

(103)

Bĕli jadma tan pawangśa,
kalud mumah tĕngah alase
ngĕmpi,
pang da adi ngadwang,
mani powan masĕlsĕlan,
pasawuré twan putri
mabriyuk,
yadyapin sapunika, -/-
18 tityang ngiring linggih
bĕli.

(104)

Kawon bĕcik tityang bĕbas,
sakewantĕn tityang mangiring
bĕli,
kĕto haturé twan galuh,
pikĕdĕh maka dadwa,
lut madabdab twan putri
nĕmbah sujud,
ring byang miwah ajinda,
tumuli sa mpun mamarggi.

(105)

Twa ra ucapang di jalan,
pamargginé Pañji SĚmirang
jani,
makadiņa Twan Galuh,
jĕgegĕ mangayang-ngayang,
saget napak di kota baru
maņujur,
Pañji SĚmirang mantukan,
ka puri sarĕng twan putri.

(106)

Sĕlaminé Puśpa Juwita,
makadiņa twan putri
Puśpa Sari,
di kota baru malungguh,
di jroné Pañji SĚmirang,
tuwara pĕgat makasukan
syang dalu,

saling cĕrĕk saling-aras,
ring Pañji SĚmirang sai.

(107)

Sayan suwé dadi yan ya,
Twan Putri Puśpa Juwita
makadi,
Putri Puśpa Sari inguh,
pĕragat ban saling aras,
saling cĕrĕk makadinņa saling
gĕlut,
hĕmĕng di kahyun minĕhang,
twan putri maka kalih.

(108)

Para putriné maka dadwa,
kapatampi ring parĕkané kalih,
putri Puśpa Sari sampun,
ring Kuda Prawira, sadya,
kapĕtampi sai saling aras gĕlut,
sambil macanda-candayan,
hĕmĕng kahyune twan putri.

(109)

Twan Putri Puśpa Juwita,
twara lenan Kuda prĕmaņa nampi,
tatingkahan masih patuh,
maharas - harasan dowang,
saling gasgas tur macanda saling
ipuh,
twan putri hĕmpĕr pisan,
mapinĕh di jroning hati.

(110)

Mahā Déwi sayan lédang,
bané mbahan putri ayu duwang
diri,
sayangé mawuwuh-wuwuh,
kawaloné Pañji SĚmirang,
Mahā Déwi pakaryyané twah ukud,

manabdabang pasaryan,
Pañji SĚmirangé sai,

(111)

I Kuda Prĕwira n̄abran,
tunggal sĕmĕng majaga samping
kori,

I Kuda Prĕmañca ya milu,
buka nĕné suba-suba,
yan akuda suba mbahan ma -
ngĕjuk,
janma sayan ramya,
di kota baru tan sinipi.

(112)

PUH DURMMA

Kacarita Ida Sang Prabhu
Koripan,
pacang ngutus né mangkin,
ka Daha mangaba,
hartta rāja lan panomah,
kahatur ring Sang Bhupati,
Sang Prabhu Daha,
sampun sami cumawis.

(1)

Twara lĕnan I Jarudĕh Punta
Karttala,
mangiring sira patih,
mīwah I Prĕsanta,
suba saha masurāt,
Radĕn Inu Krĕtha Pati,
nangkil ajinda,
dĕning makahyunan huning.

(2)

Sahindiké n̄alanang raja
panomah,
sampuné srĕgĕp sami,

nĕ kahutus n̄umbah,
masujud ring Sang Nātha,
makadi ring Pramĕśwari,
kalih anakda,
Radĕn Inu Krĕtha Pati.

(3)

Abriyukan hutusané ngajaba -
yang,
di bañcingah suba nganti,
hatap padha nĕgak,
Hulubanglangé samyan,
nĕné pacang ngarĕmpĕgin,
pacang ka Daha,
tumuli lawut mamarggi,

(4)

Pajalané I Jurudĕh lawan I
Punta,
I Karttala makadi,
I Prĕsanta majalan,
sing pisan tahĕn bĕlas,
maka patpat padha cĕliring,
sami sayaga,
mangiring sirā patih.

(5)

Satĕkĕdé di kota baru kacandak,
ban pajagané kalih,
I Kuda Prĕwira,
mīwah Kuda Prĕpañca,
patakoné jujut gati,
ih huli dija, -/-
19 kija paluwase jani.

(6)

Lawut masawut I Jurudĕh ma-
ngarĕpang,
huli koripan jani,
pacang luwas ka Daha,

kahutus ngaba hartta,
kahatur ring Śrī Bhupati,
Sang Prabhu Daha,
I Kuda Prĕwira buwin.

(7)

Mañĕsĕdang hartta kĕnkĕn nĕ
kahaba,
karaña liyu ganti-ganti,
masawut I Punta,
hartta raja panomah,
sawirĕh pacang mabuñcing,
putran sang Nātha,
Radĕn Inu Krĕtha Pati.

(8)

Pangwalĕsé I Kuda Prĕwira
sĕmpyar,
tĕkĕn nĕn kĕl mabuñcing,
I Punta manimbal,
tuwara hada nĕ lĕnan,
tĕkĕn Ida Tuwan Putri,
Cindra Kirana,
putrinĕ Pramĕśwari.

(9)

Jĕnĕng dahak Ida Sang Prabhu
di Daha,
hawanan katuran pipis,
I Jarudĕh mangĕdat,
ida twara bahan dahak,
tingkahing para batu lĕwih,
maraga panomah,
yĕning pacang mabuñcing.

(10)

Mañĕsĕkang I Kuda Prĕwira
ngucap,
harttanĕ sĕrahang dini,

yan twara nĕk nĕrahang,
tong buhung kĕl krampas,
sakadan harttanĕ sami,
da ngaliwat,
yan twara nĕrahang jani.

(11)

Gagĕpĕran I Jurudĕh mĭwah
I Punta,
I Karthala makadi,
mĭwah I Prĕsanta ika,
suba padha prĕyatna,
makĕjang ngarĕpang kĕris,
matĕk danganan,
makadi sira Patih.

(12)

Dĕning sangĕt mikukuhin pisan-
pisan,
harttanĕ jĕg katagih,
dadi magulungan,
wĕtu manadi syat,
mapuntĕl pasaling tigtig,
pasaling pakpak,
mantri padha ngĕmbulin.

(13)

Twara biša pihid I Kuda Prĕ-
wira,
pituwi kakĕmbulin,
yan akuda suba,
bakatanga ya mamasta,
harttanĕ karampang sami,
to I Prĕsanta,
twara baha n ngundili.

(14)

I Jurudĕh Karthala marasa
kapĕsan,

makadi sirā patih,
twara ngĕlah kaᅇdha,
harttané suba karampas,
makadi liyu macangkling,
hada mañĕrah,
rowangé sisan mati.

(15)

Dadyanĕa kakĕtékan I Karttala
ika,
makadiĕna I Jurudĕh,
yéning pacang ngalawan,
tong buwung pacang kalah,
kapatut ban sira Patih,
mĕlah kuning ngayang,
ka Koripan néne jani.

(16)

Lamun tulak I Jarudĕh Punta
karttala,
padha ngangśĕhang malahib,
mĕwah I Prĕsanta,
bĕcat nané tan pĕrah,
makadinĕa Sirā Patih,
milu dané ngadĕmplang,
malahib manĕkĕp jit.

(17)

Sarawuhé di Koripan nga-
rawuhang,
ring Ida Śrĕ Bhupati,
mĕwah ring anakda,
I Jurudĕh nguningayang,
sakaᅇdha-kaᅇdhané sami,
kalintang krodha,
Radĕn Inu Krĕtha Pati.

(18)

Ida Sang Nĕtha,
mapamit pacang ngĕmbarin,
pĕmbĕgal punika,
ajinda raris ngandikĕ,
majalan idĕwa né jani,
yan tuwah nĕdayang,
kalah bahan ngamusuhin.

(19)

Nah ngalawut idĕwa suba ka -
Daha,
Radĕn Inu Krĕtha Pati,
nguntuk raris nĕmbah,
ring aji mĕwah ibiyang,
tumuli raris mamarggi,
mapalinggihan,
kuda Irangga Ranggit.

(20)

Twara pasah néne patpat ma-
ngiringang,
I Punta lan I Jurudi,
mĕwah I Karttala,
makadi to I Prĕsanta,
hilang jĕjĕhĕna né jani,
rĕh kabuwatan, -/-

[20] subhaktiné ring guᅇti.

(21)

Kacarita tatingkahané di
jalan,
Pañji Smirang né jani,
mañingak babandan,
néne huli di karĕpan,
sampun kadawuh ngĕmbusin,
lawut magagah,
sané matali sami.

(22)

— Mangĕnggalang parĕk ring

Banban halus Pañji SĚmirang
ngandikā,
ring né sampun mĚmbusin,
bakal maba kija,
hartta nĚné makĚjang,
sawur sĚmbah matur raris,
jaga ka Daha,
kahatur ring Śrī Bhupati.

(23)

Hantuk jaga wĚntĚn karyaa
pabuñcingan,
RadĚn Inu KrĚtha Pati,
putranĚ Sang Nātha,
Sang Prabhu ring Koripan,
RadĚn Inu KrĚtha Pati,
apanga tĚka,
nġwang harttanĚ mahi.

(24)

Twara pisan hira pacang
nglawut nġwang,
gustin ibanĚ pang mahi,
apang hira nawang,
tĚkĚn nĚné maparab,
RadĚn Inu KrĚtha Pati,
kĚto haturang,
gangsarin iba mulih,

(25)

Lawut nġmbah sada kucup ya
majalan,
lĚgan nġnĚ tan sinipi,
majalan ngulahang,
macunduk ya di jalan,
RadĚn Inu KrĚtha Pati,
nġngkok lut nġmbah,
ngaturang kañdha sami.

(26)

Daging kadi wacanan Pañji
SĚmirang,
tĚlas kapidhartha sami,
kĚnĚn ida mirĚngang,
kĚmĚngan kĚto minĚhang,
RadĚn Inu KrĚtha Pati,
gĚlis mamargga,
wus napak ring panĚpi.

(27)

Kota baru ndawuhang ngahĚ
pasanggrahan,
pacang tongos manganti,
apang kaduhunan,
tĚkĚn Pañji SĚmirang,
RadĚn Inu KrĚtha Pati,
mangajap-ajap,
musuhĚ twara prapti.

(28)

RadĚn Inu KrĚtha Pati dadi
mġrkka,
ban makĚlo manganti,
musuhĚ sing tĚka,
gĚlis mañaprik kuda,
ka Kota Baru mangrañjing,
Pañji SĚmirang,
nadakang pacang mijil.

(29)

Pañji SĚmirang suba tangar
nganggĚn panah,
RadĚn Inu KrĚtha Pati,
matĚk danganan,
rĚh pacang ka pasyatan,
suba mapapasan jani,
Pañji SĚmirang,
macĚpol panahĚ nglintik.

(30)

Radén Inu Krĕtha Pati
 kabungĕngan,
 bu mara mańingakin,
 bagus sang jamprah,
 cahyan Pańji SĚmirang,
 buka masé né masangling,
 dadyanna hĕngsap,
 ngisi landĕyan kĕris.

(31)

Pańji SĚmirang hĕhĕs baru
 mara mańingak,
 Radén Inu Krĕtha Pati,
 bagus kabhinawa,
 ngandang ngusakang manah,
 Pańji SĚmirang mangakši,
 rawuhing kuda,
 nangkrĕng maka kalih.

(32)

Makĕlo pisan nanĕng ma -
 papas cingak,
 Radén Inu Krĕtha Pati,
 nulingling mĕdasang,
 ngĕdalĕm Pańji SĚmirang,
 kéné paminĕh di rĕdi,
 bu mara tawang,
 misan gĕlahé jani.

(33)

Kapĕcutan jarané Pańji
 SĚmirang,
 nangkrĕng twara mamarggi,
 titir magréhgĕhan,
 jarané saling timbal,
 Radén Inu Krĕtha Pati,
 mĕcutin jaran,
 mogok Irangga Ranggit.

(34)

PUH DANGDANG

Gĕtar manis Inu Krĕtha Pati,
 raris ngucap,
 ring kuda punika,
 kĕnkĕn awanan kakéné,
 Irangga Ranggit ya bawu,
 saduké bawu mamarggi,
 tindakané ndawut saja,
 plahibé sada makucup,
 dadi jani majangkrĕngan,
 twara ngĕlah,
 bayun nané lĕmĕt gati,
 nongos sing nak to majalan.

(1)

Gumana sang huli Koripan mahi,
 mangĕndonang,
 kabisayan nira,
 dadi jani wĕtu kéné,
 Pańji SĚmirang manguntuk,
 kĕnĕm mingis bahu miraggi, -/-
 /21/ manis banban lawut ngucap,
 sapunapi ratu hawanan,
 mangandika,
 tityang janma kasih-asih,
 iriki kasangsaran.

(2)

Gĕnah ring tĕngah alasé ngĕmpi,
 ninggal désa,
 wantah jani pisan,
 sasukat déwĕk tityangé,
 laju mangumbara ratu,
 né mangkin kadi karyyanin,
 buwut mangobĕtin anak,
 sira néné holas nuduk,
 tityang janma kakutangan,
 manggih lara,
 Radén Inu Krĕtha Pati,

hĕsa lĕlo mamirĕngang.

(3)

Tur malikang krisĕ singkur
dori,
rasa hĕnag,
kahyunĕ mirĕngang,
hatur Pañji Sĕmirangĕ,
mangucap banban lan halus,
inggih sampunang salah tampi,
tityang nĕ tan wĕntĕn jaga,
mamanah jaga mangĕbug,
mangayuddhanin idĕwa,
wastan tityang,
Radĕn Inu Krĕtha Pati,
hokan Sang Prabhu Koripan.

(4)

Prayan tityang jaga lungha
mangkin,
mĕlan-hĕlan,
ka Nagara Daha,
sapunika sujatinĕ,
Pañji Sĕmirang makĕnĕs,
pasahurĕ mangĕmkĕm kĕning,
yan wantah ja sapunika,
pakahyunan inggih ratu,
nĕntĕn masatru ring tityang,
nunas simpang,
ka pondok tityangĕ mangkin,
yan wantah iratu lĕdang.

(5)

Pasawurĕ Inu Krĕtha Pati,
hĕdoh pisan,
ratu munah tityang,
mucingin pawĕcananĕ,
tityang sumandĕya ratu,
ngiring sapakahyun adi,
kajĕron adinĕ simpang,
dadi suba siddha hadung,

sang kalih mababawosan,
padha tuwunan,
huli jaranĕ mamarggi,
sambilang madandan tangan.

(6)

Matolihan Inu Krĕtha Pati,
mangandika,
ring Ijrudĕh banban,
Jrudĕh dawuhin pañjakĕ,
apang padha ngalawut,
ajak makĕjang ka puri,
I Jurudĕh ndawuhang,
sinamyan padha sampun,
akur padha watĕk yuddha,
dĕning suba,
babawosĕ dadi bĕsik,
sampun napak di puryyan.

(7)

Rawuhĕ ring puryyan bĕngong
sami,
kagawokan,
bu mara mangantĕnang,
ban bagus tata warĕnanĕ,
yaning hĕnto istri kakung,
tan ada kasoran tanding,
tuwah nĕandang macakĕpan,
kĕto padha mangĕrumun,
sawatĕk nĕ nangkil makjang,
sagĕt tĕka,
hayunanĕ kahatur gĕlis,
Pañji Sĕmĕrang ngakĕsama.

(8)

Inggih bĕli ampurayang mangkin,
sakĕwantĕn,
puput jangan-jangan,
kalĕdangan pakahyunanĕ,
haturan sang anak lacur,
ring hĕbĕt-hĕbĕtĕ ngĕmpi,

nĕnĕr cacingak manimbal,
pangandikan dané muluk,
nampungé ngĕnagang manah,
lagĕs banban,
Radĕn Inu Kĕrtapati,
duh adi da ngalantangang.

(9)

Jalan makĕmbulan barĕng bĕli,
cirin trĕṣṣa,
lĕkĕt makantĕnan,
saha sĕmbah pasawuré,
Pañji Sĕmirang makĕnus,
durusang ngayunang bĕli,
manda tan wĕntĕn tulah,
nĕman tityang mangalungsur,
wirĕh tityang jadma niṣṭa,
tanpa wangsa,
Radĕn Inu Kĕrta pati,
tumuli mangayunang.

(10)

Wusan Radĕn Inu Kĕrtapati,
mangayunang,
I Pañji Sĕmirang,
mangajĕngan lungsurané,
wusan ngajĕngang sampun,
tan carita sampun wĕngi,
sang kalih ka pĕmrĕman,
hĕbo miyiké masĕpuk,
di pamrĕman mabo hambar,
magumana,
matistis ban lĕngis mihik,
galĕng gulingé makĕjang.

(11)

Mĕrĕm-mĕrĕman Inu Kĕrtapati,
golak-golak,
raris mangandika,
lĕnĕh bangkit babawosé, -/-

[22] arah adi bĕli nguyuk,
kiyap pisan bĕli jani,
tong dadi bahan nahanang,
marasa suba hiñjun,
adi jalanké marariyan,
raris nimabal,
Pañji Sĕmirang tur kĕning,
tan wĕntĕn ja kamanahang.

(12)

Antuk tityang pangandikan linggih
bĕli,
hĕmĕng tityang,
ratu ngamanahang,
kadi daging wacanané,
sapunapi tĕgĕs hipun,
yan wantah palungguh bĕli,
sapun harip dong mrĕmang,
tityang durung harip ratu,
mrasa kiyap matan tityang,
malih nimbal,
Radĕn Inu Krĕtha Pati,
bĕli mĕlĕd mabarĕngan.

(13)

Ngiring adi nĕn mampuh padidihi,
twara hada,
hajak makĕhĕngan,
bĕs té kĕné bĕli tĕmbé,
mahi ka Kota Baru,
Pañji Sĕmirang mañahurin,
né nahan ratu tityang,
dados masarĕngan ipun,
kahulan bĕli rowang tityang,
né mawaṣṭa,
I Kuda Prĕwira kalih,
muwah I Kuda Paramañca.

(14)

Kabungĕngan Radĕn Hinu Krĕtha Pati,

dadi hasah,
 hĕmpĕr maminĕhang,
 salah Pañji SĚmirangĕ,
 mapinĕh ring jroning kahyun,
 banban danĕ ngandika manis,
 kraña adi nĕ tan suka,
 lakar manadi akasur,
 ajak bĕli mabarĕngan,
 tuwah jĕnĕnga,
 mirib adi anak istri,
 to hawanan twara hĕnak.

(15)

Pasawurĕ Pañji SĚmirang kalis,
 ratu tityang,
 tan wĕntĕn ja piwal,
 kadi kirang prĕcayanĕ,
 sawirĕh tityangĕ ratu,
 kari madruwĕ pĕnakit,
 jĕrih tityang nĕn ngĕlahlah,
 kahanggan ragan iratu,
 Pañji SĚmirang mañumbah,
 raris mĕdal,
 Radĕn Inu Krĕtha Pati,
 pamuput mĕrĕm ngaraga.

(16)

Raris ngungsi pamrĕman
 Mahā Dĕwi,
 Pañji SĚmirang,
 dapĕtang kĕnjĕkan,
 mabawosan sarĕng tamyunĕ,
 kahiring ban Twan Galuh,
 Puṣpa Juwita lan Puṣpa Sari,
 lawut kĕnĕm manguntukang,
 sasĕpĕnan ika sampun,
 Pañji SĚmirang mabisikan,
 maring kraña,
 manĕsĕkang gati-gati,
 kĕnĕ daging pangandika.

(17)

Ring Mahā Dĕwi halus,
 Radĕn Inu Kĕrtapati,
 mangkin sĕdĕkan marĕrĕpan,
 mangkin dariki sampun,
 sampunang nĕn mĕmĕ mĕdal,
 pacang napa,
 mangda sampun kahuningin,
 kantĕn rahasya punika.

(18)

Sayan pĕtĕng suba liwat tĕngah
 wĕngi,
 Pañji SĚmirang,
 lawut ka pĕmrĕman,
 nĕmak panak-panakanĕ,
 jangkutin lawut karumrum,
 pangrumrumĕ mangasih-asih,
 panak byangĕ I Dĕwa,
 mĕlah-mĕlah dĕwa hĕmuk,
 nĕ jani ajin I Dĕwa,
 suba tĕka,
 Radĕn Hinu Kĕrthapati,
 uli di jagat Koripan.

(19)

Ajrĕpjĕpan mĕrĕm lawut matangi,
 Pañji SĚmirang,
 ngĕsĕngin kawula,
 I Kuda Prawira rĕkĕ,
 I Kuda Pramañca sampun,
 angrangsuk payas mamarggi,
 dĕning suba sĕmĕng pisan,
 ĕbonĕ lintang masĕpuk,
 mihikĕ ngĕbĕkin natah,
 pacang parĕk,
 Radĕn Inu Kĕrthapati,
 malinggih harĕp-harĕpan. -/-

(20)

23 Radĕn Inu Kĕrtha pati mingis,
 mangandika,

ring Pañji SĚmirang,
 husak san kĕnĕh bĕliné,
 hituni babang bangun,
 bĕli ngipi hajak adi,
 dadi bĕsik mabarĕngan,
 magĕlut magutgut-gutgut,
 bahan kĕnĕhé kadung mamrāt,
 kulangunan,
 bĕli tĕkĕn adi jati,
 tuwara dadi bahan ngĕngsapang.

(21)

Manguntukang Pañji SĚmirang
 mingis,
 twara ngucap,
 makĕlo mamona,
 padha pasaling saréré,
 cirining padha cumpu,
 Radĕn Inu Krĕtha Pati,
 tĕkĕning Pañji SĚmirang,
 mapapas turin macĕpuk,
 cacingaké to padha nāpnāp,
 kañĕñĕran,
 twara sangsih angan kitkit,
 nāndang manganūdang manah.

(22)

Cĕbĕr matur Pañji SĚmirang
 jani,
 saha sĕmbah,
 inggih bĕlin tityang,
 yaning durus panglungané,
 ka nagara Daha ratu,
 yan durus bĕli mabuñcing,
 ring tulaké simpang pisan,
 sampunang mangĕlantur,
 mantuk ngararis Ka Koripan,
 mangda tityang,
 talĕr huning rahin bĕli,
 putri hayu saking Daha.

(23)

Yan sawangang tĕka raṣa awayi,
 macakĕpan,
 ring bĕli sandingang,
 réh labĕk pisan horttané,
 ayuné manĕrus tuñjung,
 mangasorang sabatan langit,
 sapuniḡa jatiné pisan,
 Śūryya Candra né manurun,
 bĕli mapragayan Śūryya,
 nika wulan,
 kĕto bahan tityang ngupami,
 lanang bagus istri mĕlah.

(24)

Yaning sampun bĕli siddha
 mabuñcing,
 wahu tityang,
 ngiring pikayunan,
 kadi daging pangarṣané,
 sarĕng ring jroning klambu,
 tityang ngiring linggih bĕli,
 padha mangulurin harṣa,
 kĕto rawosé saling tĕmbung,
 babawos Pañji SĚmirang,
 sarĕng ida,
 Radĕn Inu Krĕtha Pati,
 sagĕt suba pĕtĕng pisan.

(25)

Pañji SĚmirang mañĕmbah ma-
 pamit,
 lawut budal,
 ngararis ka pamrĕman,
 twara hucapang wĕnginé,
 naruput lantah mahungu,
 Pañji SĚmirang ngararis,
 ngojog ka pasanggrahan,
 Ida Radĕn Putra Hinu,
 Krĕttha Pati kadapĕtang,
 kari mrĕm,
 nimpahin gaguling haris,

malinggih Pañji SĚmirang.

(26)

Disisin Radén Inu Krĕtha Pati,
mangadéngang,
ngurut-ngurut ngucap,
sampun tĕgĕh san sŭryyané,
dong mungu ratu mawungu,
pinahan sampun tĕngahi,
mabading tangané ngabag,
paling mangusud-husud,
tangané Pañji SĚmirang,
bakat jĕmak,
Radén Inu Krĕtha Pati,
babang matanghi nĕkĕkang.

(27)

Jĕjĕh pisan pañji SĚmirang
jani,
maminĕhang,
dadané ngadudah,
marasa kĕtara rahasyané,
hosĕk di jroning kahyun,
Radén Inu Krĕtha Pati,
kakéné paminĕh ida,
mirib cara hanak hĕluh,
yan huli husud-husudan,
lĕmĕs saja,
lĕmuh tangané tan sipi,
kahayon Pañji SĚmirang.

(28)

Bawu mara kalĕbangin mangkin,
Pañji Smirang,
marasa di tangan,
pañji SĚmirang kahyuné,
makiré mangkin sampun, -/-
[24] Radén Inu Krĕtha Pati,
déning pacang ka Daha,
raris panglungané lawut,

Pañji SĚmirang ngĕñjuwang,
sabuk sŭtra,
Radén Inu Krĕtha Pati,
nanggap tanda katrĕṣṇayan.

(29)

Sŭtra kuning masulam mĕbo
mihik,
kabhinawa,
sampun layu bunga,
rĕh sampun nahĕn mahanggé,
makadi harttané malu,
né karampas maka sami,
Pañji SĚmirang ngamtukang,
masih makahyun nutug,
Pañji SĚmirang ngiringang,
ka bañcingah,
Radén Inu Krĕtha Pati,
Pañji SĚmirang mañĕmbah.

(30)

Radén Inu Krĕtha Pati mamarggi,
kĕl ka Daha,
manglinggihin jaran,
sanga-sanga pamargginé,
lintang sungsut ring kahyun,
Radén Inu Krĕtha Pati,
tong dadi hĕngsapang,
kadunga suba matĕgul,
trĕṣṇané ring Pañji Smirang,
pamarggi Inu Krĕtha Pati,
napak di nagara daha.

(31)

Sarawuhé di Daha néné jani,
ŭpakara,
puput sinamyan,
rĕh mani pabuñcingané,
lédang Sang Prabhu muput,
Paduka Liku mina kadi,

lĕgané tan sapira,
pacang mangĕlah mantu,
bagus gĕnjing mĕngpĕng bajang,
Galuh Ajĕng,
girang tindakané paling,
hulah-hulih di pamrĕman.

(32)

Miñcang-miñcung Galuh Ajĕng
ngintip,
huli sĕlagan,
bĕdé gé mañingak,
girang tur suka bhawané,
cacingaké lédap nūnur,
ngahé raras lantas makĕjit,
mangapikin papusungan,
kaja kangin mīwah kawuh,
jani suba pĕdas ñingak,
Galuh Ajĕng,
Radén Inu Krĕtha Pati,
Galuh Ajĕng kulangunan.

(33)

Hĕbah limuh di tongosé
ngintip,
Galuh Ajĕng,
kĕlĕngĕr jalan mula,
maplisahan di hĕbuké,
né né jani Sang Prabhu,
malinggih sampun katangkil,
Mahā Liku matur banban,
singgih dé Sang Prabhu,
né mangkin pinunas tityang,
Galuh Ajĕng,
pabuñcingan kadi mangkin,
réh Galuh Cindra Kiranna.

(34)

Sampun hical lami saking
hiriki,
mahawanan,

patut pisa n-pisan,
Galuh Ajĕng pangĕntosé,
kéto matur Mahā Liku,
Sang Prabhu lé dang tan sipi,
kĕñĕm-kĕñĕm nimpal sila,
mīwah dané Mahā Liku,
hégaré né tan bina-bina,
kacarita,
né né jani suba wĕngi,
I Durmmanggala mañĕlag.

(35)

PUH DURMMA

Nuju sĕpi nĕdĕng tĕngah lĕmĕng
pisan,
Pañji Sĕmirang mijil,
ngĕlis ñaprék kuda,
lawut ngungsi ka Daha,
pakahyunan pačang huning,
tĕkéning karya, ya,
pabuñcingané jani.

(1)

Sarawuhé di Daha mangapuryyang
ida,
twara anak huning,
manĕgarang jaran,
kacingak ramya pisan,
malédang-lédangan sami,
mabriyagan,
Mahā Liku di puri.

(2)

Mīwah Galuh Ajĕng mahica-
hicayan,
dadi sayan mamūr tti,
mūr kka kahérang-hérang,
I Pañji Sĕmirang krodha,
palinggihané pĕcutin,
lawut manrĕjak,

di puri ngusak ngasik. -/-

(3)

[257] Upakara miwah praboté
makějjang,
kajěkjěk malěngkětik,
pěring haña bělah,
wawarung kahuwugang,
kahěntung-hěntungan sami,
maburarakana,
děkděk linděk pajungkling.

(4)

Sawusané ngusak kasik buwin
tulak,
ka kota Baru gělis,
mamědalang jaran,
jarané ndawus nēgar,
twara hucapang di marggi,
di puri Daha,
caritayang né jani.

(5)

Mabayayongan héwa huyut
jak měkějjang,
katakěh ada maling,
ka puri mēmbahak,
ada nēngguhang anak,
mahiyėgan jroning puri,
ada ngadėnang,
janma mangamak di puri.

(6)

Matuluwan padha n̄alukşuk
n̄alakşak,
twara hada kapanggih,
tėpuk bantas tampak,
n̄jėkan jaran liyu pisan,
mwah prabot maka sami,
bėnah ya cakcak,
wawarungė padha n̄ungkling.

(7)

Bwin timbalang né jani Pañji
Sēmiring,
di Kota Baru sampun prapti,
raris ngapuryyang,
lawut ngojog kapamrėman,
Mahā Déwi ngucap haris,
huli dija ké,
idėwa kali jani.

(8)

Pasawuré tityang rawuh saking
Daha,
mabalih anak mabuñcing,
bu mara marėngang,
Mahā Déwi lut kagyat,
mantėg pupu ngucap haris,
bani pasaja,
idėwa luwas padidi.

(9)

Twara ngucap kėnėm I Pañji
Sēmiring,
wus liwat tėngah wėngi,
raris ida munggha,
di pamrėmanė ida hėbah,
magėbyug mėrėm mapugling,
mani sēmėngan,
matanghi lawut sėdih.

(10)

Pasēmėngan di Daha suba ma-
nabdabang,
prabotė kagėntinin,
wawarung makějjang,
né bah ibisañja,
puput majujukang sami,
dėning kalintang,
kasiddhėn Śrī Bhupati.

(11)

Mapayasin Galuh Ajĕng pa -
 sĕmĕngan,
 ring Mahā Liku mangkin,
 Sang Prabhu ngandikā,
 tĕkĕn watĕk para mĕnak,
 kĕma inanak katurin,
 apang mapayas,
 Radĕn Inu Krĕtha Pati.

(12)

Mabriyuk nĕmbah para mĕ-
 nakĕ sinamyan,
 abĕrĕdan mamarggi,
 ngojog pasanggrahan,
 ditu di patandakan,
 Radĕn Inu Krĕtha Pati,
 mapasanggrahan,
 rawuhĕ matur bhakti.

(13)

Para mĕnak sanĕ kaping
 hajĕng pisan,
 tityang sadhya mamĕndakin,
 dadawuhan ida,
 ajin cokor idĕwa,
 durusang mahiyas mangkin,
 tityang ngiringang,
 mamarĕk Śrĭ Bhupati.

(14)

Radĕn Inu Krĕtha pati raris
 nimbāl,
 ngandika kadi mingis,
 suwĕbhawanĕ galang,
 srĕdah yaning hawasang,
 di tĕngah kahyunĕ sĕdih,
 twara ja pasah,
 magantung jroning rĕdi.

(15)

Mamangĕnang panasihanĕ tan
 pĕrah,
 Pañji Sĕmirang tan mari,
 mangranayang susah,
 ngudyang ja tityang mapayas,
 kĕnĕ anggon tyang mangkin,
 mĕndak ibapā,
 tumuli raris mamarggi.

(16)

Radĕn Inu Krĕtha Pati nga-
 puryyang,
 sarawuhĕ ngabhakti,
 ring Ida Sang Nātha,
 gĕlis sampun kalinggihang,
 di juli hĕmasĕ mangkin,
 tur masarĕngan,
 Galuh Ajĕng masandhing.

(17)

Lut mapikul jroning kota
 mahilĕhan,
 mahiringan gong bĕri, -/-
26 majajawan mamas,
 soroh mapontang hĕmas,
 tamburĕ di hajĕng gati,
 kobĕrĕ kĕmbar,
 ida danĕ mangiring.

(18)

Buwin mapayung śutra kuning
 kĕmbar,
 Radĕn Inu Krĕtha Pati,
 yan akudang janma,
 mabalih to gagawokan,
 ngantĕnang warṇnanĕ kadi,
 Sang Hyang Sĕmara,
 bagus mañanding ratih.

(19)

Galuh Ajěng hėnggat-hėnggot
dėning bahat,
ngaba pusung blėngkėr pasti,
masėsimping hėmas,
tangan cokor magėlang,
nguntuk dėdėp tan sipi,
di jroning manah,
hėndah kahyunė paling.

(20)

Ngiyah-ngiyuh ngilu ngajap-
ajap sañja,
kasurupan Hyang Rawi,
tong dadi tahanang,
ban tumbėné ngantėnang,
Radėn Inu Krėtha Pati,
dėwasa kāla,
pacang anggon pramėswari.

(21)

Kėto pisan Galuh Ajěng
maminėhang,
lėga hidhėpė mabuñcing,
suhudė milėhan,
lawut ngapuryyang,
Radėn Inu Krėtha Pati,
ka pasanggrahan,
ka patandakan ngungsi.

(22)

Galuh Ajěng bibinė mañėmbak
dandan,
Mahā Liku ngagahin,
hokanė bhusaña,
matruh-truh bungah pisan,
sampun nė kapasalinin,
kapasucyan,
Galuh Ajěng nė jani.

(23)

Radėn Inu Krėtha Pati byah-
para,
pakahyunanė sėdih,
sigsigan sapira,
yadinña ida kabuñcingang,
tuwaru tėlėb di hati,
kadung mamėrat,
pakahyunanė nė abėsik.

(24)

Tėkėn Pañji Sėmirang tong
dadi hėngsap,
kėto salah kėnė pėlih,
ngamu-ngamu bingbang,
twara sėlėg mangayunang,
Radėn Inu Krėtha Pati,
bwin tuturang,
Mahā Liku nė jani.

(25)

Di pamrėman hokanė polpol
ban hambar,
pėndėr soroh sanė bėcik,
hėbon nanė samprag,
ngėbėki puri sa Daha,
Mahā Liku ngucap manis,
sadhya idėwa,
dadi Pramėswa ri.

(26)

Lawut ngėdat nė mahadan
Ni Kėn Wargga,
parėkan lintang ririh,
mula gantos pisan,
cokor idėwa to sadhya,
polih rabhi bagus tuwi,
tan nandang cėda,
awanan saking mangkin.

(27)

Āandang pisan rimĕyang ring
pakahyunan,
mungpung durung mapanggih,
pahurukin pisan,
ngalap pitrĕṣṇan ida,
Radĕn Inu Krĕtha Pati,
cokor idĕwa,
mangda kĕman ring Prami.

(28)

Yaning sampun pakalihan
ring pamrĕman,
patut pisan sawahi,
jag cokor idĕwa,
mĕrĕm ring pangkonan ida,
Radĕn Inu Krĕtha Pati,
sapunika pisan,
Mahā Liku ngucap haris,

(29)

Bĕnĕh pisa n pamuñiné
Nikĕn Wargga,
kĕwala siddha kikit,
magoba droponan,
jaga mamĕdĕmin pabĕnan,
kĕné bahan dĕwa jani,
ningkahang awak,
sĕdĕng mĕlaha né jani.

(30)

Yaning suba idĕwa ring jro-
ning tilam,
da hĕndĕn hiju gati,
mañĕrahang awak,
mapi-mapi katakutan,
nguntut apang mirib sĕdih,
rĕngu-rĕnguwang,
sasĕbĕngané agigis.

(31)

Lawut matur Galuh Ajĕng
manunasang, -/-

27 sapunapi hantuk malih,
mangda sadhya tityang,
kadrĕmanang ring somah,
nikahin tityang né mangkin,
raris ngandika,
Mahā Liku midarttahn.

(32)

Nah né kĕné tatingkahan buwin
appsal,
apang idĕwa huning,
yan tuwah kajĕmak,
tangané katĕpĕsang ika,
pantĕg tangané ibĕli,
lawut hĕlingang,
mangdĕné kakasihin.

(33)

Makadinĕna mangda kasangkol
kaharas,
karumrum ban muñi manis,
kahabin idĕwa,
bahan rakan idĕwa,
Radĕn Inu Krĕtha Pati,
yaning tuwara,
idĕwa to kakasihin.

(34)

Mĕwah Radĕn Inu Krĕtha Pati
tuwa,
ñĕmak mĕwah ngalĕmĕsin,
ditu ĕandang pisan,
jag mĕrĕm di pabinan,
Radĕn Inu Krĕtha Pati,
pĕluk tĕkĕkang,
bañcang ibĕliné gisi.

(35)

Yan twah Radén Inu Krĕtha
 Pati suba,
 mĕrĕm tĕka timpahin,
 kĕto jani pĕragat,
 Mahā Liku nākolahang,
 Galuh Ajĕng ngĕrĕp gati,
 wahu surup sūryya,
 né jani suba wĕngi.

(36)

Mahā Liku nuntun Galuh
 Ajĕng hĕnggal,
 né jani suba ngranjing,
 kajroning pamrĕman,
 makadi nĕnĕ lanang,
 Radén Hinu Kĕrthapati,
 maka kalihan,
 ring jroning tilam sari.

(37)

Galuh ajĕng nguntuk ngahé
 prarasan,
 apang hĕnak kalĕmĕsin,
 matĕhĕnan tangan,
 mapi kasĕdihan,
 Radén Inu Kĕrthapati,
 twara da pisan,
 ngrĕsĕpang kahyuné malih.

(38)

Pragat bĕngong di pamrĕman
 mapangĕnan,
 miwah pĕsu yĕh akși,
 twara ja lenan,
 I Pañji Sĕmirang kahajap,
 Galuh Ajĕng nguwah-nguwuh,
 maklo ngantyang,
 twarā da kadĕsĕkin.

(39)

Lawut ngucap Galuh Ajĕng sada
 banban,
 dong rumrum tyang bĕli,
 punapi hawanan,
 bĕli nanĕng tan ngandika,
 Radén Inu Krĕtha Pati,
 sĕndhu mangucap,
 bĕli sing bisa ngalĕmĕsin.

(40)

Yan tan wĕntĕn bĕli kahyun
 ngĕrumrum tyang,
 mangkin tityang nglĕmĕsin,
 mangda bĕli wikan,
 dadi sĕndhu mangucap,
 Radén Inu Krĕtha Pati,
 tong ada pĕrah,
 anak hĕluh ngalĕmĕsin.

(41)

Anak muwani tong ada turahan
 dija,
 bĕs té kalĕbih gati,
 nawĕgang mĕnĕngang,
 hĕda liyu rarasanan,
 hĕda adi ngiyĕg bĕli,
 malih angucap,
 Galuh Ajĕng manangis.

(42)

Yan tan wĕntĕn bĕli kahyun
 ngrumrum tityang,
 tan wangdé tityang mangkin,
 jaga nguningayang,
 ring pahingguh ibapā,
 Radén Inu Krĕtha Pati,
 masawur bangras,
 angob bĕli tan sinipi.

(43)

Mirib twara ja hadi
 hokan Sang Nātha,
 bĕs pongah aji jwari,
 kĕto makĕmikan,
 nurah to janma hasagan,
 bĕs kaliwat dĕmĕn ngumik,
 mahirib twara,
 hokan sang nakra wĕrtti.

(44)

Radĕn Inu Krĕtha Pati
 mangĕjohang,
 katĕngah mĕrĕm mapugling,
 twara makrisikan,
 Galuh Ajĕng mangĕnggalang,
 nĕsĕkin mĕrĕm nimpahin,
 mamona pisan,
 Radĕn Inu Krĕtha Pati.

(45)

Radĕn Inu Krĕtha Pati
 papangsĕgan,
 mĕrĕm ngĕlut gaguling,
 dĕning kasĕbĕtan,
 Galuh Ajĕng tan karĕnga,
 yadin Twan Putri nimpahin,
 sang katimpahan,
 makĕlĕmah ngĕnjuh wuri. -/-

(46)

28 Galuh Ajĕng matanghi
 sampun sĕmĕngan,
 lawut ngocok nanginin,
 tanganĕ kajĕmak,
 kakĕdĕng katangyang ida,
 Radĕn Inu Krĕtha Pati,
 matanghi babang,
 rĕngĕt kahyunĕ tan sipi.

(47)

Galuh Ajĕng matur hatĕhang kĕ
 tityang,
 tityang mandus nĕ mangkin,
 irika ring taman,
 mangda miring-hiringan,
 tityang mamarggi ring bĕli,
 masawur jĕngal,
 Radĕn Inu Krĕtha Pati.

(48)

Lawut a di masiram suba ka
 taman,
 nĕnan bĕli padidi,
 mandus ka taman,
 rĕh durung nahĕn pisan,
 bĕli ngiringang nak istri,
 pacang masiram,
 yan pisĕrĕng pisan adi.

(49)

To parĕkan bĕlinĕ tundĕn
 ngiringang,
 I Punta lan I Jrudi,
 mĕwah I Karttala,
 makadi ya I Prĕsanta,
 apang mañukjukin bĕli,
 ngiring kataman,
 dĕning pacang masuci.

(50)

Sawatara suba ada limang
 dina,
 Radĕn Inu Krĕtha Pati,
 malinggih di Daha,
 twara ja matra-matra,
 kĕn galuh Ajĕng marabi,
 twah pĕtĕng lĕmah,
 tong tahĕn katundikin.

(51)

Radén Inu Kërthapati sayan
susah,
di ambéné Ida malinggih,
galuh ajěng ngucap,
antuk sampun suwé pisan,
běli anggėn tityang prami,
rėh durung pisan,
tityang nahėn rumrum běli.

(52)

Radén Inu Kěrthapati raris
nimbal,
nglawanin mañawutin,
běli twara nawang,
né madan parumruman,
apa madan kėto adi,
nimbal mangucap,
galuh ajěng ñawurin.

(53)

Wantah běli néntėn wikan
ngrumrum tityang,
ngiring mantukan běli,
ring pamrėman gėnah,
mangda běli pang wikan,
tityang jaga ngrumrum běli
malih mangucap,
Radén Inu Kěrthapati.

(54)

Rawat-rawat hidhėp bėlinė
twarā da,
pacang ngarumrum adi,
běli ohon pāsān,
twara mampuh mulyan,
awak běli pėluh pidit,
běli mamindah,
Galuh Ajěng tong himbih.

(55)

Nggih akéntėn sanė mungguh
maring kitab,
Radén Inu Krėtha Pati,
twara pėgat-pėgat,
ngamė-hamė Pañji Sėmirang,
jangka layu sayan kiris,
buwin timbalang,
I Dangdang lara né jani.

(56)

PUH DANGDANG

Carita Pañji Smirang né jani,
nanėng sawat,
sungsut ngajap-ajap,
Radén Inu Krėtha Patiné,
saruwang tong dadi saru,
yan limpurang mawuwuh sakit,
mėrėmang ya ngulangsar,
yėning kidėmang manglawut,
akėdap marasa ngėnah,
asakšana,
rašana suba masandhing,
tėkéning Pañji Sėmirang.

(1)

Radén Inu Krėtha Pati tan mari,
né kasambat,
ring Pañji Sėmirang,
pėtėng lėmah kadulamė,
pitřėşnanė tan patanggu,
kadunga suba makilit,
tėkėk di jėroning manah,
nandang jėngah, né kaliwat,
nahėn hibuk mabėlasan,
tatagonė,
Radén Inu Krėtha Pati,
ngalahin luwas ka Daha.

(2)

Pañji Smirang ngucap jroning
rėdi,

tan sapala,
 nu dini magĕnah,
 hadĕnan marĕk tuminĕ,
 ka gunung manulis laku,
 dĕning ibĕli ngalahin,
 ka Daha to mapambilana,
 yaning pakša dini hĕmu,
 nĕ jani dini magĕnah,
 tong buhungan,
 anak tangĕh sayan lami, -/-
29 rahasyan gĕlahĕ katara.

(3)

Suba pragat paminĕhĕ gĕlis,
 kadawuhan,
 I Kuda Prĕnawa,
 lan I Kuda Prĕmañcanĕ,
 mangdĕn ndawuhang sampun,
 pañjakĕ sami dawuhin,
 janmanĕ huli Mĕntawan,
 padha kahicchan mantuk,
 buwin tulak ka Mĕntawan,
 muwah ka Koripan,
 suwung mimit parĕmangkin,
 di Kota Baru mangungang.

(4)

Twan putri Pușpa Juwita
 Sari,
 maka dadwa,
 sampun kadawuhan,
 pacang ngiring pangalunganĕ,
 sampun puput kadawuh,
 tumuli raris mamarggi,
 pamarginĕ pĕtĕng lĕmah,
 ngliwa t alas gunung,
 mamarggi matungtung lara,
 ludin ninggal,
 Mahā Dĕwi jag kalahin,
 di Kota Baru ngaraga.

(5)

Pamarginĕ Pañji Sĕmirang
 nĕlib,
 mahiringan,
 I Kuda Prawira,
 mwah I Kuda Pramañca,
 makadiña Twan Galuh,
 Pușpa Juwita Pușpa Sari,
 Mahā Dĕwi twara wikan,
 dadi suwung mangmung,
 amung Mahā Dĕwi ngaraga,
 di puriyan,
 jani suba joh gati,
 pamargin Pañji Sĕmirang.

(6)

Mahā Dĕwi kagyat mara mijil,
 sagĕt suba,
 tuwara ada jadma,
 di bañcingah spi gatinĕ,
 asing dlokin suwung,
 Pañji Sĕmirang twara kari,
 ical saking pamrĕman,
 Mahā Dĕwi ngĕrung,
 nangis matahtaban pisan,
 manting raga,
 mañĕlsĕlang phula kĕrthi,
 mangucap mangalad-alad.

(7)

Panak tityang i dĕwa bas lalis,
 luwas matinggal,
 kĕnkĕn panadiyan,
 nĕ jani awa k mĕmĕnĕ,
 bas mĕmĕ trĕșna nugtug,
 i dĕwa kabuntang - banting,
 jani wĕtu kĕnĕyang,
 kalahin i ratu,
 pĕrami ŕwa ri sampun ninggal,
 dĕwĕk tityang,
 biyang i dĕwa nĕwati,

Buwim idĕwa ninggalang.

(8)

Kija ruruh panak tityangĕ
 jani,
 Pañji SĚmirang,
 hĕnĕn pasang ajak,
 kakĕnĕ saja suwungĕ,
 adayan suba lampus,
 dini tityang jani ngĕmasin,
 kudu hidup makutang,
 di halasĕ suwung,
 Pañji SĚmirang yan kija,
 mangumbara,
 dija halih tityang jani,
 panak tyangĕ nĕ sayang,

(9)

Yaning kĕnkĕn Pañji SĚmirang
 jani,
 ya di jalan,
 twah kalunta-lunta,
 panak tityangĕ kalasĕ,
 kĕto sasambatĕ maduwh,
 Mahā Dĕwi Tuwah syang latri,
 twara ngĕmbangin dina,
 nangis ngulun-ulun,
 timbalang jani tuturang,
 nĕ di Daha,
 Radĕn Inu Krĕtha Pati,
 ngamĕ Pañji SĚmirang.

(10)

Pĕtĕng lĕmah Radĕn Inu
 Krĕtha Pati,
 twara hĕngsap,
 kadung suba nĕjah,
 tĕlĕk buntĕng pitrĕṣṣanĕ,
 sasuwĕnĕ ida ditu,
 di Daha tong tahĕn ida
 manangkil,

tĕkĕn Ida Sang Nĕtha,
 dĕning ida liwat inguh,
 kahyunĕ ngumbĕk mamĕrĕt,
 dadi pañungkan,
 ngrubĕdha ring jroning rĕdi,
 tong dadi ban nahanang.

(11)

Radĕn Inu Krĕtha Pati jani,
 kacarita,
 ngucap jroning angga,
 mula jĕjĕlĕ san hidupĕ,
 Galuh Ajĕng tan pahunduk,
 mĕlah nĕ jani gĕdinin, -/-
30 ngudyang nongos di Daha,
 kĕto suba nĕ pamuput,
 paminĕhĕ jroning angga,
 sagĕt sañja,
 Radĕn Inu Krĕtha Pati,
 ndawuhin I Karttala.

(12)

I Prĕsanta Punta lan I Jrudĕh,
 kadawuhan,
 apang mandawuhang,
 tĕkĕning hulubalangĕ,
 dĕning mapakahyun nĕsup,
 mangumbara wĕnginĕ jani,
 suba puput ya sayaga,
 tĕngah lĕmĕng jani sampun,
 nĕlib pamargginĕ budal,
 saking Daha,
 makadi twara mapamit,
 tĕkĕning Ida Sang Nĕtha.

(13)

Pamargginĕ ngalintangin bukit,
 pasĕmĕngan,
 napak di bañcingah,
 di jron Pañji SĚmirangĕ,
 dapĕtanga suwung mangmung,

pamēdalé mubēt sami,
 tong hada majĕlawatan,
 janma angan ahukud,
 sakéwala kapirĕngan,
 di puryyan,
 tanglus tangis anak istri,
 titir ya masasambatan.

(14)

Radén Inu Krĕtha Pati gĕlis,
 nganampĕkang,
 sinah kapirĕngan,
 sasambat Mahā Déwiné,
 ngamé-ngamé mĕrah-mĕruh,
 ngatgat Ida Pramésuari,
 tur ngajap Pañji SĚmirang,
 tĕdas pisan nika sampun,
 akitané kapirĕngan,
 lintang kagyat,
 Radén Inu Krĕtha Pati,
 kéné paminĕh ngaraga.

(15)

Né madan Pañji SĚmirang
 rihin,
 twara lĕnan,
 Putri Cindra Kiranna,
 jati kéto paminĕhé,
 dadi mawuwuh sungsut,
 Radén Inu Krĕtha Pati,
 yĕh cingaké namuwas,
 hĕhĕs marasa luntur,
 buka i pasĕpan timah,
 patĕladtad,
 Radén Inu Krĕtha Pati,
 lélo bah jalan pĕjang.

(16)

Bawu mĕrĕm rasa tĕgtĕgan
 gigis,

lawut ngucap,
 sĕrĕt mĕgat-mĕgat,
 dhuh déwa jiwana tityangé,
 bĕs kalĕbih gati ratu,
 mĕlah san kahyuné ngĕlidin,
 rawuh bĕliné hipidan,
 ratu sigĕm twara ngaku,
 idéwa Candra Kiranna,
 tĕkĕn tityang,
 kéto sasambaté sĕdih,
 lawut ngungsi ngapuryyang.

(17)

Sarawuhé di puri sampun ma-
 linggih,
 matur banban,
 tityang manunasang,
 hantuk napi hawanané,
 mémé kalintang sungsut,
 tan wĕntĕn pĕgat manangis,
 Mahā Déwi manarttayang,
 sakandané nika sampun,
 sami tĕlas kapidartta,
 sinamyan,
 Radén Inu Krĕtha Pati,
 masih matur midarttayang.

(18)

Mimbuh-imbuh sungsut Mahā
 Déwi,
 padha hĕngsĕk,
 sĕdih matatanganan,
 Radén Inu Krĕtha Patiné,
 mahatur sa mbil ya bĕkut,
 lilayang kahyuné mangkin,
 sampunang ja nuhukang,
 kahyuné kalintang sungsut,
 mangkin tityang ngiringang,
 Bu kadĕha,
 dwaning adi galuh mangkin,
 hical yan kapo kijaha.

(19)

Lut mamarggi Radén Inu
 Krĕtha Pati,
 gagangsaran,
 ngiringang ka Dāha,
 Mahē Déwi sarawuhé,
 di Daha suba ngalawut,
 I Punta Karttala mangiring,
 ka puri marĕk Sang Nātha,
 Mahā Déwi ida bĕngul,
 pangakṣiné maka dadwa,
 nanghing ida,
 Radén Inu Krĕtha Pati,
 di jabayan mangantosang.

(20)

Sarawuhé Mahā Déwi ring
 Puri,
 buka cingak,
 ring Ida Sang Nātha,
 kalintang sĕbĕt kahyuné,
 mara maklĕtĕg ring kahyun,
 méling tĕkén Prami śawari,
 néné sampun ninggal séddha,
 déning ipun Mahā Liku,
 mangracun bahan drowaka, -/-
 [31] jani suba,
 gunan nané punah sami,
 Mahā liku tan karĕnga.

(21)

Dadi suba jani Mahā Déwi,
 kasayangang,
 ring Ida Sang Nātha,
 jani dadi pangĕntiné,
 pramiśwariné sampun,
 mandĕwati sané rihin,
 déning polosé tan pĕrah,
 Mahā Déwi lintang cucud,
 twara makahyun angkara,
 kraṇna kéman,
 kajĕnĕngang Praméśwari,

ring Ida Sang Prabhu Daha.

(22)

I Punta Karttala glis mapamit,
 ngajabayang,
 raris mangiringang,
 Radén Inu Krĕtha Patiné,
 tulak ka Kota Baru,
 gĕnah Pañji SĚmirang rihin,
 ajahan sampun ya prapti,
 tumuli ida ngalawut,
 mangrañjing ring pamrĕman,
 pamrĕmané,
 Pañji SĚmirang prĕmin,
 mabĕlĕngĕk alah pangśĕgang.

(23)

Radén Inu Krĕtha Pati sĕdih,
 di pamrĕman,
 yĕh cingaké ṅapcap,
 tultul ban śutra kuningé,
 sané kahaturin né malu,
 ring Pañji SĚmirang lĕcing,
 manggon nultul yĕh cingak,
 gagulingé lut kagĕlut,
 haras-aras di pamrĕman,
 cara hédan,
 gĕbyag-gĕbyug muntag-mantig,
 ndulamé Pañji SĚmirang.

(24)

Radén Inu Krĕtha Pati raris
 mandawuhang,
 pacang ngamarggyang,
 mantuk prĕdana mantriné,
 tulak ka Koripan matur,
 ring ajinda Śrī Bhupati,
 mangandika hatur banban,
 merika bĕliné mantuk,
 parĕk Sang Nātha Kuripan,
 huningayang,

tiyang biyana tulak mulih,
yaning twara siddha bakat.

(25)

Galuh Cindra Kiranna bantyang
ngalih,
dĕning suba,
hilang uli Daha,
tiyang ngĕtut palakunĕ,
sampun puput ya kadawuh,
mañca mantri nĕmbah raris,
lut mamarggi ka Koripan,
sagĕt sampun ida rawuh,
di Koripan ngapuriyang,
nguningayang,
sapari kanḁhanĕ sami,
ring ida prabhu Koripan.

(26)

Sang prabhu nanĕng pĕsu
yĕh akṣi,
tuk mirĕngang,
kadi pamidartha,
hatur para danĕ mantrinĕ,
madahĕpan mantĕg pupu,
dĕkĕs-dĕkĕs tur manitir,
kadi prĕngĕtĕ ngandika,
kanti kĕnĕ dukĕ malu,
twara Hi adi ngortayang,
huli Daha,
sahilangña tuwan putri,
twara olas ngan masurat.

(27)

Twara lĕnan waya anak abĕsik,
mangranayang,
twan galuh ida hilang,
dabdaban i liku jĕlĕ,
dĕning dĕmĕn ya manganduh,
guṇa tur pangasih-asih,
mangdĕnĕ ya kadalĕmang,

hiyadi lawut ya takut,
sakĕnĕhĕ kadagingan,
kĕn sang nĕtha,
kraṇa hilang tuwan putri,
I Liku mula ya bhaya.

(28)

Prami ṣwari sigsigan manangis,
ngangĕn oka,
dĕning liwat sayang,
Radĕn Inu Kĕrthapatinĕ,
nĕnĕ jani sang Parabhu,
twara tahĕn da katingkil,
dĕning sungsutĕ kalintang,
di Koripan dahat samun,
bañcingahĕ tan padiya,
kĕto pisan,
di Koripan buka jani,
dĕning sang prabhu kobĕtan.

(29)

Sampun Radĕn Inu Kĕrthapati,
ngamarggiyang,
parĕk ka Koripan,
banban halus pangucapĕ,
suwabhawa lintang sungsut,
nah kĕnkĕn hidĕpĕ jani,
kĕnĕhin ajak makĕjang,
apang siddha ja katĕpuk,
hiyadi Cindra Kiranna,
matur sĕmbah,
parĕkanĕ maka sami,
tityang ngiring pakahyunan.

(30)

Lĕdang cokor hidĕwanĕ mangkin,
boya piwal,
ngambĕl subhaktin tyang,-/-
[32] lintang pisan subhaktinĕ,
sarĕng tityang sami ratu,
yadyan matĕmahan pati,

sampunang malih sumandya,
ring tityang déwa agung,
kéto matur abryukan,
raris ngucap,
Radén Inu Krĕtha Pati,
néne jani hidhĕp ira.

(31)

Né jani ira pacang mabuddhi,
mangumbara,
satibaning paran,
sara panitah Widhiné,
dija katu gĕnah tutug,
yadin hidup yadin mati,
ira mapisan-pisanan,
pisanan apang nglampus,
matiné di jalan-jalan,
makadiña,
pacang mañaru né jani,
ira dot maganti adan.

(32)

Radén Pañji Jayéng Kusuma
jani,
adan hira,
makadi I Punta,
Iyandaka adan nané,
I Jurudĕh madan Iwirun,
kalih I Karttala jani,
patut mahadan I Kalang,
I Prĕsanta ipun anūt,
mahadan I Lurah Sĕmar,
nah ndawuhang,
tĕkéning rowangé sami,
né jani pacang majalan,

(33)

Sasubané puput kadawuh sami,
lut majalan,
twara bisa pĕgat,
Pañji Jayéng Kusumané,

di jalan-jalan nduwuh,
mamarggi matungtung sĕdih,
ndulamé Pañji Sĕmirang,
makadi ipun I Wirun,
masih milu ngajap-ajap,
makrak isak,
mantĕg tangkah nongak langit,
pati gamplong ya majalan.

(34)

Mangénggalang I Wirun lut
nĕsĕkin,
déning gila,
ngĕnot babikasan,
bahan ajum Iwiruné,
I Kalang jĕg ya manañjung,
I Wirun jangka nungking,
duwĕg ngahé kabañolan,
hĕngkĕl padha ya mangukguk,
ĕnto kĕdékin mabriyuk,
jĕg makĕjang, watĕk
pangiringé sami,
ngĕdékin I Wirun hĕbah,

(35)

Nghing twara I Wirun skĕl di
hati,
déning nabran,
macanda-candayan,
magoñjakan ring timpalé,
lawut manulih ka pungkur,
Pañji Jayéng Kusuma mingis,
déning ya pařekan sayang,
padha rata lintang bawud,
nghing Pañji Jayéng Kusuma,
jroning angga,
sungsut bayuné tan sipi,
twara dadi ban naruwang.

(36)

Margginé nglintangin alas bukit,

pĕtang lĕmah,
 sayan hĕjoh sawat,
 dadi tĕkad pamargginé,
 di tĕpin jagat Sadayu,
 Pañji Jayéng Kusuma gĕlis,
 mangandika ring I Kalang,
 mĭwah ring I Wirun,
 apang ngahé pasanggrahan,
 kacarita,
 pasanggrahané puput gĕlis,
 ditu lawut masandĕkan.

(37)

PUH SINOM

Raja Sadayu hucapang,
 maputra istri abĕsik,
 ayuné tan patandingan,
 kasayanan bahan aji,
 déning maputra abĕsik,
 parab idané kawuwus,
 I Galuh Nawang Ęindra,
 Sang Prabhu sĕdĕk malinggih,
 sagĕt ada,
 janma parĕk mados-dosan.

(1)

Nguningayang wawidangan,
 Sadayu adané jani,
 anak lanang bagus jangjang,
 suba monĕok di panĕpi,
 ngahé pasanggrahan sami,
 mahiringan pañjak liyu,
 kagyat mara mamirĕngang,
 Raĕā Sadayu né jani,
 bĕngah-bĕnguh,
 prĕrahiné sĕbuh landak.

(2)

Sang Prabhu raris ndawuhang,

ring punggawa Mañca Mantri,
 makadi ring watĕk yuddha,
 Ęĕmang Tumĕnggungé sami,
 sampun sami macumawis,
 ngamong sasikĕpan cukup,
 tumuli lawut majalan, -/-
33 muwah Hulubalang sami,
 ngajap-ajap,
 musuhé sambil masuryyak.

(3)

Subané marĕp-arĕpan,
 sasumbaré wanti - wanti,
 gĕlis I Wirun I Kalang,
 I Lurah Sĕmar makadi,
 pañjaké girang sami,
 makĕjang padha mangamuk,
 masiyat pasaling cagak,
 I Lurah Sĕmar ngangobin,
 pasiyaté,
 sikĕp sadayuné rĕbah.

(4)

Sayan marasa kapĕsan,
 pañjak Sadhayuné sami,
 malahib saling paliwat,
 gustin nané kaplahibin,
 ngĕcagang sañjata sami,
 wirĕh ya mabuddhi hidup,
 Ęĕmang Tumĕnggung mañingak,
 Hulubalangé malahib,
 padha ngamuk,
 lut macĕpuk ké I Kalang.

(5)

Muwah I Wirun I Sĕmar,
 pasiyaté saling banting,
 Ęĕmang tumĕnggungé mĭwah,
 Mañca Mantri maka sa mi,
 padha kakasoran jurit,
 Ęĕmang Tumĕnggung mahĕjuk,

Mańca Mantri minamiyan,
padha mabrĕgu matali,
bahu mara,
Hulubalangé ngatonang.

(6)

Dĕmang Tumĕnggung mabasta,
maka miwah Mańca Mantri,
Hulubalangé makĕjang,
naglang sikĕpĕ tumuli,
gĕlis ya mańĕrah sami,
mabriyuk ya padha nungkul,
dadi twara ngĕlah kańdha,
Raja Sadayu ring gĕlis,
sampun ngayuh,
ring Pańji Jayéng Kusuma.

(7)

Tuan Putri kasukĕrah,
katur apang dadi rabi,
Jayéng Kusuma narima,
Putri Nawang Cindra sĕdih,
sadurungé mańingakin,
né pacang gĕnahé katur,
Tuan Putri Nawang Cindra,
bawu mara mańingakin,
Pańji Jayéng,
Kusuma bagus tan prah.

(8)

Tuan Putri Nawang Cindra,
dadi hulangun mangakĕsi,
sĕdihé halah sapuwang,
lédang kahyuné tan sipi,
ka pĕsanggrahan né jani,
Hulubalangé makumpul,
padha ya malĕgan-lĕgan,
mangulurin dĕmĕn hati,
di pĕtĕngé,
galang bula rama pisan.

(9)

Di pasanggrahan masasukan,
I Wirun Kalang makadi,
I Lurah Sĕmar Handaka,
padha ngigĕl dangkrak dingkrik,
sambilanga ya magĕding,
mabriyagan padha ditu,
Radĕn Pańji Jayéng Ksuma,
ngantĕn di pamrĕman mangkin,
pakalihan,
sarĕng putri Nawang Cindra.

(10)

Pasĕmangan sampun mĕdal,
Jayéng Kusuma matangi,
mangandika ring I Kalang,
hira makĕnĕh né jani,
jalan budalin né jani,
twara suhud nandang hibuk,
wirĕh tundĕn mańidayang,
Pańji Sĕmirang kapanggih,
nah dawuhang,
tĕkĕn pańjaké makĕjang.

(11)

Jayéng Kusuma angucap,
mangkin ring Rahadĕn Déwi,
bĕli pacang mangambara,
adi kĕnkĕn buka jani,
tuan putri hatur haris,
tityang ngiring ratu agung,
yadin salaku sĕluara,
mangda tityang sarĕng hugi,
raris ngucap,
Jayéng Kusuma ngutusang.

(12)

Mamarĕk pacang ngokasang,
rĕh Jayéng Kusuma mangkin,

mamarggi pacang ngumbara,
né kahutus lut mamarggi,
gagangsan ya mamarggi,
tan dumadé raris rawuh,
sarawuhé ring puryyan,
nguningayang saha bhakti,
sampun matur,
hutusané midarttayang.

(13)

Raja Sadayu kobĕtan,
sungsut kahyuné tan sipi,
dĕning twara ida wikan,
ring warnnan mantuné jani, -/-
34dwaning pacang katinggalin,
kaplĕgan Raja Sadayu,
né kahutus gĕlis tulak,
tumuli sampun mamarggi,
miringan lyu,
sagĕrĕhan Jayĕng Kusuma.

(14)

Pamargginé mangumbara,
bilang nagara panggihin,
ditu ngahé pasanggrahan,
kagĕbug makĕjang lilih,
ngayuh jagaté maka sami,
yan akudang nĕjaya satru,
bahan liyu ngĕlah pañjak,
Jayĕng Kusuma né jani,
dadi kasub,
jaya puruṣa ring pĕrang.

(15)

Kraṇṇa kĕto makakṣaṇa,
ngumbara nĕjajah nagari,
mangdĕné kasiddhan bakat,
nĕné mula pacang halih,
apang hĕnggal katĕpukin,
sané mangranayang sibuk,

dadi ngalaluwang manah,
né makraṇṇa sĕdih kingking,
twara lĕnan,
né madan Pañji Sĕmirang.

(16)

Hĕnĕngang malu nuturang,
timbang hucapang jani,
né di Daha caritayang,
Galuh Ajĕng lintang sĕdih,
rĕh ida twara huning,
satingkah rakané naru,
kisa h saking jagat Daha,
Radĕn Inu Krĕtha Pati,
dwaning galuh,
Ajĕng twara kacumpuwang.

(17)

Galuh Ajĕng lut masĕgsag,
di pamrĕman ngalih paling,
di sangladé kasĕlakṣak,
nanghing twarā da kapanggih,
di sĕlagan-slagan pĕti,
makadi di batan kasur,
ungkab-ungkab kapĕdasang,
langsĕné kahubas-abis,
dadi ngulun,
masasambatan ngaraga.

(18)

Ngudyang bĕli sapunika,
ngĕngkĕbin tityang né mangkin,
dong mariki rumrum tityang,
kĕné tityang sĕdih kingking,
mangamĕ-ngamĕ ibĕli,
bĕs dĕmĕn bĕli mangulgul,
macandha tĕkĕning tityang,
suwud bĕli mangĕngkĕbin,
bĕli bagus,
dong mariki rumrum tityang.

(19)

Kĕto ngacĕngcĕng ngaraga,
 di pamrĕman muntag-mantig,
 makĕblĕs lawut pĕsuwan,
 di horok-horokĕ halih,
 hiju tindakanĕ bintit,
 di natahĕ kangin kawuh,
 buwin to di pagĕdogan,
 jaranĕ masih kasĕlikšik,
 bilang sĕmput,
 koņa makĕjang kasabsab.

(20)

Lawut mangoņangang kĕlat,
 manangis lantas maņĕrit,
 twara ada mangrunguwang,
 watĕk pangayahĕ sami,
 mĕndĕp tan kuma risin,
 makadi Ida Sang Prabhu,
 twara ja mangrĕsĕpang,
 kadi hĕrang Śrĭ Bhupati,
 ludin mĕling,
 ring Pramĕšwarinĕ sĕddha.

(21)

Mahawanan ida sĕddha,
 dĕning Mahā Liku nĕtik,
 nĕ jani mĕling ring raga,
 Sang Prabhu kalintang sĕdih,
 mamangĕnang Pramĕšwari,
 nanghing jani Mahā Liku,
 gunanĕ ya suba punah,
 hawanan Sang Prabhu gĕting,
 mangantĕnang,
 Mahā Liku lut tĕmporāt.

(22)

Galuh Ajĕng hĕnu ngarab,
 di natahĕ jĕrat-jĕrit,
 buwin ngungsi pamĕrĕman,
 di pamrĕman ditu ngumik,
 hĕlas bĕlinĕ ngalahin,

dija halih tityang ratu,
 yadin padĕ ngalih lĕnan,
 bĕli ngalih anak istri,
 twara hada,
 jĕgĕgan ring dĕwĕk tityang.

(23)

Kĕto ngatĕmĕl ngaraga,
 Galuh Ajĕng Siyang latri,
 buka anakĕ nĕ hĕdan,
 tan pĕgat mĕgat di hati,
 Radĕn Inu Krĕtha Pati,
 Galuh Ajĕng lintang culuk,
 puluk tondĕn mamĕcah, -/-
 [35] ngĕmpuluk dijroning hati,
 linglung paling,
 Galuh Ajĕng kapĕgokang.

(24)

Salinang malu nātwayang,
 Jayĕng Kusuma nĕ jani,
 hĕnu mamarggi ngumbara,
 sagĕt rawuh di panĕpi,
 nagaranĕ kawastanin,
 Jagaraga nĕ kawuwus,
 Pañji Jayĕng Kusuma,
 ngandikayang mangda gĕlis,
 maņujukang,
 pasanggrahan suba pragat.

(25)

Sang Prabhu di Jagaraga,
 maduwĕ putra kakalih,
 lanang bagus nĕ duhuran,
 nĕ halitan istri lĕwih,
 Tuwan Wirāntaka wiyakti,
 paparabĕ nĕnĕ kakung,
 nĕ istri mapĕsĕngan,
 Tuwan Putri Nilawati,
 Sang Prabhu,
 nuju tangkil bahan putra.

(26)

Tan dumadé ada tĕka,
 janma parĕk dihis-dihis,
 janma panĕpin nagara,
 nguningayang wĕntĕn prapti,
 jang-jang tur bagus gĕnjing,
 mondok di patĕpi sampun,
 nujukang pasanggrahan,
 Sang Prabhu krodha tan sipi,
 raris muwus,
 sada lampyas masasambar.

(27)

Hĕnggalang tundĕn nabdabang,
 makadi yuddhané sami,
 sawatĕk Māñca Punggawa,
 Dĕmang Tumĕnggung makadi,
 mangda ngĕjuk manalinin,
 anaké né tĕka bawu,
 twara lĕn né mahadan,
 I Jayĕng Kusuma mahi,
 madĕdugan,
 mamusuh anak jumaha.

(28)

Agĕt yan twara mabasta,
 hidup-hidupan krangkĕngin,
 jĕnĕng nané halĕp pisan,
 nanghing kĕnĕhé cacungking,
 to muhut-muhutang gumi,
 hipidan Raja Sadayu,
 jĕnĕng bagus kĕnĕh jahat,
 hanggoña cacindilan bwin,
 tong madaya,
 kagĕbug kanti lindih ya.

(29)

Mahatur putriné lanang,
 Radĕn Wirantha kaharis,
 saha sĕmbah ring Sang Nātha,
 punika wantah sujati,
 akidik baya sangsih,

ring pamanah titya ng ratu,
 sakadi ika pawacana,
 tityang sumanggup né mangkin,
 jaga ngĕjuk,
 Ipun I Jayĕng Kusuma.

(30)

Mangkin sampun sami sayaga,
 watĕk yuddhané mamarggi,
 gumuruh padha masurak,
 girang pasang mangangkĕpin,
 Jayĕng Kusuma né jani,
 mirĕng surak lawut kĕnung,
 kĕnĕm-kĕnĕm mangandika,
 Wirun Sĕmar jani yatnahin,
 tong buhungan,
 gagatĕnan balak masyat.

(31)

Mamusuh anak prĕwira,
 hĕda ampah ngamusuhin,
 I Wirun Sĕmar mañumbuh,
 tityang tan piwan sahiring,
 sampunang pañjang minĕhin,
 subhaktin tityang Dĕwagung,
 haduwang tityang haduwang,
 tatkala asapuniki,
 sampun pisan,
 madaging pasumandĕha.

(32)

Mahawanan manggih lĕga,
 murip tityang kantos mangkin,
 yĕning yan tan cokoridĕwa,
 kari swĕccha saking rihin,
 hawanan tityang manggih,
 panĕngkan ipuné ratu,
 picchan cokoridĕwa,
 anggĕn tityang mangulĕrin,
 lĕgan manah,
 né mangkin tityang caruwang.

(33)

Sampuné marĕp-arĕpan,
 masiyat malahar gĕtih,
 saling tusuk saling sĕmpar,
 saling pakpak saling tigtig,
 mĕtĕng ngamuk ngalindih,
 I Kalang Handaka Wirun,
 Miwah I Lurah Sĕmar,
 twara pisan bisa pihid,
 di pasyatan,
 yan akudang mbahan naya.

(34)

Sang Prabhu Jagaraga, -/-
 [36] manglinggihin kuda gĕlis,
 mĕcutin jarané nĕgar,
 Jayĕng Kusuma kahungsi,
 macĕpuk padha ngalinggihin,
 jaran binal mangkin sampun,
 Sang Prabhu madĕdagan,
 panunggalan saling sabit,
 payuddhané,
 mamusuh Jayĕng Kusuma.

(35)

Sang Prabhu Jagaraga,
 mangulahang nĕsĕk gati,
 pasiyaté magulungan,
 déning kapipitang gati,
 rasa Jagaraga wyakti,
 pakahyunan pacang ngĕjuk,
 Pañji Jayĕng Kusuma,
 sĕbĕt hidané tan sipi,
 ngamĕsĕhin,
 Rāja Jagaraga mayuddha.

(36)

Rĕh Pañji Jayĕng Kusuma,
 pasikĕpan ida kĕris,
 pajĕnĕngan saking lawas,
 mahadan I Lala mĕtani,

dadi kasĕpan manangkis,
 Rāja Jagaraga lawut,
 sĕkĕn ring sadana pisan,
 raris kĕni katuwĕkin,
 nombyor mijil,
 rah Sang Prabhu ida nĕwata.

(37)

Gĕlis Radĕn Wirāntaka,
 bawu mara mañingakin,
 Rāja Jagaraga rusak,
 di tĕbĕn layoné nangis,
 raris mangĕntungang kĕris,
 makadi Dĕmang Tumĕnggung,
 Mañca Mantri simamyan,
 miwah Hulubalang sami,
 padha ngayuh,
 ring Pañji Jayĕng Kusuma.

(38)

Radĕn Wirāntaka nĕmbah,
 ring Jayĕng Kusuma mangkin,
 mangutuk twara mangucap,
 Jayĕng Kusuma né jani,
 banban mangandika manis,
 lilayang adi ring kahyun,
 to panitah Sang Hyang Suksĕma,
 manudhang buka jani,
 Radĕn Wiran,
 Taka raris mangiringang.

(39)

Ka puri Jayĕng Kusuma,
 sarawuhé maring puri,
 raris mangaturang angga,
 Tuwan Putri Nila Wati,
 halĕp sambil mangabhakti,
 matimpuh nāmplĕg manguntuk,
 Pañji Jayĕng Kusuma,
 di singgasana malinggih,

cahya nurub,
katangkilan parĕménak.

(40)

Lawut nĕalanang pamĕndak,
ka pasanggrahan mĕndakin,
Tuan Putri Nawang Cindra,
mapĕndakan joli manik,
sampun rawuh maring puri,
tumuli sampun matĕmu,
Tuan Putri Nawang Cindra,
ring twan putri Nila Wati,
Tuan Putri,
Nila Wati manguntukang,

(41)

Mangĕdalĕm ring swabhawa,
Tuan Putri Nila Wati,
nĕngguhang Jayĕng Kusuma,
durung ja maduwĕ rabhi,
to kĕraña kimud gati,
swabhawa kalusu-sulusu,
Tuan Putri Nawang Cindra,
alĕp pangucapĕ manis,
adi galuh,
sampun hĕdalĕm ring tityang.

(42)

Dĕning kĕnĕ katu gĕnah,
hĕmbok ajak adi jani,
jalan barĕng nutug titah,
lilayang kahyunĕ adi,
dĕning panitah Widhi,
gantĕn mbok pacang tĕpuk,
ring adi lan mabarĕngan,
dadi jajarahan jani,
kadi hbuh,
mbok masih kĕto pisan.

(43)

Mabĕlasan ring ibapa,
wirĕh nutug pula krĕthi,
tatuwĕyan saking sinah,
kĕnĕh mbokĕ ring adi,
jaga trĕṣṇa, nĕ jani,
kĕto pisan adi galuh,
bawu mara matra kĕcah,
lĕdang putri Nila Wati,
makadinĕa,
ida danĕ ajak makĕjang.

(44)

Yan suba ya kudang dina,
Jayĕng Kusuma di puri,
Jagaraga masandĕkan,
tumuli ngandika haris,
ih Kalahg Sĕmar bwin mani,
hira pacang mangĕlawut,
buwin majalan ngumbara,
kĕto kadawuh nĕ jani,
raris matur,
Nila Wati Wirĕntaka.

(45)

Yan wantah iratu swĕccha, -/-
37 ring tityang I Nila Wati,
makadi I Wirĕntaka,
tityang misa dya mangiring,
sapalunghanĕ nĕ mangkin,
sarĕng kalih tityang ratu,
tityang tatan wĕntĕn pisan,
mamanah kari hiriki,
dĕning ajik,
tityang sampun mandĕwata.

(46)

Suba tĕkanĕng puhara,
pasĕmĕngan lawut mamarggi,
mahiringan putri dadwa,
Tuan Putri Nila Wati,

Putri Nawang Cindra bwin,
Radén Wirāntaka milu,
liyu tuwah mahiringan,
para mantriné pinih lingsir,
kapisara,
mamērēnta h di Jagaraga .

(47)

Hudēpang malu nuturang,
Jayéng Kusuma né jani,
déningsuba mangumbara,
pamargginé siyang latri,
apang dadi makēlit,
satwané twara ja kikut,
gēnti-gēntiyang hucapang,
kacarita néné jani,
pamargginé,
Pañji Sēmiring ngumbara.

(48)

PUH GINANTI

Pañji Sēmiring kawuwus,
pamargginé mandang sēdih,
ngaliwatin alas jimbar,
mahiringan twah nēm diri,
I Kuda Prēwira miwah,
I Kuda Prēmañca malih.

(1)

Makadiné pētang hukud,
to huli Mēntawan sami,
Twan Putri Puṣpa Juwita,
kalih Putri Puṣpa Sari,
makadi kén pasiriyan,
muwah kén pangonēng buwin,

(2)

Né jani kacarita lawut,
Pañji Sēmiring magēnti,

Suwud mapanganggo lanang,
buwin mapanganggo istri,
lawut sinah Cindra Kirañna,
warnna hayuntan sinipi.

(3)

Bawu mara nganggo hēluh,
jani pēdas kahuningin,
ring Sang Putri Puṣpa jwita,
kalih Putri Puṣpa Sari,
I Pañji Sēmiring tuwara,
tatuwiyān hana muwani,

(4)

Puṣpa Jwita lawut nguntuk,
maka miwah Puṣpa sari,
nēmbah ring Cindra Kirañna,
cirin nu manggēh bhakti,
ring Putri Cindra Kirañna,
satiba paran mangiring.

(5)

I Kuda Prēwira sampun,
I Kuda Prēmañca malih,
suba puput maka dadwa,
buwin mapanganggo istri,
lawut sinah né kén bayan,
makadinna né kén sanggit.

(6)

Sampun puput samingrangasuk,
papayasan sarēng sami,
tumili lawut majalan,
twara pēgat ngēmbēng tangis,
Twan Putri Cindra Kirañna,
toyan pangakṣiné milit.

(7)

Magantung-gantung ring kahyun,
Radén Inu Krētha Pati,

hawang-awangĕn mangĕnah,
makĕlap-kĕlap di hakši,
pamargginé sayan sawat,
sagĕt sampun rawuh mangkin.

(8)

Di bongkol gunungĕ ditu,
marariyan sarĕng sami,
ban lĕlĕhé kabhinawa,
padha mĕcik-mĕcik batis,
tur ditu ada pañcoran,
toyané brĕsih tur hĕning.

(9)

Ditu lawut Tuwan Galuh,
Cindra Kiranna masŭci,
sarĕng Putri Puşpa Jwita,
Tuan Putri Puşpa Śari,
hiringan mandus makĕjang,
caritayang nĕné jani.

(10)

Bĕko Ganda sari ditu,
matapa di gunung wilis,
śakti mĭwah bĕtĕl tinghal,
lawut mangandika haris,
humbun-humbun kma tuhunan,
ka bongkol gunungĕ halih.

(11)

Kaponakan hira tuhu,
papagin hatĕhang mahi,
hokan Sang Prabhu di Dhaha,
mijil saking Pramĕşwari, -/-
38 mahadan Cindra Kiranna,
Ni Humbun-humbun mamarggi.

(12)

Tĕkĕdé di bongkol gunung,
Ni Humbun-humbun ngabhakti,
cokor idĕwa né katuran,
munggahan ka gunung wilis,
ring bibin cokor idĕwa,
Putri Bĕka Ganda Sari.

(13)

Lut mamarggi ngalgal luyu,
munggahan ka gunung wilis,
Twan Putri Cindra Kiranna,
Ni Humbun-umbun mangiring,
mĭwah hiringan mak ĕjang,
sarawuhĕ lut ngabhakti.

(14)

Bĕko Ganda Sari halus,
kandika napa Tuwan Putri,
panak mĕmĕné hidĕwa,
mula tuduh Sang Hyang Widhi,
nuduhan ragan idĕwa,
kraña tĕka jani dini,

(15)

Tan dumadĕ sampun rawuh,
hajĕngan ngayunang mangkin,
sahusanĕ mangayunang,
tan carita sampun wĕngi,
Twan Putri Cindra Kiranna,
sampun kapasanggrahan ngrañjing.

(16)

Pamrĕman rahab don kayu,
klangsah mahanggon dingding,
matampul ban carang-carang,
kayunĕ di gunung wilis,
dĕning umah nak matapa,
ngarada Ida Hyang Wĭdhi.

(17)

Tapané né tondén tutug,
di duhur batuné putih,
mamusti mamona nĕgak,
pĕtĕng lĕmah twara gingsir,
babar hujan angin panĕs,
mahĕndah - hĕndahan buwin.

(18)

Akéto ucapang lawut,
jani liwat tĕngah wĕngi,
Twan Putri Cindra Kirana,
twara dadi mĕrĕm sĕdih,
mĕling tĕkĕn manda bagya,
sang sarĕng ninggal nagari,

(19)

Hĕkan - hĕkan maha liku,
kraņa sang prabhu nukahin,
Galuh Ajĕng mangranayang,
sangkan nĕmu lara kingking,
ludin kangĕ ngajap-ajap,
Radĕn Inu Kĕrthapati.

(20)

Makĕlap-kĕlap ka dulu,
Radĕn Inu Krĕtha Pati,
di Daha malĕgan-lĕgan,
ngajak Galuh Ajĕng sahi,
kéto rasa kacingakan,
sungsuté matindih-tindih.

(21)

Pasĕmĕngan Tuwan Galuh,
lut masiram sarĕng sami,
kahiring ban Puspa Jwita,
mĕwah Putri Puspa Sari,
Nikĕn monĕng pasiriyan,
Nikĕn Bayan Nikĕng Sanggit.

(22)

Sahusan masiram sampun,
mĕdĕk Bĕko Ganda Sari,
raris mangandika banban,
Putri Bĕko Gandha Sari,
pĕdasang déwa mirĕngan,
mĕmé midharttahn jani.

(23)

Kraņa idéwa manĕmu,
kasakitan buka jani,
huli dini mĕmé nawang,
kĕné kaņdhan nĕané kawit,
Ratu Kuripan né mapĕta ng,
togog-togogan kakalih.

(24)

Togogé twara ja patuh,
bahan hĕmas né abĕsik,
né bĕsikan bahan salaka,
Galuh Ajĕng mamilihin,
lawut idéwa makatang,
togog hĕmas sisan pilih.

(25)

Togog hidĕwané lawut,
katagih pacang nĕlurin,
Galuh Ajĕng ngamĕlĕdang,
idéwa lawut mamucingin,
to karana idéwa salah,
tĕkéning ida ibĕli.

(26)

Dĕning hĕdalĕmé muput,
tĕkĕn Mahā Liku jĕrih,
Ida Sang Prabhu di Daha,
to kraņa ibĕli lali,
tĕkĕn idéwa pamĕnggah,
sahasa lawut magunting.

(27)

Pramésuari kraṇṇa lampus,
 déning Mahā Liku nĕtik,
 ditapéné kagĕnahang,
 makadi idéwa masih,
 kahimpyang duké jumah,
 tĕkén Mahā Liku jati, -/-

(28)

39 Tĕlah katĕlĕtĕh sampun,
 sakanḍha-kanḍha maka sami,
 Twan Putri Cindra Kirañṇa,
 bu mara mirĕng manangis,
 mĭwah hiringan makĕjang,
 bĕkut padha sĕdih sami.

(29)

Sawatĕk tapané ditu,
 padha miturunin tangis,
 mangĕnang Cindra Kirañṇa,
 Putri Béka Gandha Sari,
 bu ñingak Cindra Kirañṇa,
 nangis masih milu sĕdih.

(30)

Sigsigan ditu manguntuk,
 di pangkon bibiné sĕdih,
 lut matur Cindra Kirañṇa,
 mĕgat-mĕgat sampil nangis,
 tityang mangkin manawĕgang,
 mamarggi ngumbara malih.

(31)

Raris ngucap lintang halus,
 Putri Béko Gandha Sari,
 da ndén malu mangumbara,
 dini bwin ajĕbos gati,
 Cindra Kirañṇa mañĕmbah,
 tityang pitĕlas mangiring.

(32)

Pituturé lintang patut,
 Putri Béko Gandha Sari,
 hawanan kari hirika,
 ring gunung wilis malinggih,
 Twan Putri Cindra Kirañṇa,
 timbalang kucapang jani.

(33)

PUH PANGKUR

Budal saking Jagaraga,
 pamargginé Jayéng Kusuma jani,
 mangliwatin alas gunung,
 mĭwah padésan nagara,
 di wawĕngkon tanah jawiné
 kawuwus,
 liyuné ñajah nagara,
 ada sékĕt kuwang abĕsik.

(1)

Pamarggin Jayéng Kusuma,
 sagĕt napak tĕpin nagara jani,
 réh Jayéng Kusuma tawu,
 kén to jagat Gagĕlang,
 mandawuhang ñujukang pasang-
 grahan sampun,
 pasanggrahan sampun pragat,
 raris malinggih katangkil.

(2)

Rahadén Jayéng Kusuma,
 katangkilin bahan putriné
 kakalih,
 Putri Nila Wati nguntuk,
 muwah Galuh Nawang Cindra,
 makadiña Radén Wirāntaka
 ditu,
 Jayéng Kusuma angucap,
 kénkén hidhĕp adi né jani.

(3)

Bĕli pacang nglawut pisan,
ka nĕgara gagĕlang nĕnĕ jani,
Sang Prabhu Gagĕlang tuhu,
rĕraman bĕlinĕ pisan,
di Gagĕlang macĕkin mañĕnĕng
agung,
I Wirun Sĕmar I Kalang,
nĕsĕkang nĕgak manangkil.

(4)

Jayĕng Kusuman mangucap,
Wirun Sĕmar jalan majalan
jani,
ka kota Gagĕlang nglawut,
parĕng ring ida ibapā,
wirĕh nira huli malu tondĕn
tawu,
Ida Sang Prabhu Gagĕlang,
I Sĕmar Wirun ngabhakti.

(5)

Patut pisan pakahyunan,
ratu dĕwagung tityang tan
piwal ngiring,
tumuli madabdaban sampun,
mamarggi Jayĕng Kusuma,
manglingihin jaran manatad
pamĕcut,
jaranĕ binal mapolah,
nĕ madan Irangga Ranggit.

(6)

Tuwan Putri Nawang Cindra,
makadinĕna Twan Putri Nila
Wati,
di pasanggrahan twara milu,
ngiring Jayĕng Kusuma,
gĕlis nimbal nĕ jani critayang
lawut,
Ida Sang Prabhu Gagĕlang,

masanding ring Pramĕśwari.

(7)

Katangkilin bahan putra,
nĕ maparab Rahadĕn Singha
Mantri,
Sang Prabhu angucap halus,
ring Pramĕśwari ngandika,
aduh adi dadi bĕli liwat -/-
40 bingung,
bĕli ningĕh hortta sinah,
di nagara Daha nĕ jani.

(8)

Sangĕt mabuhut-buhutan,
twara pisan ngĕlah kaᅇdha
ibĕli,
katitah ban Mahā Liku,
kranna bĕli hĕmĕng pisan,
kagunganĕ kusakang ban anak
hĕluh,
putrinĕ raris mañĕlag,
matur Radĕn Singha Mantri.

(9)

Sapa sira Prabhu Daha,
wyakti tityang prĕnah mawa -
kĕngin,
Sang Prabhu raris masawur,
bĕnĕh totonan wan idĕwa,
bawu mara kĕnjĕkan Ida Sang
Prabhu,

mabawos sagĕtan tĕka,
jadma parĕk dihis-dihis.

(10)

Makĕlo nu matĕgtĕgan,
sĕngal -sĕngal pĕluh pidit
manangkil,
mañĕmbah lawut maha tur,

ratu tityang ngaturang,
wĕntĕn rawuh anak lanang
lintang bagus,
tur mangĕlinggihin kuda,
ngamrikiyang ida mamarggi.

(11)

Kocap sampun manangunang,
pasanggrahan hiriki ring
panĕpi,
akwĕh mahiringan ratu,
manawita tan sawosan,
jaga ngĕbug jagat druwĕné
dĕwagung,
kagyat Sang Prabhu mirĕngang,
yan kĕto krĕsĕp kahi.

(12)

Jĕnĕng tĕ turunan satria,
anak luwih totos ring
prĕjurit,
Sang Prabhu ndawuhan lawut,
ngĕsĕngin mañca Punggawa,
sarawuhé Sang Prabhu ngandika
halus,
kĕnkĕn jani ban makañdha,
ada musuh tĕka mahi.

(13)

Makadinĕa hada hartta,
liyu pĕsan suba ngalahang
gumi,
sawatĕk para ratu nungkul,
jani hĕnggalang nabdabang,
kĕma pĕndak hira makĕnĕh
manungkul,
mĕlahang pisan mañapa,
lawutang hiringang mahi.

(14)

Radĕn Singha Mantri nĕmbah,

hinggi sampunang bapā kobĕt
mangkin,
tityang padĕwĕkan ra tu,
haduwang pacang mayuddha,
ngamĕsĕhin śatrunĕné wawu
rawuh,
tityang sumanggup mamunggal,
yadyapin śatrunĕ lĕwih.

(15)

Sang Prabhu raris ngandika,
nguda kĕto bahan cahi jani
cĕning,
hudĕg-hudĕgĕn satuwuk,
mañca lan mantri majalan,
mamĕndakin mĕkaña patih
Dĕmung,
pamargginĕ gagangsaran,
sagĕt macunduk di marggi.

(16)

Dĕmang Tumĕnggung mañĕmbah,
kagawokan ngantĕnang warĕnanĕ
kadi,
Sang Hyang Sĕmara hanurun,
Pañji Jayĕng Kusuma,
majanggĕlan palinggihanĕ
manglawut,
Dĕmang Tumĕnggung midartta,
tingkah kahutus mĕndakin.

(17)

Jayĕng Kusuma mamargga,
pamargginĕ sampun rawuh ring
puri,
Sang Prabhu lĕdang di kahyun,
Jayĕng Kusuma mañĕmbah,
lawut mungguh nangkilin Ida
Sang Prabhu,
Sang Nātha ngandika banban,
sĕsĕd patakĕné haris.

(18)

Dija paněgaran nanak,
nah tuturin mangdané bapā
huning,
kalih něn pěsěngan agus,
Jayěng Kusuma mañěmbah,
Raděn Pañji Jayěng Kusuma
amuwus,
wastan tityangě kahucap,
nghing tityang tan wěntěn
huning.

(19)

Malih paněgaran tityang,
dwaning tityang ngumbara
saking lami,
satiba paraning laku,
ñajah děsa padasan,
malih ngucap Sang Prabhu
lintang halus,
bapa buwin mañěsědang,
nanak suba ngělah rabhi.-/-

(20)

417 Jayěng Kusuma manimbal,
tityang sampun maduwě somah
kakalih,
ně kělihan wastan hipun,
Twan Putri Nawang Cindra,
maka měwah saně ně halitan
ratu,
wastan hipun sěmah tityang,
Twan Putri Nila Wati.

(21)

Mangkin kari ring dunungan,
somah tityang magěnah maka
kalih,
Sang Prabhu gawok ring kayun,
mapiněh jěroning hangga,
maya pisan tuwah hěně **sátrn**
tuhu,

Sang Prabhu banban angucap,
kěmo alih tunděn mahi,

(22)

Hutusan jani kapasanděkan,
tunděn ngalih rabin anakě
apang mahi,
Jayěng Kusuma mahatur,
tityang ngiring pakahyunan,
sakěwantěn sampun bapa sakit
kahyun,
miněhin pamanah tityang,
tityang tan wěntěn malih.

(23)

Tan wěntěn ja manah tityang,
pacang ngěbug nagaraně puniki,
wit jatin ipuně ratu,
sakěwantěn mangda tityang,
bantas huning nagara Gagělang
ratu,
Ida Sang Prabhu Gagělang,
liyang kahyuně tan sipi.

(24)

Mañta mantri majalan,
kapěsanggrahan měndakin Raděn
Děwi,
mapěndak ban joli grěbung,
měwah Raděn Wirěntaka,
ñajawahin paměndakě sampun
rawuh,
di pasanggrahan lawut mungguh,
kajolině Tuwan Putri.

(25)

Sarawuhě di puryyan,
Raděn Děwi kapasanggrahan
kalih,
pasanggrahaně kasěbut,

nika di karang pasantryan,
 raris nĕmbah Jayĕng Kusuma
 lawut,
 ka karang Pasantryyan,
 hayunan sampun cumawis.

(26)

Nĕnĕ jani caritayang,
 dadi krodha Rahadĕn Singha
 Mantri,
 bahanĕ halok lan bagus,
 warĕnanĕ Jayĕng Kusuma,
 paminĕhĕ Radĕn Singha
 Mantri lawut,
 ngandika di jroning angga,
 apang tahananga jani,

(27)

Di pĕtĕngĕ kĕl hĕntungang,
 Radĕn Pañji Jayĕng Kusuma
 ka pasih,
 dosan nanĕ liwat bagus,
 makĕjang padha ngasubang,
 awak gĕlahĕ twarā da anak
 ngajum,
 makadi Jayĕng Kusuma,
 Sang Prabhu mangĕman gati.

(28)

Jani padha masĕliyahan,
 kamargginĕ parĕk-parĕkanĕ
 sami,
 I Kalang miwah I Wirun,
 I Sĕmar lan Iyandaka,
 sagĕt Radĕn Singha Mantri
 lawut rawuh,
 nĕsĕkin I Wirun Sĕmar,
 I Wirun lawut mamuñi.

(29)

Mangrawos ajak I Kilang,
 saja pisan gustin gĕlahĕ
 sujati,
 bagusĕ manĕrus tuñjung,
 twara hada mangasorang,
 di Gagĕlang twara ada pacang
 patuh,
 kĕn Pañji Jayĕng Kusuma,
 kĕto pangrawos sang kalih.

(30)

Pangrawos I Wirun Kalang,
 kapiĕngan hantuk Radĕn Singha
 Mantri,
 lawut I Wirun kacĕmuk,
 bungut nĕ muwah I Kalang,
 wirĕh suba tawu I Kalang
 I Wirun,
 tuwah mula hudĕg-udĕgan,
 gĕndĕng Radĕn Singha Mantri.

(31)

I Wirun Kalang ngĕnggalang,
 mangasubang Rahadĕn Singha
 Mantri,
 Radĕn Mantri bagusan iku,
 kĕto muñing ngajumang,
 lĕdang Radĕn Singha Mantri.

(32)

Ngĕlus bungkung mangĕnggalang,
 twara ngitung bungkung mahĕl
 bĕcik,
 anggon ngupahin I Wirun,
 krodhanĕ makĕjang sirĕna,

 Radĕn Singha Mantri sahi.

(33)

Magěnti-gěnti payasan, -/-
42 dėning nābran manggon
 ngupah-upahin,
 hasing mangasubang bagus,
 I Wirun sayan bungah,
 Radén Singha Mantri kahajum
 satuwuk,
 angob Radén Wirāntaka,
 timbalang hucapang buwin.

(34)

PUH SMARANDANA

Cindra Kirañna né jani,
 suba yan akudang dina,
 di gunung wilis mamondok,
 mēdal raris ka patapan,
 dėning pacang mangėnah,
 ring tuminé sampun rawuh,
 tumuli raris mañėmbah.

(1)

Putri Bėko Gaṇḍha Sari,
 lintang halus mangandika,
 duh dėwa panak mēméné,
 yan mabuddhi apang hėnggal,
 katėpuk né hėncėpang,
 nanging tingkah apang nāru,
 padha mapangango lanang.

(2)

Pang da sėngkala di marggi,
 magunting ajak makėjang,
 asikut bahong cėkoké,
 kalih magěntinin adan,
 barėng tuting hiringan,
 panganggoné cara gambuh,
 mangumbara manglėlawang.

(3)

Kacarita néné jani,
 padha kasalinin parab,
 Cindra Kirañna parabé,
 gambuh Wargga asėmara,
 mīwah Puṣpa Juwita,
 mapėsėngan mangkin sampun,
 Gambuh malari parab ida.

(4)

Tuwan Putri Puṣpa Sari,
 Gambuh Hėnciyasėmara,
 kéto jani pėsėngané,
 makadi nāné Nikén Bayan,
 né jani lawut kahucap,
 Gambuh Sėka r Sari hanut,
 Nikén Sanggit makadinna.

(5)

Adan nāné Gambuh mėlangi,
 maka mīwah Nikén monėng,
 sampun masalin wastané,
 hadan nāné patut pisan,
 Gambuh Jingga hasėmara,
 Bėko Gaṇḍha Sari rawut,
 ngrana sika ngarddanayang.

(6)

Nunasang ring Sanghyang Widhi,
 mangda hokané kasiddhan,
 madaging kadi kahyuné,
 tėpuk néné gumanayang,
 Gambuh Wargga hasmara,
 né jani sagėtan sampun,
 di bongkol gunungé prapta.

(7)

Ni Humbun-humbun mapamit,
 tulak buwin ngamėnėkang,
 ngungsi gėnah patapané,
 suba napak di patapan,
 jani lawut kahucapang,

mamarggi sarĕng papitu,
gambuh wargga hasamara.

(8)

mahiringan gambuh malari,
gambuh hĕnci hasĕmara,
mwah gambuh sĕkar sarinĕ,
Gambuh Malangi makadiņa,
Gambuh Jingga pangĕrasa,
makadin nanĕ kasĕbut,
Gambuh Asĕmatĕntaka.

(9)

Pamargginĕ sada gĕlis,
manglintangin bukit alas,
sayan hĕjoh pajalanĕ,
tĕkĕdĕ di Dĕsa-dĕsa,
dĕning gambuh mangĕlawang,
yan ping kuda ngigĕl sampun,
dadi liyu mahan hupah,

(10)

Bilang padasan nagari,
liyu anak padha ngupah,
ban kamĕlahan higĕlĕ,
hanut tĕkĕn jajĕnĕngan,
buduh hasing sang ngantĕnang,
ada mabuddhi manutug,
cahyanĕ kalawan muntab.

(11)

Tan carita suba wĕngi,
tĕkĕd di pasar Gagĕlang,
ditu di pĕnggak-pĕnggakĕ,
lut gambuhĕ madunungan,
nĕnĕ jani kacarita,
liwat tĕngah lĕmĕng sampun,
Gambuh Wargga asĕmara.

(12)

Matangi kalaning sĕpi,
mañĕmak panak-panakan,
togog nĕnĕ bahan hĕmasĕ,
kahĕmban kaharas-aras,
tumuli lawut mangucap,
ngarimik buka nak buduh,
Gambuh Margga Asĕmara.

(13)

Panak biyang sayang gati,
kĕnĕ biyang kasangsara, -/-
43 kalunta-lunta lampahĕ,
majalaran ban idĕwa,
kabatĕk bahan nĕayangang,
ragan idĕwanĕ ratu,
hajin idĕwanĕ kija.

(14)

Radĕn Inu Krĕtha Pati,
bĕs kalĕbih pisa n-pisan,
mĕlah pasaja kahyunĕ,
twara mĕling tĕkĕn biyang,
kĕnĕ kapĕlan-pĕlan,
sĕdih manandangin ibuk,
lacur pasaja idĕwa.

(15)

Bin pidan biyang kapanggih,
tĕkĕning ajin idĕwa,
kĕnĕ satunggun huripĕ,
bin pidan sih biyang sipat,
suwud nĕmuwang dukkita,
pisan mangĕmasin lampus,
byang ngiring tumin idĕwa.

(16)

Kĕto sasambatĕ sĕdih,
mangrumrum panak-panakan,
Gambuh Wargga Asĕmaranĕ,
twara mĕrĕm ajĕrĕpjĕpan,

sagĕt suba ngĕdas lĕmah,
pasĕmĕngan sami sampun,
puput mangrangsukang payas.

(17)

PUH SINOM

Nĕnĕ jani kacarita,
I Wirun Sĕmar makadi,
I Kalang mĭwah Andaka,
pasĕmĕngan padha mlali,
gĕlu mara mangiwasin,
gambuhĕ nĕnĕ papitu,
payasan lintang muliya,
tur gobann sami bĕcik,
mamĕdasang,
I Wirun ngawasang pisan.

(1)

Gambuhĕ nĕnĕ tatiga,
mirib tahĕn katĕpukin,
I Wirun matakon banban,
nakonin gambuhĕ sami,
niki hilĕn-hilĕn napi,
tur akuda hupah ipun,
gambuhĕ lawut manibal,
mula hupahan dwang ringgit,
hilĕn-hilĕn,
gambuh puniki wastanna.

(2)

Tan dumadĕ mahigĕlan,
di jĕronĕ Manta Mantri,
gawok anakĕ ngantĕnang,
nĕnĕ jani ya I Jrudĕh,
padha ya angob mabalih,
lawut mangucap I Wirun,
jalan nanĕ huningayang,
pang kasĕngan ya ka puri,
mahigĕlan,

gambuhĕ nĕ di bañcingah.

(3)

Majalan saling paliwat,
pacang nguningayang jani,
Jayĕng Kusuma sĕdĕkan,
bĕngong di ambĕnĕ mlinggih,
Tuan Putri Nila Wati,
Putri Nawang Cindra ditu,
nangkilin Jayĕng Kusuma,
Jayĕng Kusuma tan mari,
sada titir,
prĕrahinĕ kusap-usap.

(4)

Nĕ manggon twarā da lĕman,
papĕkĕkĕ sĭtra kuning,
Nila Wati kagawokan,
tumuli mahatur haris,
hangob pĕsan tityang bĕli,
ngantĕnang bĕli satuwuk,
twara ada tahĕn bĕlas,
papĕkĕkĕ sĭtra kuning,
di ja ja kni,
hawanān nabran kaharas.

(5)

Jayĕng Kusuma angucap,
pabahang kantĕnan bĕli,
mahadan Pañji Sĕmirang,
dĕning bĕli sanĕ rihin,
kakantĕnan lintang bĕcik,
hanggoņa cirining tuhu,
satreṣṣa satanda mata,
ngucap Putri Nila Wati,
boyan hugi,
anak lanang nĕ ngaturang.

(6)

Hawanān kaharas-aras,

manawi ta hanak istri,
hané pĕcak manruwĕnang,
yan anak lanang ngaturin,
boya hada sapuniki,
swĕbhawan bĕliné sungsut,
Jayĕng Kusuma mangucap,
sakĕng jati anak mwani,
sané mahang,
bĕli sabuké nĕnĕnan.

(7)

Hĕnjĕkan makilit pisan,
babawosé lawut prapti,
I Wirun I Sĕmar Kalang,
Iyandaka sarĕng sami,
hangkyané dihis-dihis,
sĕbĕngé matĕruh-tĕruh,
ban hangobé hibusanan,
mabalih gambuhé bĕcik,
mingis-mingis,
Jayĕng Kusuma angucap.

(8)

Né hapané makĕraña, -/-
44 dadi cahi padha bintit,
I Wirun mahatur nĕmbah,
wĕntĕn hilĕn-hilĕn bĕcik,
ring jĕroné Mañca Mantri,
hirika kahupah bawu,
dĕning gambuh mangĕlawang,
gawok tityangé ngantĕnin,
né asiki,
rūpan gambuhé punika.

(9)

Yan kapatut hatur tityang,
wĕntĕnan mangkin kĕsĕngin,
mangda hiriki masolah,
hilĕn-hilĕn nĕné mangkin,
sasuwĕn tityang mahurip,
tan wĕntĕn tityang mamangguh,

hilĕn-hilĕné punika,
gambuhé sané hasiki,
boya midhĕp,
tityang marña manguningang.

(10)

Jayĕng Kusuma angucap,
nah kĕma hĕnggalang halih,
apang dini mahigĕlan,
I Wirun gĕlis mamarggi,
gambuhé né suĕa jani,
ditu masandĕkan sampun,
maring karang pasantriyan,
Jayĕng Kusuma lut ngambil,
liman nĕané,
Gambuh Wargga Asĕmara.

(11)

Jĕjĕh saha ngatĕpĕsang,
takut pacang kahuningin,
rahasyané katangĕhan,
tumuli angucap haris,
Jayĕng Kusuma amingis,
dadi hira buka jujut,
Gambuh Wargga Asĕmara,
huling hipidan mamarggi,
mangĕlawang,
kalih huli dĕsa dija.

(12)

Gambuh Wargga Hasĕmara,
raris matur saha bhakti,
sampun saking lami pisan,
tityang ngalawang mamarggi,
nanghing tityang sarĕng sami,
tan wĕntĕn ratu dĕwāgung,
sumĕkĕn maduwé gĕnah,
tityang jadma lintang hĕnis,
tan pawangsa,
ngumbara nĕajah nagara.

(13)

Jayéng Kusuma angucap,
hira matakon akikit,
tawang ké Pañji SĚmirang,
dija horttan nāné jani,
sing nā tahén manĕpukin,
pasawuré lintang halus,
Gambuh Wargga HasĚmara,
tityang tan wĕntĕn ja huning,
né kahucap,
maparab Pañji SĚmirang.

(14)

Yan suba akudang dina,
tĕka gambuhé né sami,
matingkah buka marĕkan,
ring Jayéng Kusuma jani,
gambuhé nĕné abĕsik,
twara lĕnan né kawuwus,
Gambuh Wargga HasĚmara,
Jayéng Kusuma ngangĕnin,
pinasihan,
duk Sang Prabhu manakonang.

(15)

Yan Pañji Jayéng Kusuma,
disĕdĕk né katangkilin,
hangob idané ngantĕnang, /
ban warĕnané lintang bagus,
/ Gambuh Wargga Smara mangkin,
makĕjang padha nĕulingling,
Gambuh Wargga HasĚmara,
masibakan gati-gati,
padha bagus,
tĕkéning Jayéng Kusuma.

(16)

Tuwan Putri Nawang Cindra,
mĭwah Putri Nila Wati,
dadi buduh kulangunan,
bawu mara kacingakin,

gambuhé nĕné abĕsik,
sangĕt mangranayang liĕnun,
Gambuh Wargga HasĚmara,
bagus halĕp tan sinipi,
kraĕna hinguh,
Tuwan Putri mangantĕnang.

(17)

Né di karang pasantyyan,
pĕtĕng lĕmah ramya gati,
sasukaté hada tĕka,
gambuh nĕné pitung diri,
Jayéng Kusuma makilit,
pitrĕṣṇan kahyuné muput,
ring Gambuh Wargga HasĚmara,
ida dané maka sami,
maĕnubungang,
Gambuh Wargga HasĚmara.

(18)

Buwin hada kacarita,
Sang Prabhu Lasĕm né jani,
Sang Prabhu Pudak Satĕgal,
bagus jangjang maka kalih,
cacingaké galak manis,
papĕsoné padha rĕmpuh,
manis lan sĕmita mĕlah,
masĕmĕton maka kalih,
ring dĕwata, -/-
/45/ Sang Prabhu di jagaraga.

(19)

Jani suba mirĕng hortta,
samĕtoné mangĕmasin,
suba rusak di payuddhan,
Jayéng Kusuma ngĕmbarin,
dadi krodha né tan sipi,
tumuli suba kadawuh,
nabdabang watĕk yuddha,
gagangsaran lut mamarggi,

pacang ngruruh,
ngĕrĕjĕk Jayĕng Kusuma.

(20)

Pamargginé mahilĕhan,
ñajah padasan nagar i,
nghing Pañji Jayĕng Kusuma,
masih twara ja kapanggih,
twara mararyyan mama rggi,
sagĕt rawuh di Sadayu,
ditu lawut mbahan hortta,
Rāja Sadayuné masih,
sampun nungkul,
ring Pañji Jayĕng Kusuma.

(21)

Rāja Sadayu ndarttayang,
Jayĕng Kusuma né mangkin,
manawi ring Jagaraga,
Sang Prabhu Lasĕm mamarggi,
Pudak Satĕgal mangiring,
pamargginé sada ndawut,
ngalawut ka Jagarāga,
di Jagaraga néné jani,
mañca mantri,
kapisara suba mrĕntah.

(22)

Tĕkĕdé di Jagaraga,
Jayĕng Kusuma tan kari,
malinggih di Jagaraga,
tumuli mangucap haris,
né kapisara mangĕnti,
sawiyaktiné mangkin sampun,
jagaté sampun kaprĕntah,
ring Jayĕng Kusuma mangkin,
Sang Prabhu,
sampun rusak ring payuddhan.

(23)

Né mangkin Jayĕng Kusuma,
budalé saking hiriki,
kija kapo mangumbara,
manahang tityang tan sisip,
manawita mangĕraris,
ka Jagat Gagĕlang ñujur,
manawita hirika,
sanĕhan sakadi mangkin,
sampun rawuh,
napak ring jagat Gagĕlang.

(24)

Sang Prabhu Puda Satĕgal,
Sang Prabhu Lasĕm né jani,
sami ngraris ka Gagĕlang,
sarawuhé ring panĕpi,
nangun pasanggrahan gĕlis,
hajahan sagĕtan puput,
ditu padha mararyyan,
moddok yatna sarĕng sami,
watĕk yuddha,
padha mangagĕm sañjata,

(25)

Lawut ñalanang hutusan,
watĕk babĕntĕng kakalih,
Patih Gangga Sura mĭwah,
Patih Gajah Mĕtta gĕlis,
kahutus mangaba tulis,
panangtangé sampun rawuh,
ring Gagĕlang manujuwang,
Sang Prabhu sĕdĕk katangkil,
di bañcingah,
Jayĕng Kusuma irika.

(26)

Hutusané mangaturang,
Jayĕng Kusuma manampi,
suraté sampun kapaca,
Sang Prabhu ngandika haris,
kĕnkĕn ja buka né jani,

Jayéng Kusuma mahatur,
 mangkin tityang ya maměndak,
 sátruné rawuh mariki,
 lintang krodha,
 Jayéng Kusuma mamargga.

(27)

Něgar manglinggihin kuda,
 né madan Irangga ranggit,
 miringan I Wirun Sěmar,
 I Kilang Handaka buwin,
 hulubalang maka sami,
 masurak mangajap musuh,
 hus hutusané sampun tulak,
 lut marěp-arěpan mangkin,
 pasiyaté,
 ramé saling gadébégang.

(28)

Sira Patih Gangga Sura,
 I Wirun ya ngamusuhin,
 mĭwah Patih Gajah méta,
 I Kalang suba ngarěpin,
 masyat saling patigtig,
 saling hingsaak saling gutgut,
 twara hada né kasoran,
 watěk yuddha saling bědil,
 magulungan,
 di pasyatan raměs pisan,

(29)

Né jani lawut critayang,
 Tuwan Putri maka kalih,
 né di pasanggrahan hucapang,
 Tuwan Putri Nila Wati, -/-
46 Putri Nawang Cindra buwin,
 buduh kahyuné kadurus,
 ring Gambuh Wargga Hasěmara,
 Tuwan Putri Nila Wati,
 mandawuhang,

apang di karang pasantryan.

(30)

Ditu gambuhé migělan,
 liyu anaké mabalih,
 ngalampahang pañji Sěmirang,
 ngayun-yuning hati gati,
 Tuwan Putrinila Wati,
 buduh kahyuné hulangun,
 muwah Putri nawang Cindra,
 lédang kahyuné mangakši,
 sasampuné,
 suwud gambuhé migělan.

(31)

Tuwan Putri Nawang Cindra,
 mangěnggalang maněsěkin,
 Gambuh Wargga Hasěmara,
 kacingak ban Nila Wati,
 lawut hucapang né jani,
 pasiyaté saling hamuk,
 Jayéng Kusuma manrějak,
 jaran ngamuk ngubas-abis,
 yěn akuda,
 liyun měsěhé né pějah.

(32)

Gělis Patih Gangga Sura,
 Jayéng Kusuma kahungsi,
 madědangan ya mayuddha,
 Patih Gangga Sura kěni,
 lambungé to katuwěkin,
 gětihé pěsu mangalěbut,
 lawut mangěmasin rusak,
 tan dumadé nāgjag gělis,
 né maparab,
 sira Patih Gajah Méta.

(33)

Jayéng Kusuma kasěmpal,

nanghing twara nandang kanin,
 mangĕwalĕs nuwĕk nĕkĕnang,
 kĕni tangkah ngĕmbut gĕtih,
 Gajah Mĕta mañungkling,
 lawut sĕddha nĕrengkunuk,
 makoplok padha mañurak,
 I Wirun I Kalang ningkrik,
 mangigĕlin,
 pañjak lasĕm nĕ kapĕsan.

(34)

Dwaning marasa kasoran,
 Sang Prabhu Lasĕm nĕ jani,
 Sang Prabhu Pudak Satĕgal,
 padha ngayuh parajani,
 mangraris da kanĕgari,
 Jayĕng Kusuma kawuwus,
 nĕjayĕng sĕtru ring rana,
 Sang Prabhu lĕdang tan sipi,
 sayan muwuh,
 sayangĕ Jayĕng Kusuma.

(35)

Sang Prabhu Pudak Satĕgal,
 Sang Prabhu Lasĕm nĕ jani,
 nĕgĕg bu mara mañingak,
 ring Wirĕntaka mapanggih,
 magĕlut padha manangis,
 kaponakanĕ katĕpuk,
 Sang Prabhu Pudak Satĕgal,
 maputra istri abĕsik,
 Tuwan Putri,
 Kusuma Wati maparab.

(36)

Sang Prabhu lasĕm mangĕlah,
 maputri istri abĕsik,
 warnna hayu ngayang-ayang,
 Tuwan Putri Sumba Sari,
 paparabĕ nĕ kapuji,
 maka dadwa sabĕ katur,

ring Tuwan Jayĕng Kusuma,
 caritayang nĕnĕ jani,
 Radĕn Pañji,
 Jayĕng Kusuma mantukan,

(37)

Mangrañjing di pamrĕman,
 pamrĕmanĕ Nila Wati,
 Putri Nila Wati nĕmbah,
 matur midarttayang mangkin,
 tityang ngaturang nĕ mangkin,
 mangda bĕli wikan ratu,
 Tuwan Putri Nawang Cindra,
 sanĕ hinuni nĕsĕkin,
 nĕ mawasta,
 Gambuh Wargga Hasĕmara.

(38)

Nawi Putri Nawang Cindra,
 kulangunan buduh paling,
 ring Gambuh Wargga Hasmara,
 Jayĕng Kusuma nĕ mangkin,
 pamĕnggahĕ nĕ tan sipi,
 mados-dosan gĕlis nĕjuri,
 ring Putri Nawang Cindra,
 nakĕning Ida Tuwan Putri,
 suwa kawan,
 sĕbuh dĕning lintang mĕnggah.

(39)

Tuwan Putri Nawang Cindra,
 mañĕmbah haturĕ manis,
 dija wĕntĕn marggin tityang,
 kulangunan buduh paling,
 ring gambuhĕ nĕ puniki,
 tityang wantah ngĕnkĕn ratu,
 masolah ngalampahang,
 Pañji Sĕmirang sayuwakti,
 tityang dĕmĕn,
 ring hilĕn-hilĕn punika.

(40)

Krodhané Jayéng Kusuma, -/-
 /47/ halah dampĕh paramangkin,
 tumuli malih matulak,
 ka pĕmrĕman Nila Wati,
 Tuwan Putri Nila Wati,
 mañĕmbah raris mahatur,
 yan tityang ngĕmanahang,
 tatingkahané sahirib,
 anak ħĕluh,
 Gambuh Warga Hasĕmara.

(41)

Manawi Pañji SĚmirang,
 talĕr té sĕlĕh-sĕlĕhin,
 Jayéng Kusuma mangucap,
 bĕli tan pañjang mangiring,
 sakadi kahyunan adi,
 kĕto pangrawosé puput,
 suba manampi sañja,
 tumuli sampun mangrañjing,
 né papitu,
 gambuhé dadi hakamar.

(42)

Nghing Jayéng Kusuma Hosah,
 twara suwud mañĕlĕhin,
 jani suba pĕtĕng pisan,
 liwat tĕkĕn tĕngah wĕngi,
 sĕdĕkan sĕpiné mimit,
 né jani caritayang lawut,
 Gambuh Warga Hasĕmara,
 panak-panakané jani, lawut rumrum,
 né jani kaharas-aras.

(43)

Dhuh idĕwa sayang pisan,
 panak biyang pinih kĕlih,
 né jani hajin idĕwa,
 di jroning nagara dini,
 bin pidan dong kapanggih,
 yan hidĕwa ħĕnu lacur,

nandangin ajak ibiyang,
 ibapa bĕs dadi hati,
 mangulurin,
 kahyun ħĕngsap tĕkĕn biyang.

(44)

Jayéng Kusuma mĕdasang,
 di sangladé sampun ngintip,
 sapari polahé kacinghak,
 tĕlas kapiřĕngang sami,
 tingkahé mapasihin,
 togogé jumahan klambhu,
 Jayéng Kusuma mangaduhdah,
 tong dadi bahan ngĕmpĕtin,
 mangadĕngang,
 sisin klambhuné milidan.

(45)

Gambuhé nĕné ħĕlĕnan,
 pulĕs maka ħĕnĕm diri,
 Gambuh Warga Hasĕmara,
 ñumingkinang ngasih-asih,
 sinah kacingakin jani,
 togog pakirimé malu,
 kĕlambuné lut hungkabang,
 ngĕlut bahu mapasihin,
 babang ħĕlu,
 Gambuh Warga Hasĕmara.

(46)

Ngatĕpĕsang tong ñidayang,
 tangané suba kagisi,
 Jayéng Kusuma nĕkĕkang,
 ħĕntĕn gambuhé nĕm diri,
 makĕjang padha malahib,
 makĕjang padha ñalukřuk,
 ñalubsub jĕjĕh pisan,
 kĕné pamarñnané jani,
 jani ganti,
 rahasyané kĕl katara.

(47)

Gambuh Wargga HasĚmara,
 togog-togogané raris,
 gĚlis sampun kahĚntungang,
 Jayéng Kusuma né mangkin,
 mangandika banban manis,
 apa salah nĚané ratu,
 panak-panakané nika,
 ĥĚntungang idĚwa jani,
 nĚné salah,
 bapan togogé punika.

(48)

Waya tuwah ĥĚné idĚwa,
 Pañji SĚmirang sujati,
 ĥĚlas ninggal běli hilang,
 hiyut-hiyut běli ngalih,
 wawu mangkin né kapanggih,
 dong sampunang sĚndhu ratu,
 iratu jwa mamañjakang,
 nitahang sapatu hurip,
 ratu agung,
 ĥĚda ratu mamrungusang.

(49)

Kanti tĚkĚd tityang ka Daha,
 mangĚndoning ngalih adi,
 wĚtu tityang kadayang,
 Galuh AjĚng nĚlĚdinin,
 karanna tityang mangkin,
 idĚwa dadi karuruh,
 déning tĚtan wĚntĚn pisan,
 ring Galuh AjĚng sywakti,
 kadung puluk,
 hulanguné ring idĚwa.

(50)

Pagangсарin nĚaritayang,
 jani suba sinah gati,
 Tuwan Putri Cindra Kiranna,
 né jani kocapang malih,

sagĚtan suba makilit,
 pangrawosé jroning klambhu,
 déning bĚs lami pisan,
 mangumbara salih-alih,
 mara tĚpuk, -/-
 /48/ né mula pacang sadhyayang,

(51)

Jani suba ngĚnti payas,
 gambuhé nĚné nĚm diri,
 buka nĚné suba-suba,
 buwin mapangango istri,
 déning nĚné mula hiring,
 né jani suba matĚmu,
 apang kikitan jĚngah,
 awak ĥĚluh mangango mwani,
 réh subhakti,
 ring Putri Cindra Kiranna,

(52)

Gambuh Wargga HasĚmara,
 disubané sinah istri,
 Tuwan Putri Nawang Cindra,
 mĚwah Putri Nila Wati,
 maka dadwa né kabilbil,
 makadĚnang lanang tuhu,
 Gambuh Wargga HasĚmara,
 twara tawang anak istri,
 dadi caluh,
 Ěnto kraña buka ĥĚrang.

(53)

Né jani Jayéng Kusuma,
 ngrĚrĚp di pamrĚman ngĚmpi,
 mangungkung Cindra Kiranna,
 déning wahu mara kapanggih,
 jani mangulurin gati,
 malĚdang-lĚdang ring kahyun,
 Tuwan Putri Cindra Kiranna,
 kĚcud lémlĚm lanang istri,
 bĚs masĚkung,

di pamrĕman kakukupang.

(54)

Né jani Jayéng Kusuma,
maranin putriné kalih,
né di karang pasantryyan,
Nawang Cindra Nila Wati,
angucap Sang Nila Wati,
mangkin běli lali sampun,
réh sampun macakĕpan,
ngulurin kahuné sahi,
kĕnĕm-kĕnĕm,
Jayéng Kusuma mangucap.

(55)

Ngudyang běli pacang hĕngsap,
ring idéwa maka kalih,
kéto mangandika banban,
lawut putriné kakalih,
karuh-rum ban muñi manis,
di pamrĕman ngucap halus,
Jayéng Kusuma parajñan,
ngalap trĕṣṇan anak istri,
Tuan Putri,
maka kalih padha liyang.

(56)

Jayéng Kusuma bwin tulak,
ka pĕmrĕman Tuan Putri,
Cindra Kirañna kaharas,
karum-rum ban muñi manis,
lawut mangucap da haris,
jiwan tityangé iratu,
réh sampun lami pisan,
tityang magĕnah iriki,
ring Gagĕlang,
manah tityang jaga tulak.

(57)

Jaga mantuk ka Koripan,

nanghing tityang sarĕng adi,
kija pacang pakahyunan,
ka Koripan silih tunggil,
ka Daha tityang mangiring,
sakahyun-kahyun iratu,
Cindra Kirañna manimbal,
matur nguntut saha bhakti,
mrika ngraris,
běli kéwantĕn ka Daha.

(58)

Wirĕhning wĕntĕn ring Daha,
běli ndruwé Pramésuari,
Galuh Ajĕng nĕné sayang,
tityang tan wĕntĕn mangiring,
ngudyang ngrĕrĕh pañakit,
tan papĕgat pacang ribut,
réh tityang katinggalan,
pramésuari mandĕwati,
tan pakaryya,
yan pacang mantuk ka Daha.

(59)

Jayéng Kusuma angucap,
ngudyang kéto bahan adi,
buka nĭntĕdin ngandika,
sangkan běli manarinin,
kanggo hadi mamilihin,
jani kija pacang laku,
bĕnĕh-bĕnĕh adi ngandika,
boya sampunang ñugjugin,
sampun ratu,
tingkĕs maring pakahyunan.

(60)

Tuan Putri Cindra Kirañna,
sahur sĕmbah matur raris,
ngiring sampun ka Koripan,
tityang ngiring linggih běli,
twara kocapang né buwin,
tĕkaning puhara lawut,

Jayéng Kusuma ndawuhang,
ring I Kalang Wirun malih,
Iyandaka,
maka miwah ring I SĚmar. -/-

(61)

[49] Mangda gĕlis mandawuhang,
ruwang pangiringé sami,
I Wirun sampun ndawuhang,
Jayéng Kus uma né mangkin,
tumuli wuwus mapamit,
nambah ring Ida Sang Prabhu,
mamarggi to abryukan,
yan akudang jadma ngiring,
sayan liyu,
bahan pañjak sasĕréyan.

(62)

Sungsut Sang Prabhu Gagĕlang,
dĕning ida ngĕman gati,
antuk Sang Prabhu Gagĕlang,
Jayéng Kusuma wiyakti,
suwung mungmung parajani,
ida dané sami sungsut,
Jayéng Kusumā ris budal,
kalih Radĕn Singha Mantri,
lintang inguh,
kalahin I Wirun SĚmar.

(63)

Kraña sayang Wirun SĚmar,
wirĕh Radĕn Singha Mantri,
ĕnto kraña kasayangang,
I Wirun I SĚmar sahi,
pĕtĕng lĕmah mangingkrĕkin,
rĕh kĕmulan nané pacuk,
I Wirun lawan I SĚmar,
ngajumang Radĕn Singha Mantri,
kicĕn dadar,
kambĕn hupah mangasubang.

(64)

Pamarggin Jayéng Kusuma,
ngaliwatin alas bukit,
kalih Radĕn Wirĕntaka,
ngiringang putriné kalih,
Tuan Putri Nila Wati,
Putri Nawang Cindra sampun,
pamargginé sayan sawat,
Jayéng Kusuma makedi,
twara bĕlas,
ring Putri Cindra Kiranna.

(65)

Twara hucapang di jalan,
sagĕt suba tĕkĕd jani,
di Kota Baru manapak,
tumuli ahgucap haris,
Cindra Kiranna ngabhakti,
ring Jayéng Kusuma matur,
tityang manawĕgang pisan,
ring ibĕli kadi mangkin,
mangda bĕli,
ngandikayang manguwugang.

(66)

Kota Baru né hicalang,
mangda sampun mangaryyanin,
hĕling-hĕlingan né lawas,
sampun kadawuh né mangkin,
hulubalangé né sami,
ngarugah papayon sampun,
puñan binginé mapungkat,
pĕcak pasanggrahané rihin,
tatangunan,
Rahadĕn Pañji SĚmirang.

(67)

Nĕné jani suba lapang,
Kota Baruné ya bresih,
mawali ya dadi tĕgal,
halasé kadi né rihin,
tumuli raris mamarggi,

pamargginé mangkin sampun,
nampĕk ring jagat Koripan,
sampun rawuh ring panĕpi,
Radĕn Pañji,
Jayĕng Kusuma angucap.

(68)

Ih Wirun Sĕmar Handaka,
iba kalang jalan jani,
padha mamalikin adan,
adan hirané buwin jani,
Radĕn Inu Krĕtha Pati,
dĕning kĕto huli malu,
hadan irané kahucap,
kalih iba barĕng jani,
ajak patpat,
buka hadané né suba.

(69)

I Jrudĕh mĭwah I Punta,
tur I Prĕsanta makadi,
I Karttala kĕto pisan,
idhĕp hira nĕné jani,
rĕh suba siddha kapanggih,
nĕné jani Tuwan Galuh,
Putri Cindra Kirana,
né gumana pacang halih,
apang twara,
ngĕlĕnin suba né suba.

(70)

Raris gĕlis mangandika,
Radĕn Inu Krĕtha Pati,
iba I Punta Karttala,
kĕmo hiba ngamaluwin,
huningayang nĕné jani,
ka Koripan ring Sang Prabhu,
I Punta Karttala bĕcat,
gagĕsonan ya mamarggi,
pajalané,

kucup twara matolihan.

(71)

I Punta Karttala girang,
twara nawang lĕlĕh gigis,
lĕgan nané tan sipira,
majalan saling langkungin,
ajahan sampun ya prapti,
tumuli sampun mahatur,
mañĕmbah ring Sang Nātha, -/-
50 sang Prabhu lĕdang tan sipi,
mandawuhang,
nabdabang pacang mamĕndak.

(72)

Hulubanglang sinamyang,
Mañca Punggawa para mantri,
sampun kumpul ring bañcingah,
abriyukan lut mamarggi,
mapĕndak ban gong lan bĕdil,
mĭwah tamburé di malu,
baris madabdaban pisan,
kahatĕr ban mañca mantri,
pamĕndaké,
suba macunduk di jalan.

(73)

Sarawuhé ring Koripan,
Radĕn Inu Krĕtha Pati,
sampun ngararis kapuryyan,
mĭwah ring Tuwan Putri sami,
lĕdang Śrĭ Pramĕswari,
mĭwah ring Ida Sang Prabhu,
dĕning putrané yus prapta,
Radĕn Inu Krĕtha Pati,
mahiringan,
putri lĕwih-lĕwih pisan.

(74)

Mangkin sampun kapidartta,

sakaṇḍha-kaṇḍhané sami,
saking kawit kantos husan,
Sang Prabhu ngandika haris,
hĕné hĕnĕn anak mwani,
hajak idéwa tur bagus,
sasahuré saha sĕmbah,
Radén Inu Krĕtha Pati,
hokan ida,
Sang Prabhu ring Jagaraga.

(75)

Parab Radén Wirāntaka,
nanghing katinggalan haji,
sampun rusak ring payuddhan,
kéto haturé ngabhakti,
Radén Inu Krĕtha Pati,
né mangkin mapamit sampun,
muwah Radén Wirāntaka,
kapĕmrĕmané mangĕraris,
déning lĕsu,
hantuk wahu rawuh pisan.

(76)

Putriné masowang-sowang,
kicchéṅ gĕnah maka sami,
mangkin Radén Wirāntaka,
makadiṅa Tuwan Putri,
Tuwan Putri Puṣpa Sari,
padha maplēbahan luwung,
ada di karang duka,
Radén Inu Krĕtha Pati,
sarĕṅ Cindra,
Kiraṅna di jĕro kaléran.

(77)

Tuwan Putri Cindra Kiraṅna,
hatur manis saha bhakti,
mangkin napi hanggĕn tityang,
malĕs swĕcchan linggih bĕli,
hantuk bĕli mangicchéṅin,

tityang togog hĕmas ratu,
masoca hintĕn bĕrliyan,
puniki wĕntĕn kakalih,
Tuwan Putri,
saking nagara mĕntawan.

(78)

Putri hayu ngayang-ayang,
Tuwan Putri Puṣpa Sari,
makadiṅa Puṣpa Juwita,
bĕli ngambil maka kalih,
bĕli nĕruwĕnang mangkin,
hanggĕn tityang malĕs ratu,
swĕcchan bĕliné ring tityang,
Radén Inu Krĕtha Pati,
tan pasawur,
pragat mingis di swabhawa.

(79)

PUH PANGKUR

Ida Sang Prabhu di Daha,
mangkin sampun mirĕṅ hortta
jati,
putriné Ida Tuwan Galuh,
sarawuhé masarĕṅan,
mangkin sampun ring Koripan
Twan Galuh,
Cindra Kiraṅna punika,
sarĕṅ Inu Krĕtha Pati.

(1)

Ida Sang Prabhu di Daha,
ngandika ring Punggawa pacang
ngiring,
pangiringé sampun kumpul,
sang Prabhu wus mamargga,
ka Koripan lédang kahyuné
kalangkung,
panglungané masarĕṅan,

Né maparab Mahā Déwi.

(2)

Tuwara hucapang di jalan,
sagét napak di Koripan
mangraris,
ka puryyan ida sampun,
Mahā Déwi kapamrĕman,
Pramésuari irika sampun
malungguh,
Pramésuari raris ngucap,-/-
517 ngandika ring Mahā Déwi.

(3)

Wiyakti ké Prabhu Daha,
bangĕt pisan nuhutang anak
istri,
katitah ban Mahā Liku,
sapunika kabiyaya,
Mahā Déwi pangucapé lintang
halus,
wantak sawiyakti pisan,
hawanana sakadi mangkin.

(4)

Né jani padha mararawosan,
Mahā Déwi mangiring Pramésuari,
mangrawosang Mahā Liku,
padha ngĕmbĕng yĕh cingak,
mangandika ndawuhang Ida Sang
Prabhu,
ngutus mangĕséngin putrā,
Radĕn Inu Krĕtha Pati.

(5)

Sampun rawuh ring ajinda,
Radĕn Inu Krĕtha Pati niki,
sarĕng Rahadĕn Galuh,
Putri Cindra Kiranna,

sampun nangkil ring ajinda
sami nguntuk,
mahatur Sang Prabhu Daha,
ring rakan ida saha bhakti.

(6)

Inggih bĕlin tityang,
yan kapatuĕ kabuĕcingang né
mangkin,
ngiring pakaryyanang ratu,
Putri Cindra Kiranna,
ring Rahadĕn Inu Krĕtha Pati
ratu,
Putri Cindra Kiranna,
ring Rahadĕn Inu Krĕtha Pati.

(7)

Hutusan dadwa majalan,
ka Gagĕlang I Karttala lan
I Jurudĕh,
ngaturin Ida Sang Prabhu,
mangda rawuh ka Koripan,
sarawuhé di Gagĕlang parĕk
sampun,
ka puri marĕk Sang Nātha,
sampun kapidartta sami.

(8)

Lédang Sang Prabhu Ga gĕlang,
mirĕng hatur I Karttala I
Jurudi,
gĕlis mandawuhang sampun,
watĕk né ngiring samyan,
sasampuné pangiringé sami
rawuh,
Sang Prabhu raris mamargga,
masarĕngan Pramésuari.

(9)

Miwah putrané Sang Nātha,

Radén Singha Mantri masih
mangiring,
mapalinggihan kuda ndawus,
haji biyangé pungkuran,
maplinggihan joli tur ma-
payung agung,
sarawuhé di Koripan,
sampun mangraris ka puri.

(10)

Twan Putri Cindra Kiranna,
masarėngan Radén Inu Krėtha
Pati,
nangkilin Ida Sang Prabhu,
Prabhu Gagėlang angucap,
ring Rahadén Inu Krėtha Pati
halus,
gambuhé néné hėlėnan,
ėnto kija padha buwin.

(11)

Dadyanėa abėsik ngėnah,
Gambuh Warga Hasmara dwėn
dini,
raris kėnėm Tuwan Galuh,
nguntuk ngėlėnang cacingak,
Radén Inu Krėtha Pati kėnėm
buhung,
mirėng pitakén Sang Nātha,
Gagėlang tur mingis-mingis.

(12)

Néné jani caritayang,
sampun hadung babawos raka
rahi,
Sang Prabhu Gagėlang matut,
raris Sang Prabhu Koripan,
mandawuhang sa ūpakarané
sampun,
ūpacara pabuńcingan,
sampun srėgėp maka sami.

(13)

Pėtėng lėmah ramya pisan,
di Koripan karyyané Śrī
Bhupati,
né jani Ida Tuwan Galuh,
Mahā Dėwi manabdabang,
Pramėswari mangiyasin Tuwan
Galuh,
Putri Cindra Kiranna,
Radén Inu Krėtha Pati.

(14)

Sampun puput pabuńcingan,
pangońangé yan kudang-kudang
kėti,
wirėh karyyan anak agung,
ratu mamutėrang jagat,
Sang Prabhu Koripan nontėrahang
lawut,
putri raris kabhisėka, -/-
52 Radén Inu Krėtha Pati.

(15)

Nėnėng hagung di Koripan,
mangėntinin ajinda sampun
lingsir,
dwaning ida papakahyun,
pacang ngrangsuk kadharman,
Radén Inu Krėtha Pati mangkin
sampun,
paparabė kasontrakang,
Sang Prabhu Hanom né mangkin.

(16)

Twan Putri Cindra Kiranna,
mangkin sampun mańėmėng Pra-
mėswari,
nanghing putri né tatėlu,
Twan Putri Nawang Cindra,
makadińa Putri Nila Wati
sampun,
mīwah Putri Puspa Jwita,

dados panawing né mangkin.

(17)

Radis Sang Prabhu Gagĕlang,
mapinunas ring Sang Prabhu
Daha mangkin,
mangdĕné wĕntĕn kahutus,
ka Daha pacang mamĕndak,
mangaturin Galuh Ajĕng Mahā
Liku,
mangda rawuh ka Koripan,
babawosé sami radin.

(18)

Kapatut mapajangkĕpang,
Galuh Ajĕng ring Radĕn
Singha Mantri,
tumuli sampun kadawuh,
hutusané lut majalan,
gagĕsonan pamargginé sampun
rawuh,
di Daha lut ngapuryyang,
marĕk Mahā Liku gĕlis.

(19)

Mahā Liku girang pisan,
Galuh Ajĕng giras tur dangkrak-
dingkrik,
kĕné mapinĕh di kahyun,
jani kaya gagantiĕna,
Radĕn Inu Krĕtha Pati pacang
tĕpuk,
dĕning pacang ka Koripan,
gagĕlisan sampun mamarggi.

(20)

Sarawuhé di Koripan,
Mahā Liku sampun ngapuryyang
mangkin,
Galuh Ajĕng sampun puput,

mapapayas huli daha,
ban lĕgané papusungan ngandang
nganjuh,

putran Sang Nātha Gagĕlang,
Radĕn Singha Mantri mangkin.

(21)

Hingkĕl hica kakak-kakak,
hé hé hé hé hu hu hu huk hi hik-
hi hik,

bahan lĕgané kalangkung,
bahan pacang kabuĕcingang,
nĕné jani lawut caritayang
sampun,

pĕtĕng nĕandang pahinganan,
kapĕmrĕman lanang istri,

(22)

Satĕkĕdé di pamrĕman,
Galuh Ajĕng tuwara ngrawos
buwin,
mangatitĕm jĕg mangĕlut,
turmaning mangaras-aras,
salahĕ sĕngguh maniman mangi-
puh-ipuh,

Galuh Ajĕng maĕngguhgang,
Radĕn Inu Krĕtha Pati.

(23)

Lawut mangosa maniman,
Radĕn Singha Mantri mangawuk
pipi,

Galuh Ajĕng dadi gĕlu,
makĕsyab mara maĕnggak,
lawut nĕrit di pamrĕman ngu-
lun-hulun,

nagur niĕnjak ngajap-ajap,
Radĕn Inu Krĕtha Pati.

(24)

Sambil ngarad ngucap-ucap,

dadi kéné tyang mbahan somah
 jani,
 baděng kotot gigi gingsul,
 arah tityang twarę hěnak,
 tityang jěgég jangkěpang kén
 anak gėruh,
 né mula dēmėnin tityang,
 Radén Inu Krětha Pati.

(25)

Radén Singha Mantri ngucap,
 pangrumrumé papolosan kěning-
 kěning,
 hěda nangis ratu hagung,
 tityang né paling bagusa,
 di Gagělang twara ada pacang
 patuh,
 kabagusané ring tityang,
 mariki ké ratu masunggi.

(26)

Tityang sayanganga ida,
 yadyapin katu gėnah sahi
 nunggi,
 tityang tan piwal saturut,-/-
 /53/boya to slėdėtan tityang,
 tityang bagusan těkėning néné
 bagus,
 Galuh Ajěng mańangėtang,
 nangis makějang miragi.

(27)

Ida Sang Prabhu Gagělang,
 déning ida wus sampun tatas
 huning,
 déning mula huli malu,
 putriné hěněm-hěněman,
 mani sēměng madabdaban pacang
 mantuk,
 ka Gěgělang pacang tulak,

tur putra mantu makadi.

(28)

Pasēmėngan raris mėdal,
 Sang Prabhu Gagělang lan Pra-
 mėsvari,
 Radén Singha Mantri sampun,
 muwah Galuh Ajěng mėdal,
 katakuta n těkėn haji lut
 saturut,
 pacang mantuk ka gagělang,
 ngiring Radén Singha Mantri.

(29)

Mahā Liku mangėnggalang,
 nėsėkin Galuh Ajěng kabisikin,
 daging babisiké halus,
 mangucap hadėng pisan,
 panak tityang Galuh Ajěng
 mrika sampun,
 ngraris déwa ka gěgělang,
 kėwala hėlingang gati.

(30)

Babėsėn tityang hingėtang,
 sėrėpang di Gagělang tundėn
 ngalih,
 soroh guna-guna ratu,
 apang idėwa kadrėmanang,
 makadińa rakan idėwa pang
 takut,
 nanghing apang silib pisan,
 kėto pisan hěda ngėngsapin.

(31)

Pangiringé sampun napak,
 di bańcingah Sang Prabhu raris
 marggi,
 pamarginé sampun rawuh,
 mangkin ring Puri Gagělang,

sami liyang mahénakan ya
satuwuk,
Galuh Ajěng twara hěngsap,
těkéning paběsěn bibi.

(32)

Jani Radén Wirāntaka,
matulak ka Jagaraga ida
bwin,
kicén tatrímėnan hayu,
ring Ida Nātha Koripan,
né maparab Putri Puşpa Sari
sampun,
mamarggi tur mahiringan,
I Karttala lan I Jrudi.

(33)

Déning bwaka mahutusan,
misėkėnang Sang Wirāntaka
jani,
ditu pacang nėnėng agung,
mangėnti sang wuwus lina,
sampun rawuh di Jagaraga
manglawut,
I Jrudėh Karttala sėmpyar,
mañantrahang ring nagari.

(34)

Mangkin Radén Wirāntaka,
nėnėng agung di Jagaraga
mangkin,
pangėntos Ida Sang Prabhu,
né ring jagat Jagaraga,
sasampunė puput mañontrahang
lawut,
buwin tulak ka Koripan,
gagangsan sampun prapti.

(35)

I Jarudėh kicchén pangkat,
dadi dėmang di Patandakan

jani,
mīwah kicchén somah hayu,
né mahadan Nikén Bayan,
I Karttala mandadi prėbėkėl
sampun,
tur kahicchén tatrímėnan,
né madan I Bayan Sanggit.

(36)

Makadiña I Prėsanta,
mbahan pangkat mandadi Mañca
Mantri,
tuting tatrímėnan sampun,
né mawasta Nikén Monėng,
lan I Punta kaswėcchan dadi
Tumėnggung,
masih kicchén tatrímėnan,
Nikén Pasiriyan wiyakti.

(37)

Ñandang kasėmpolėh pisan,
nėné patpat kalėbang-lėbang
ngiring,
satiba paraning laku,
lintang wanén di pasyatan,
twara bisa masiring angan
akuku,
I Punta lan I Prėsanta,
I Karttala lan I Jrudi.

(38)

Déning suba suwud karya,
Sang Prabhu Daha kocap mantuk
jani, -/-
[54] mabriyuk nėmbah manguntuk,
lan Putri Cindra Kiranna,
mīwah Radén Inu Krėtha Pati
sampun,
sang Prabhu raris mamargga,
maka mīwah Mahā Déwi.

(39)

Mahā Liku masih budal,
pamargginé sagét sampun
da prapti,
di Daha Ida Sang Prabhu,
Mahā Déwi kadrĕmanang,
nanghing Mahā Liku twara
ja kalingu,
réh gunané suba hilang,
lawut Mahā Liku jani.

(40)

Ngĕséngin samĕton hénggal,
sagét rawuh maparab Jakṣa
Mantri,
raris ngucap Maha Liku,
kĕmo luwas hénggal-hénggal,
nunas sĕpah sig tongosé
nunas malu,
Jakṣa Mantri lut majalan,
tumuli sampun prapti.

(41)

Di bongkol gunungé hujan,
hangin linus mīwah krug
ngarĕs-rĕsin,
kilap mañandĕr masĕpuk,
liyu puñan kayu hĕmpak,
twara hada tongos mémbon
pĕtĕng hibut,
Jakṣa Mantri sandĕr kilap,
bungluh layoné ngulintik.

(42)

Mahā Liku kacar ita,
bahu mirĕng hortta kocap né
jani,
rahiné di bongkol gunung,
ndĕwata kasandĕr kilap,
dadi gĕlu mapangsĕgan ngĕlut
hĕntud,
twara pisan ngĕlah kañdha,

hibuk kahyuné tan sipi. -/-

(43)

Hal. 55 hilang.

567 PUH KUMAMBANG

Mas Kumambang,
né jani anggon pakĕling,
duk puput mangarang,
dina Radité Humanis,
hukun Ūyé tanggal Blanda.

(1)

Tĕlung daśa,
śāsih Nopĕmbĕr nĕmonin,
mīwah Īsakannā,
siya bangsit satus lĕbih,
pat likur warṣaning hĕrāt.

(2)

Ida ratu,
Bhaṭāra ring Mahā Giri,
panĕmbahan jagat,
makadi Déwa-dĕwata-dwati,
āgung hallit kawiséśa.

(3)

Bwatan knéng,
ūpadrawa tityang ngawi,
ngapus gagĕndingan,
gĕndingang ring kāla wĕngi,
maka panuru-nuruwan.

(4)

Apan hada,
tuturan hanaké rihin,
panunggalan manah,
manahé malilang hĕning,
né kahutus dadi tunggal.

(5)

Nanghing huli,
huli di rahasyané pipit,
né sapta mapĕcak,
pĕcahang prĕmañca da di,
rĕncana dadi prĕnawa.

(6)

Kĕto pangringkĕsan
ñané né katrini,
kadadĕnña tunggal,
tri wikramané hatĕpin,
pan ditu kumpul makĕjang.

(7)

Yan malĕsat,
masalin suba ya ĝampil,
mapindha ya bĕlas,
haduwang tungtungé wiji,
ĕnto dadi kalĕpasan.

(8)

Hambara Wiñdhu,
tan parawating hurddi,
tampak twara matra,
tunggalang pucuking hakši,
prĕnawa suba prĕlina.

(9)

Paripūrñna,
dirgga yusa dina lĕwih,
hingĕt apang tatas,
matra patata-tataning,
śāstra magatra di śāstra.

(10)

Yaning suba,
dadi bahan ngĕka buwin,
harang né ngawinasa,
yan huduwang para ngungguhin,
to mangaduk jroning garbba.

(11)

Slaning rahina,
wĕnginé jwa kahungsi,
hĕnto Sang Hyang Tunggal,
yan suba sablĕngkot dadi,
dini ditu ya sanguwang. -/-

(12)

577 Patĕlahan,
hawak ĝĕlahé kapanggih,
mawak tan pahawak,
mahawak awaké mūrtti,
tuhu jati sajatmika,

(13)

Kanirmalan,
tan palĕtĕh déwa gusti,
ratu apang mĕlah,
ida mamiharša ĝĕnding,
kidung panuru-nuruwan.

(14)

Apang hida,
hĕñak maturu ring wĕngi,
turu-turu ayam,
pinah sampun tĕngah wĕngi,
Ida Ratu Śūrnyan nidra,

(15)

Cingak kuda,
ring bwaña āgung Sang Rĕṣi,
apa sadhyan ida,
sangkan Warigadyan nadi,
tunggal pĕtĕng twah mayoga.

(16)

Papak lĕngkarayang
hikat pasupati,
nanghing apang ada,
raragrahan ngikĕt ĝĕndhing,
dini ditu twara tawang.

(17)

Bĕli kuda,
apang caluh patatašin,
ida sang mayoga,
pĕtĕngĕ buka kidĕmin,
ida maraga tan pawak.

(18)

----- oOo -----

ITI GAGURITAN PAÑJI SĚMIRANG : paścat tinular dĕ Ni Ayu Parwati,
ring Bañjar Balĕpunduk Kĕlod, Tĕgalinggah, Karangasĕm, duk rahina:
Śaniścara Pon Matal, Tanggal Masĕhi : 18 Matĕt 2000.
Kṣamākna ngwang mudhalpa śāstra.

----- oOo -----